

تنشج الدموع لتحادث الصمت
بقلم/ اجنحة الوميض

~~~~~  
تجميع: فيتامين سي  
شبكة روايتي الثقافية  
~~~~~

السلام عليكم
رواية عراقية رومانسية لـ أجنحة الوميض
نصف الاحداث حقيقيه اما الاسماء فجميعها خياليه..

بدأت ١٣ /٨/٢٠١١ مـ

رواية (♥♥ تنشج الدموع لتحادث الصمت)♥♥



تنشج ليالي الشتاء لأنها فقدت المطر

دموعاً تنزل بلا توقف تريد ان يحبها المطر

حديثاً ودياً بين الدموع والصمت يجري بين ثنايا الضلام



لا تملي من الانتظار يا طفلي سيعود الشتاء مع المطر وسيغرق وتبتلي
حتى تختفي دموعك مع المطر...



كانت علياء تشرب الشاي على عجل لأنها سمعت هاتفها يرن وهذا
يعني سيارة الشركة وصلت:

أم علاء: يمه ليش دوج متأخره.

علياء: يا يمه يا عمري دوم نفس ألحجي شلون يعني أنه هيچ ما أكر
إلا أتأخر.

أم علاء: ليش ما تكعدين من وكت؟

علياء: هسه لو أكعد بـ ٣ ألفجر هم أتأخر.. يلا مع ألسلامه) قبلت

رأس أمها وأخذت حقيبتها وتوجهت للباب)
يلا مع السلامة
جئت شمس تركض وفي عينيها الأنعاس
شمس: أو كفي فدوه.
علياء: بسرعه شتردين؟
شمس: راح ألبس عبايتج الجديدة.
-أو ليش يعني؟
-عدنه أحتفال ألكلوريا فدوه.
-أمم خليني أفكر بالدوام.. يلا مع السلامة تأخرت.
تركبتها مصدومه وذهبت جلست شمس بجانب والدتها وقالت: يماا
شفتيها؟
-عبايتها جديدة وماتريدج تسحلينها..
-شكالولج أنه أسحل الهدوم؟
سمعت صوت ضحك من خلفها عرفتة وقالت:
-أي أنت أضحك ماي بارد على كلبك.
حسن: ههههاي أليوم ماده ألبوز؟
-يمه سكتي أبنج.
-أبنها يعني مو أخوج؟
قبل رأس والدته وقال لهم
-صباح ألكير
-شعجب حضرت أالموظف مو بالدوام أليوم؟
-كلت يا ولد أختك ما عدها عبايه تكشخ بيهه شلون تروح للدوام أوما
تشتريلا
قفزت من مكانها وقالت
-والله.
-لا. هههه

خیت

الأم: عيب أخوج أكبر منج.

۱- یمه های صفة مو غلطه.

-ألمهم نص ساعه وأروح للسوك- ألي يريد عبايه يحضر روحه.
قبلت اخيها وذهبت تغير ثيابها حتى دون ان تتناول طعام الافطار.

ألتفتت الأم على حسن و قالت:

-الله يخليك لخواناك ويساعدك ويطيح بنت الحلال.

رفع يديه للسماء وقال: .:

-يارب آه لو عليوي يتزوج ويفتح ألى المجال.

-أي والله هوا بس لو يكولى أدورله من باجر-

-یاریت یا یمہ بس شکله یریدنی أعنس.

-أسم الله عليك من العنوسة-

قطع كلامهم صوت بوق سياره.

-حسینہ بعدہی ما رایحہ-

أجاہم صوت حسناء

-یس آیام ہیر۔

الأم: يلا كو.

حسن: أوو بس أمی تجاریج یا حسناء

حسناء: ههه صباح الخير ماى فاملى

قبلت والدتها

الأم: ماتتريكين؟

حسناء: متبعه حميه.

حسن: تریدین ترشقین أعضامج.

حسناء: هههههههههههه لا أجذب مو حميه بس والله ما أشتهى...

رادت تروح بس أمها كالت

الأم: حاطه كحلّه يا حسناء؟

نظرت لولوالدتها وقالت:

-تعرفين كلش زين أحنه مانحط مكياج ليش كل يوم نفس السؤال...

تركت وذهبت وهيه حزينه

حسناء بيضاء رشيقة وعيناها واسعتان وورموشها الكثيفة يخيل للناظر كأنها تزينها بالكحل وهي جميلة دون أي تبرج اهلها يثقون بها كثيراً لكن الام وقلبها لا تستطيع ان تسكت وهي تشاهد فتية اليوم وتبرجهن ..لذا تحب ان تنصح بنتها لكن بأسلوب غريب.

حسن: أنه رايح ابدل لا تجيني المصركعه.

-روح الله يوفقك

وعندما ذهب اخذت هاتفها المحمول وارسلت رسالة نصيه ووضعته بقربها.



(في غرفة البنات)

شمس خلصت لبس وباوكت لنفسها بالمرايه

-آه أخبل شنو أنه والله لو يطيعوني ويخلون ألبس بوشيه من جمالي..

جاء حسن لغرفتها وسمع ما قالتة فضحك وقال ..

-تلحكين حالاتي.

-يا حالات ألقه...

حسن رشيق وطويل طوله ١٨٩ سم أبيض عيونه كبار بس دوم يضيقهن

لمن يحجي وهذه خلاه أحله خشمه حلو وشعره أسود فاحم وسرح حتى

ألجل مايفيده جان لابس تي شيرت أسود وبیه صورة أسد بالأبيض

وبنطلون أسود وطالع بهي الطلعه

أما شمس بيضه وطولها ١٦٢ سم رشيقه لأن مسويه الها نظام غذائي

عيونها كبار ورموشها كثيفه بوجها شامات فوق حاجبها الأيسر وفي
ذقنها ثنين وعلى خط رمشها وحده وفي خدها الأيمن اثنين جانت لابسها
عبايه سلاميه (على الكتف) عريضه وبها شوي كرسنالات وي ملفع
ماروني وجنطه بيها ماروني وأسود وطالعها جمال وكشخه
-شمضيعة بيه ما خلصتي؟

-هههههههه لا بس طالع تخبل لا تتحسد روح لمي تقرا عليك
المعوذتين.

-أذا خلتيج ورحت بعد ما تطلعين من غرفتيج... يلا كدامي.
وضل يدفع بيها وهما نازلين الدرج سحكت عبايته رادت تطيح بس
حسن كضها وكال: شعجب عبايتيج كلش طويلا؟
-أستر..... وبعدين لا تدفع على كيفك.
-يلا راح أجيب المفاتيح وأنت تاتيني بالحديقه... وعلى فكره ندخل بس
محل واحد مالي خلك ألفر.
-أوكي.

نزلت تسولف وي أمها وأجه وكال
-مع السلامه يمه ماراح نطول.
الأم: الله يحرسكم وينور دربكم.
شمس- مع السلامه.
الأم: الله وياج.



(في الشركه الأهليه)

علياء: والله بهذه كبري وما أرد على أرقام غريبه.
ضحكة سوزان ألي عمرها ٢٧ سنه.
سوزان: ههههه عودك من كبرج أنت.
علياء: يعني أنا عندي تلفون من عمري ١٧ سنه يعني هسه لازم عادي.

ريام: بس أكو شي أسمه ثقه.
علياء: أروح لشغلي أشرف لي.
منال: ليش بعدها الأستراحه ماخلصت؟
علياء: مادام ريام دخلتنه بالثقه ماريد أكمل حجي.
راحت للباب تريد تطلع فتحتي وبعدين رجعت ألهن كالت: ألي أريد أوصله ألي لمن أحجي وي غريب بأمر خارج العمل أحس نفسي خنت نفسي قبل أهلي
ضحكت وطلعت وهيه تسمع تعلقات صديقاتها وما أنتبهت للي واكف يم ألباب وصدمت بيه رفعت راسها وهي تحس جنبها راح تتفجر من الغضب وجان ألي في بالها....
علياء: أمير؟

أمير: أي أمير (ياروح أمير) أسف بس اريد الأئسه سوزان.
خلته وراحت لغرفتها وهيه ميتة من ألمسته



(في الشارع كدام بيت أبو علاء)

صادق: ههههه تستاهل.
حسن: أي أستاهل.. ألتوبه اذا أخذت وحده للسوك ولك علمود عبايه

فرينا ألسوكـ كله وبعدين أشرت عبايه عاديه.
صادق: والله بنت حلال.
حسن: والله أخذتها للسوكـ بس أريد أشوف أختي من أي نوع.
صادق: يحليلا شميسه.
حسن: هي ترى شمس أختي مو صدكت روحك..
صادق: مو أنه ألي سجلته بالمدرسه.
حسن: ويعني هاي كبل لمن جانت صغيره هسه كبرت.
وهم يسولفون شافو شمس تأشر لحسن وهيه لابسه العبايه الجديده
والمفع الأسود وجنطه وردي ألتفتو عليها وضحك صادق.
صادق: هيه هاي الجبيره.
حسن: لا تباعو لختي.
صادق: أحسيون بس لا تحجي صدك.
حسن: أفا أنت أخوي الجبير وألله أالشاهد أنك نفس معزة علاء يلا
خليني أروح لا تشهرنه.



(في جامعة باب أألزبير- قسم محاسبه م/٤)
نور: شبيج ضايجه أليوم.
تقى: أحجي لا تصفين راح تبدي أالمحاضره أألخيره وأحنه كتلنه
أالجوع.
نور : صدك بيش أالساعه؟
تقى: ١١ أو ربع بعد ربع ساعه.
حسناء: أوه شكك تسولفن.

تقى: بيدج تسكتينه.

حسناء: أدخل لقاعتي أحسن لي.

خلتهن وراحت للقاعة فتحت جواله تشوف الساعة بس شافت مسج
من ملاكي:قف تحت المطر وافتح يدك فماجمعتة هوحبك لي وماسقط
على الأرض هوحبي لك/حبيبتي أنه خايفه عليج انه أم شسوي؟؟.

أبسمت وخذت جنطتها وراحت لنور وتقى وكالت

حسناء: يلا هسه أشتهي أكل.

نور : خير شصاير..توج أمبوزه عليه؟

تقى: لا يكون.....

حسناء: بلا مسخره تريدن تاكلن لو شلون؟

خلتهن وراحت للكفتريا



(في شركة نفط الجنوب)

علاء:السلام عليكم.

ألتفتت عليه السكرتيره.

هدى: وعليكم السلام.

أبتسمت له وبادلها الأبتسام

-أريد المدير عندي ملفات.

هدي: أنتظر شوي.

أه هاذي ألي ملكت عقلي وو.....وعى لنفسه.

هدي: أستاذ وين صرت؟

دخلت نسرین ووکفت علی راس علیاء وکالت
-أمیر.

رفعت علیاء راسهه بسرعه
-شبيه؟

-ههههه شبيج مخترعه.

أرتبكت علیاء

-لا ولا شي بس شجابه بالطاري
-خوش ولد.

-ههههههه دروحي منا وخليني أشتغل..

قطع كلامهن دخول السكرتير حاتم.

حاتم: أسف دخلت بدون أذان بس المدير يريدج أنسه سوزان.

سوزان: أوكي علیاء بعدین أحاجيج .

علیاء: هسه راح يخلص الدوام وانه كاعده أشطب أحاجيج بالأيميل
بالبیت.

نسرین: بعد أحسن.

راحت نسرین للمدير وعلیاء رسلت الملف الأخير وسدت ألاب توب
وضمته لأنه تابع للشركة وعدلت عبايتها الخالية من الزخارف وملفها
الأسود وبیه شريط أصفر بالحافه نفس لون الخطوط ألي بالجنته.
نزلت جوا للسياره هي وصديقاتها.

(شركة نفط الجنوب)

يوسف: ها خلصت؟

علاء: هااااااااااااااها هسه خلصت.. لاحك على البيت و الأكل ..

صدكـ أنت متأكد تاكل زين.؟

يوسف: والله أكل بس أنه عودي هيج حظي..صدكـ وين حسيون.

علاء: طالب أجازته تعباً.. يلاً مع السلامه.

يوسف: الله وياك.

أفترقو وكل واحد ركب سيارته.

يوسف شاب طيب بس قاسي وحكيم عمره ٢٧ سنه طولہ ١٨١ سم
أسمر وشعره مجلل ماتفرق بينه وبين علاء صديق علاء تعرف عليه
بالشركه من خمس سنين ودوم بالعطل واحد يعزم الثاني
الفرق بين علاء ويوسف علاء شوي أطول منه عيونه واسعه بس من
بعيد مايفرق.

(في أعداده)*****

لمياء: ودموعها غرقنها: يلاً بنات أشوفكم على خير.

وبدا البكي لأن اليوم أخريوم يداومن بعد ما أستلمن النتيجة داخلات
بكلوريا.

دعاء: أنتظري أطلع وياج أنه وشمس.

ودعن البنات ولفن ملافن عدل وطلعن بالشارع وجانت شمس تمسح
دموعها

لمياء: يلاً بنات أشوف وجوهكم على خير.

دعاء: هاذي سيارة أخوج؟

لمياء: أي أخوي مهدي يلاً شمس ما تكولين لي مع السلامه.

رفعت شمس وجهها للمياء وطاحت عينها على ألي بالسياره ألي

ورى لمياء باوكت له وطارت دموعها من عينها وهي تكول:

أرجون.!!!!!!!

ألتفتت لمياء وشافت أخوها ضحكت وضحكن وياها.

لمياء: يا أرجون.... إلا أكوله عليج.

شمس: لا فدوه أشاقه وياج يلاً مع السلامه بينا تلفونات.

علاء: ویجمع أسر حسن ما ترهم شوف عبد الله علاء.

-أصلا ما تعرفون تسمون.

الأم: شميسه هم زين اجيتي راح أتخلل.

شمس: هیه شنی السالفه.

الأم: يباااااآي رحموني.

[illegible]

بِسْمِ اللَّهِ الرَّحْمَنِ الرَّحِيمِ

(في غرفة البنات.. عليك..)

-وڪتهه تخلص

حسناء: علیوہ ردی...

شبيهه های البنيه لا يكون ميته.

کربت منی وصاحت بأذنی

حسناء : علیو اااااااااا

کمزت وطاح الاب توب منى.

علياء: وسم ومرض شتردين..والله لو صار بلاب توبى شى شوفى

شیصیر لج

حسناء: اُدری..ماتپینی ملافع ولا جنط... وبالراتب ماتپینی مصرف..

علياء: انه ما انحط لهيج مستوى.

حسناء: أو... ماى... كاد... شكالولج أنه بالمستوى الصفر.

التفتت عليها بعد ما شلت لاب توبي ومسحتى.

-شتردين بالضبط.

-اريد رصيد.

-شنو؟؟؟.

-اثير أكو غيرا.

-أوكي أخذي من جنطتي ثلاثين ألف الج رصيد أثير أبو عشره وانه

رصيد أصالنا أبو عشره وخمسه.

-أن شاء الله.

أخذت الفلوس ونزلت التفتت على لاب توبي ورجعت أقرأ ألي كتبتة

الي نسرین توها بالأيمل لو ما الخدمه خلصت بالوكت المو مناسب.

(هلو حياتي علياء همزين دخلتي)

(هلا نسرین خير توني جنت يمج بالشغل)

(بالشغل ما اقدر اجاجيج)

(خوفتيني شصاير؟)

(الأستاذ امير)

(شبيه)

(طلب أيمل كبل فتره)

(وبعدين) (ما أدري يكلمني عن مشاكله وعن أهله)

(وانت شرايج)

(يعني شني)

(أقصد شفهمتي من حجيه)

(يمكن اذا صح تفكيرى)

(أي)

.....أنتهت الخدمه

اهوووشوف الفكر..وكتهه تخلص.





(في الصاله.. علاء..)

لبست وتعطرت اريد اروح للسوك انه وصادق طلعت من غرفتي ألي

جانت يم الديوان ورحت للصاله

علاء: يمه رايح للسوك تريدن اجيب لج شي؟

الام: لا يا عمري ابوك لمن يرجع من الدوام يمر السوك.

طفرت شمس واجت لي.

شمس: انه اريد.

علاء: شتردين؟

شمس: يا ربي توني جنت محضره قائمن بس كلها تبخرت.

علاء: همزين يلا انه رايح.

حسن: أوكف اليوم يجون الجماعه وري العشه جيب وياك عصاير.

الام: عدنه بالثلاجه.

حسن: ادري يا كلبى بس الجماعه أهواي.

علاء: ان شاء الله يلا رايح.

حسناء: أوكف حبوبي.

حسن: شبيج نازله مصر وعه.

حسناء: أريد رصيد أثير ١٠\$ واتصالنا ١٥\$. \$.

شمس: فدوه علاوي خليهن ٢٥\$

علاء: ليش صايره أزمه بالنت.

شمس: لا حتى يزودون أخدمه واكعد على النت اهواي.

الأم: والدراسه؟

علاء: يصير خير.

خليتهم ورحت لأن صادق دك الباب.

كان هذا يوما عاديا من الأيام التي تمر على ابطال قصتي
سأعطيكم نبذه مختصره عنهم:-

أبو علاء(حسين) ٤٨ سنة موظف في شركة البتروكيمياويات مثقف
إلى درجة يحب أبناءه ويفعل المستحيل من أجلهم.

أم علاء (هديل) ٤٥ سنة مثابره تركه دراستها لتهتم في رعاية أبناءها
عندما كانت شابه.

علاء ٢٨ سنة موظف في شركة نفط الجنوب خريج اداره واقتصاد
أدارة أعمال حنون لكنه عصبي وسريع الغضب لا يتيح المجال للمناقشه
يشك في كل من حوله فقد الثقة بالناس
يحب السكرتيره هدي منذ سنتين وقد قرر أن يخطبها.

علياء ٢٥ سنة خريجة دبلوم أنظمه حاسبات تعمل في شركة أهليه
مبرمجه ذكيه مزاجيه عصبيه لكنها مناقشه رائعه يجذبك أسلوبها
أعجبت بالموظف أمير لكن هل كان الأعجاب من طرف واحد..

حسن ٢٣ خريج بكلوريوس علوم موظف في شركة نفط الجنوب هادئ
يحب أخواته لا يرفض لهن طلب يحب ابنة عمه صادفها عدة مرات مع
أخته حسناء وقرر خطبتها.

حسان ٢٢ طالبة مرحله أخيره في كلية إداره واقتصاد محاسبه رائعه
حنونه متفهمه قليلا الكلام لا تحب النقاشات والحوارات كتومه مغروره
خلوقه تفقد نطقها عندما يستفسر منها طالب حول الدراسه.

وأخيراً وليس اخراً شمس ١٨ سنه طالبه في السادس علمي أعتقد انكم
عرفتو شخصيتها



(بعد أسبوع.. يوسف)..

علاء: يسوسف رد شببك بوزت.

يوسف: أنته مو تكول تحبهه..

-أي.

-هيه تحبك؟

-ما ادري بس دوم تبتسم لي.

-خوش شرايك تفتحها بالموضوع.

-انت غبي البنيه تستحي..أروح اكلها اريد أخطبج شرايج.

آه يا علاء لو تدري بس شلون اكلك... الله يعينك.

علاء: يوسف وين صرت..راح اودي أمي العصر شرايك؟

يوسف: نصيحه روح حاجيها بالأول.

علاء: خوش رايح هسه.

خلاني وراح وراح كلبي وياه دكيت على حسن.

حسن: هله وغلا ومليو..

يوسف: بدون مقدمات..(سولفت له على الحوار اللي صار بينه كله).

حسن: أي وين المشكله؟؟؟؟.

يوسف: المشكله.....

ما كدرت اكمل لأن علاء دخل للمكتب وجها أحمر من الغضب.

علاء: والله بنات آخر زمن.

سألته ما رد بس كال طلبت اجازه اسبوع وخذا مفاتيحه وتلفونه وطلع.

حسن: يوسف شصار.

يوسف: بعدين أشرح لك هسه روح لخوك غضبان ولا يدعم أنته أكرب.
حسن: خوش مع السلامه.

يوسف: الله وياك.

يا رب استر.

♥ ♥♥ ♥♥ ♥

♥ ♥

(في الشركه الأهلبيه ..علياء..)

-علياء أنه أحس أنه يحبني وكال لي أمس يريدني بموضوع مهم
اليوم.. أريدج يمي بهذا الموقف الصعب.
علياء: يا عمري أسفه بس ما أكر بعد تعرفين قدمت أستقالتني وعيب
من المدير ابقى هنائه.. يلا رايحه أودع البنات.
خليتها بغرفتي وطلعت رحت لريام لكيتهه تبجي مسحت دمعتي كبل لا
تطيح على خدي.
-ريوم انه ما رايحه للموت ولا للخارج بعدني بالعراق.
شبكتني وضلت تبجي.

-أنجبي ليش تخلينه بعد ما تعودنه عليج شنو هذا القرار المفاجئ.
حسيت بوحدته شبكتني من وري وجانت منال: حرام عليج.
-حرام عليجن أنتن ليش ما تخلني اطلع مرتاحه وأيميلي ورقمي
عذجن وبيتته تندلانه.

منال: إلا مانجيج.

-انه اجيلكم غصبين عليجن.
وخرن عني ومسحن دموعهن.
ريام: الله وياج لا تنسينا.
-من عيوني يا أحله ريوم.
منال: أنا غرت.

-أروح فدوه للي يغارون.
دخلت عليه نسرين وشكله جنبه طالع من معركة.
نسرين: بعدج أهنانه؟؟?
ريام: بعدنه ماشبعنه منها.
-شنو كيكه أنه.

منال: كيكه وعسل وموطه ماي وجاي.
-ههههههه الله يعيني صرت جاي؟
ريام: ما عليج دوم تخرف بنهاية ألحجي.
نسرين: المايباننا ما نبا... عن أذنكم.
خلتته وراحت أستغربت هلكد تحبني...
-يلا يا الغوالي أنه راичه.
رحت لغرفتي أخذ جنطتي والاب توب ولكيت أمير..ما سيطرت على
دموعي

وقفلة ♥ ♥ بدئت دموعها بالجريان وهي تجد سبب تركها
لصديقاتها وعملها يقف أمامها بكل برود وعلى شفثيه ابتسامه حزينة
تحولت ابتسامته بعد ذلك إلى عتاب وحزن وألم لكن دموع علياء منعها
من التمييز.

-ليش تبجين؟فدوه كافي بجي.
أنتبهت لنفسي انه شكاعده أسوي مسحت دموعي بسرعه وخذت
جنطتي ولاب توبي ومديت أيدي على المفاتيح بس هوا أخذهن كبلي
وكال.

-روحي انه أقفل الغرفة...
درت ردت أطلع بس كال.
-ما كلتيلي مع السلامه؟
-أشوف وجهك بخير أستاذ أمير.

طلعت من الغرفة ومن الشركة كلها ولكيت أبوي متانيني.



(في الكلية ...حسنا)

أليوم جان كلش مزعج لأن صاحباتي ماجايات خبيثات متفقات
وماكايلات لي... لا هنه كالن لي بس انه ألي مطفيه جوالي..يا ربي
شلون؟؟؟ جو عانه ومحد بالقاعة وذولي واكفين بالباب شلون.. يمه هذا
أحمد شجابه.. أنه ثوله شمكعدي بالقسم ابدي..خليني اطلع تلفوني
وأحط شمس بالصادره بس يصير شي.

أحمد: عفوا حسنا ممكن أجابج.
يمه كلبى راح يوكف.. هذ شيريد..يا الله ساعدني..وبعد عناء طويل
حجيت.

-هوا أنت بعد حجيت.

أحمد(صوت لو يموت... أكل ليش ماتحجي): هههه لا تعصبين
أسف.

وجع يضحك وكفت وسويت روي قوية: تفضل أخي.
أحمد(والله أعرف أختار): انه اعرفج من المرحلة الأوله بنت صاحبة
أخلاق ودين وأدب وشاطره وماتحاجين ولد ويجوز انه أول واحد
أتجريت وحجيت وياج... سألت صاحباتج عنج وانديت بيتكم وحاجيت
أمي تريد تجي تخطب..

انه هنانه لو تذبحوني ماتكون بيه كطرت دم استحيت موووت أخرج
مو طبيعي وأخرج أن محد بالقاعة بس جماعته ويباوعون عليه
وتجريت رفعت راسي وياريت ما رافعته.. أنه أعرف أحمد دوم يسولفن

لكن هشام سحب نفسه من يدي أحمد وجلس بالأرض بالقرب من مكان
حسنا.

هشام: أسف والله أسف أحبج من أول يوم وما أريد أشوف دموعج وأذا
جنت انه الواطي سبب دموعج..(سكت قليلا ليأخذ نفس ويبتلع دموعه)
ما راح أكرج لج.

أمسكه أحمد مرة أخرى وقبل أن يضربه..

تفشلت وانتهت أنه ابجي كدام ولد عمري ماباوعت لهم .. مسحت
دموعي كافي فضايح بس الحمد لله جانت القاعة مسدوده بس متت من
الخوف ما بيها بس ولد..تشجعت وكلت.

حسنا: أحمد عوفه.

أحمد: ما أعوفه منا لمن يعتذر.

حسنا: كلت لك عوفه (طلعت دموعي من جديد مسحتن بردان عباتي
لأن كلنستي خلصت) عوفه يا أخي حرام عليكم تتقون علي والله حرام
بس شباب وسادين القاعة بعد ... (بجيت ما ستحملت) هسه شيكولون
الطلاب علي...سودتو وجهي فشلتوني.. (أخذت سجلاتي وجنطتي
وردت اطلع بس أحمد كال)

أحمد: أوكفي.

حطالي على الأستيج بطل ماي وباكيت كلنس وكال.

-غسلي وجهج حتى محد يشك بشي.

طلع باكيت ثاني واطاه لهشام مسح الدم من خشمه ونكت هدومه وطلع
من القاعة وطلعو جماعة أحمد وبقي بس هوا وماهر كعدو بالأستيج
الأول ولا جن صاير شي.

مسحت دموعي أتصلت بشمس شوي ودخلن بنات قاعته وأجن لي
بسرعه.

سجود: شبيج تبجين.

بطرف عيني شفت أحمد التفت.

حسنا: أختي أتصلت وتكول أمني تعبانه
عفتهن وطلعت من القاعه.



(في بيت ابو علاء ...شمس).
جنت أدرس فيزيه وبس أريد شي حتى اعوف الدراسه وفجأة رن
جوالي.
امي: مو كتلج بعد ماكو اتصالات.
-يمه أكيد على الدراسه..
أختي الغاليه
يتصل بك..
شمس: ألو هلا والله شمدرج أني زهكانه واريد..
حسنا: مو فاضيه لج أريد أحد يجيبني من الجامعه أبوي أخواني أحد
أهنانه
-أبوي راح يجيب علياء أكله يمرج.
-ياريت تسوين فضل.
-شبيه صوتج كاعده تبجين.
-لا مابيه شي مع السلامه.
-أي علي الله وياج..
خوفتني موت مو من عوايدهه ترجع على وكت..



(في سيارة علاء... علاء)..

-عليوي تحجي لو شلون.

-آآآه يا أخي لو تدري شكذ أحبها جان ما ...بس الله يطيني الأحسن منها..بنت محترمه بس تبتسم لي ولمن اجيت اريد افاتها لكيته
تبجي.

-السلام عليكم ..ست هدى ليش تبجين.

رفعت راسه وابتسمت وكالت.

-تفضل أستاذ.

-زاد فضج بس ليش البجي.

-أنه كلما أشوفك أتذكر أخوي الله يرحمه.

-الله يرحمه.

-لهذا السبب راح أشكيلك همي بس اريده سر.

-ان شالله

-انه أحب ابن المدير من أيام الجامعه وهو اللي خله ابوه يوضفني

أهنائه واليوم جايني يتأسف يمول أبوي خطب لي بنت عمي وعيب

أكوله لا...أنه بنيه وجنت أرفض الخطاب على موده...وهوا ماكدر.

-زلمه ومايكسر كلمة أبوه...بنات آخر زمن..مو صوجج صوج ألي

حط كلبه مداس ألج.

-شبيك شسويت لك؟؟؟

-ماسويتي شي بس غلقتي الموضوع كبل لا أفتحه..

حسن:حرام عليك هيه مالها ذنب.

علاء:والله أحبها..شسوي مستحيل أنساها..

-وهيه شدراها أنته تحبها..مثل ما أنت حبيتها هيه هم حبت.

-لا تطلع أعذار أصلا أنه ما أثق بالنسوان هنوب طلعتي هاي السالفه.

-مو كل أصابعك سوى.

-بس كلهن أصابع.

-براحتك.



(في سيارة أبو علاء..أبو علاء..)

والله وكبرن بناتك يا حسين وكل وحده عدهه مشاكله واسرارها.

أبو علاء: علوش ليش بطلتي.

علياء: تعبت بابا وأنه ما محتاجه فلوس يعني بس ردت أتونس وخلص
تعبت من الشغل.

أبتسمت وانه أدري مو من كلبها ولا هذه هو العذر الحقيقي..

-وأنتي حسناي ليش طالعه على وكت.

حسنا: بابا صاحباتي ماجايات وخلصن المحاضرات الدنيا حر قررت
اطلع.

وأنت هم وراج شي وإلا ليش عيونج حمر..أنت أمج فاضحتج هيه تكلي
بعدين.



(في غرفة البنات..شمس)..

شمس: ما تنامن منا لمن تكولن كل السالفه.
كعدت علياء على فراشها وكالت: أنا راح أحجي كبل لا
أنفجر... أنه... (حجت كل الي صار)..والطريق الوحيد هو الاستقاله.
وسكتت.

شمس: الله يعينج...الحب صعب.
علياء: وأنت شدراج يا فالحه؟
شمس: مو أنه أحب.
علياء و حسناء:منووو
شمس: على كيفكم صرعتوني...أحم أحم..
حسناء:تحجين لو شلون..
شمس : لو شلون.
علياء جانت يمي طكتني بالمخذه.وكالت:وجع أحجي.
شمس: أ... أرجوون.
حسناء: أمداج عبالى كبرتي.
شمس: حسينه لا تضيعين السالفه شبيج اليوم؟
حسناء: انه(وحجت كل السالفه) وكبل لا أطلع حاجاني بعيد وكال: باجر
الجمعه تجي أمي وأختي.
لمن خلصت صفكت وكلت.
-ياعيني على الحب...بس خطيه هشام.
علياء:صدك خطيه.

حسناء: ادري يحبني بس جان يكل للبنات أريد أتعرف عليها وبعدين
أخطبها.

شمس:جا خليه يولي يريد يشوه سمعتج.
علياء و حسناء: هههههههه

صح ما جان حجي يضحك بس المتوتر بسرعه يضحك.



(في أصاله على مائدة العشاء)

هدیل الأم: یلا یمته نخطب ألكم.

نظر حسن مباشرة بعين علاء

علاء: یمہ یمتہ ما تریدین..

هديل: من الأمها داعيه ألها بليلة القدر تاخذ الكمر والشمس.

شمس: یمہ اُنہ ما اتزوج.

[illegible]

هدیل: مو انت..ای ماگلتو

شمس: حسافات ردت اُتغله بس ماكو فايده.

أكل: هههههههههههه

الاب حسين: هههه لاحكه يا عمري على العرس وإلا أحضر العرس بعد.

حسن: بابا مایصیر۔

الأب: حتى لوهاى بزر الكعده.

هديل: اى علاوى من سعيدة الحظ.

علاء: أمانی بت عمی حسن.


الكل:؟؟؟!!!

حسين: والنعم علاء... أحسنت الاختيار..

علاء: ھا یمه شو ماکو حس.. اذا ما تریدین...

هدیل: لا والله ما ألكه مثلها لو افر الدنيا كلها..

حسن ترك المائدة وذهب لغرفته
شمس: اذا تحجي صدك أنسه أن لك أخت أسمهه شمس.
تركت ألمائده لتتبع حسن لكن علاء مسك يدها واعادها للمائده.



(في غرفت حسن..حسن)..
شنو هالحض ألفكر حياتي كلها جنت متاني هذا اليوم واليوم اخوي
وكدامي يريد اللي احبها ..آآآآآه يا كلبى.
-لا تتحسر.
-شمس؟
-أي... جنت ادري أخوي يحب.
خلاص اخوي رادهه مستحيل أكل.
-حسون وين صرت؟
-أنه ما أحب خلاص طلعي نعان.
-أوكي بس ردت أكل...علاء راح يخطبوله عبير أخت أماني.
رادت تطلع وسحبته.
-شكلتى.
-يا عمري ياخوي أنت مو نعان؟
-أهووو لاتغثيني.
-أوكي علاء راد يكتشف منو تحب بالضبط حتى يختار أختهه مبروك
يا خوي الغالى.
خلتني وراحت ريحت نفسي على الفراش ونمت وانه مرتاح





(في غرفة علاء ..علاء)..

مو أنه ألي أحرم أهلي الفرحه بزواجي..ياربي ساعدني على أن أعدل
وي ألي أخذه وما أضلمها وهدى صفحه وأنطوت.

أنتهى يوما على ابطالنا لكنه مختلف نهائيا عن الأيام الماضيه البعض
بدعت تسيل دموعه من كشفه نفسه للحقيقه والبعض بدء ينشج من
تغير أحداث يومه وألبعض سأم ألصمت ولما أراد ألتحدث صعق
بالحقيقه

(بعد مضي شهر)....

علاء: حاولت ونجحت بأن أنسه هدى عبير صارت عبير حياتي ونور
دربي طيبه وحنينه وخجوله وبعطلة شمس نعرس.
حسن: أنه احب أمانتي وهيه هم تجبني وأحله شي بيها جرءته وأنه و
علاء نفس اليوم عرسنه.

حسناء: حياتي صارت حلوه بعد مادخل أحمد بيها بعد زواجي قبل
أخواني بأسبوع.

شمس: ما أكرر افكر عدل بالدراسه لأن وراي ٣ أعراس شلبس ما
أدري.

علياء: شكذ مرت أيام وانه ما تغير بيه شي.

أنام الليل ابجي واكعد أرسم البسمه على وجهي خاصه لما كالت لي

منال أن أمير تغيرت أحواله من يوم سافرت نسرين...هناك تحطم آخر
أمل ألي..



(في غرفة البنات..شمس)...
جنت كاعده أدرس قواعد وضجت من صوت الكيبورد
شمس:عليوا على كيفج كتبي.
علياء: أولاً اسمي علياء واكبر منج وبعدين هذ آخر سطر.
-ما تكبرين بعيني.
التفتت عليه بوجهها السطح الطيب وضحكت وكالت.
-أنت امي حتى ما أكبر بعينج.
قطع حديثه صوت موبايل علياء
بقت صافنه وتسمع الأغنية
"تعال لا تجي وأكذب علي
كذبه مش خطيه
وعدني أنك راح تجي".....

فتحت الخط بعدم مبالاة مصطنع وكالت بخجل
-ألو...؟؟؟!!!!!!

طلعت وسديت الباب بعدين أستفسر ادري بيه مستحيل تخون ألقه
وتسوي أخطاء.



(في أصاله.. حسناء)..

ألو

جنت ميته من ألمستحه أول مره ارد عليه بعد ما عقدنه عقد شيخ و عقد محكمه من اسبوعين.

-شلونج حياتي

-الحمد لله-

-منو يکول أنج حیاتی؟؟؟؟؟؟.

-يلا مع السلامه

-لا وين أنه ما صدكت ترددين عليه ..والله انج اغله من حياتي.

-شعرت عني أنته..حتى صرت بهالغلى..

-لانیج خوش بنیه ما عرفتی عني شي بس انه متابعج من أول يوم
داومتی..

-أي ما كلتي شلونني؟

-شلونك؟

-أسماء- ههههههههههههه

-أحمد لاتضحك علي-

-کولی اُسمی بعد۔

١٠٠- أحمد ليش؟

-لازم تشریین جکایر۔

-سما للہ لیش؟

-لأن إذا بقيتي تحاجيني بهذا الصوت أموت.

- لا تجيب طاري الموت.

-ان شالله يا عمري-

-أنه لو وحده ثانيه.

خلتني أمي بحدي وراحت هيه ألي كالت لي عيب هذ صار زوجك لازم
تردين عليه..



الو.

سد الخط وجانت دموعي تغسل وجهي بدون صوت شوي وصلتني
رساله من ريام.

كدت اصير جريئة وأرسلت رساله لأمير(لاتموت على مود مستقبلنه
انه وياك)



(في الصاله ...حسن...)
دخلت وانه تعبان توني جاي من الشغل وشفت حسناء تخابر بالصاله..
حسن:أحم أحم
خطيه باوحت لي وطاحت دموعها وسدت ألتلفون بوجها وكالت
حسناء: والله أمي كالت مايصير ردي عليه.
ردت العب بأعصابها شويه
-وامي اذا كالت لج أنتحري تنتحرين؟؟؟؟؟؟.
-والله بعد ما أعيدها.
أدنيت منها وأخذت تلفونها... أنه واثق بيها موت بس سويت روي
افتش بتلفونهاوانه اصلاً مو بالرسائل.
-وهاي الرسائل؟
-والله بس هوا يوديلى.
شبكتها وكلتلها
-لو أتصلت على أمانى وماردت أروح لبيتهم وارزلهه لأنها صارت
زوجتي ليش ماترد جوز انه محتاجها.
-يعني؟؟؟
أخذت تلفونها ودكيت عليه
-ألو؟؟
-وين صرتي كتلج شربي جكاير بس مو هيچ.

-أها تريد تشرب أختي جكاير

-منو ويای حسن؟

-أي اسف توها حسينه سدت التلفون بوجهك لأنه شافتي واستحت.

-قبلت أعتذارك بس بشرط-

-تفضل زوج الغاليه-

-بعد لا تكول حسينه شنو تلعب وياك؟؟؟؟؟-

[illegible]

-أي هسه أحسن-

-يلا مع السلامه خذ زوجتك.

-یلا یاعمی ترا ضوجتی.

- هههههههه الله يخليكم لبعض.

-پیارے رب۔

اطيته التلفون ورحت لغرفتي ميت من التعب والضحك.



(اليوم التالي.. عليك..)

جنت كاعده على الاب توب أسولف وي ريام عن اللي صار شويه

دخلت شمس.

-عليوا أجت ام أمير-

درت علیها متفاجئه

-أي مره تكول انها ام أمير وجاية تخطب يلا طلعي خايتها تكحل عيونها

بمِرتِ ابنِہا۔

-بعدنه ببداية الطريق-

-خوش بس لا دخلين بالزحمة.

-خوش...يلا روح.

-لا عيوني وين أروح واخليج.

-شلون أحاجي صاحباتي؟؟؟؟؟؟؟؟.

-اكول تعاي وياي.

أخذ حسناء ودخل بيها لغرفة المقرره ومدري شحاجاها ضحكت
وباوحت لحسناء هنوب صاحت لحسناء اطتها النتيجة وكالت ألها توقع
وجانت هيه وأحمد جيد جدا وبعدين طلعتها أحمد من الجامعه وركبها
سيارته ومشه

-مبروك حسنائي.

-.....

-زعلانه ياعمري؟؟؟؟؟؟؟؟.

-يعني اكلك اسلم على صاحباتي تطلعني من الجامعه كلها.

-انت ماشفتي شلون الولد يباو عونلج.

-هما دوم يباو عون.

-هاي كبل هسه أنتي ملكي خوش..

سكت وهوا غضبان وصلت للبيت ورادت تنزل بس كض أيدهه
-وهسه؟

-

-بعدج زعلانه؟؟؟.

-زعلت لو لاء ما يهم..

-أذا نزلتي وماصاحبتيني أقود بسرعه واطب بأول حايط الكاه

كدامي...وأموت.

-وانه؟؟؟؟؟؟؟؟.

طاحت دموعها لأنها تخيلت الموقف.

-ياعمري لاتبجين بعدني يمج؟؟؟ ..هسه انه زعلت وما أصحابج يلا

-رى انت شمسي في الدنيا مو تطولين؟

-بابا اذا بقيت بكلامك الحلو هذا ما أروح.

-روحي ياشمس دنيتي..الله يحفضج.

علاء:ويحفضنه كلنه...صباح الخير يا الغالي.

-صباح النور دير بالك على أختك.

-شمس بعيوني.

-تسلم عيونك يلا يحفضكم الله.

سلمت على امي وقبل لا أروح باستني وكالت.

-شمس أنتي قويه مو؟

-اذا طبعا مو انتم أهلي.

-اريدج أقوى.

-يا عمري رايحه للحرب هيه للمدرسة.

علياء: (كضت أيدي ولبستني ساعه اطاهها ألها امير هديه وكالت) هاي

أثمن هديه اريدج تلبسينه وتشيمين بيها.

-أووووووووو شنو هاي أنت واخترج حسينه متغيرات كلش...والله

دلعتوني..

علاء:أحم أحم منو كدج اليوم..يلا تأخرتي صارت ٢٢:١٠.

دخلنه للسياره وخمس دقائق وصلنه وأذا مشي ربع ساعه انه

وصاحباتي نكضيها وناسه ردت انزل من السيارة بس علاء كال.

-ماكو شكرا للتوصيلة.

-أفا شكرا يا غالي وتاج راسي وعمري.

-بس...؟؟؟؟؟؟

-أممم (محد بالشارع دنيت عليه وبسته بخده مثل كلمره يكلي هيچ

وباسني براسي) - وهاي احله بوسه لأحله أخ.

-أي هسه اكليج العفو..ديري بالج على نفسج.

دخلت وتونست من زمان ما تجمعت انه وصاحباتي هيجي وصارت

الساعة ب ١١:٣٥

-يلا بنات لازم نروح.

دعاء: أي صدك ..وانت ؟

لمياء:مهدي كال اجيج بعد ما أرجع من الجامع يعني بعد شويه.

كل البنات راحو بقيت انه ودعاء ولمياء

وقفه ♥ ♥...هدوء...صمتا قد غلف

المكان..ترنحت قليلا في مشيتها أمسكنها صديقتها..أمسكت قلبها ثم
رأسها ..ثم حقيبتها..ثم أطلت على ساعة يدها...

في نفس الوقت لكن في مكان آخر.. ترك كرسيه ووقف ترك ما بيده
ونظر لساعة يده..

كانت ساعتها تشير للـ ١٢:٢٢

وساعته تشير للـ ١٢:٢٥ أهتز مكتبه بهدوء لكن كوب الماء
تحطم إلى أشلاء على ارض المكتب وآلمه قلبه لكن بشده.

أهتزت أرض المدرسه

وتحطمت نوافذ الصفوف إلى قطع متناثر

لتخدش ماضاً

ذهب

مكلل بعبير الورد

لم يتماسكا الصديقات بل سقطا على بعضهن من هول صوت الانفجار

وقـفـه قليلا... يتبعها تنفس عميق... زياده في النبض... صوت
ألمارة ينادي.

أنفجأاأآ

تركت صديقتها وزهبت تجري دون أن تلوي على شيء عدا حقيبتها
التي تحتفظها وكأنها تحتضن أهلها... خرجت إلى الشارع وبدأت تجري
كأن جنا مسها.. سمعت من ينادي بأسمها لكن لا فائده
وخزها قلبها فضربته بشده وقالت.

- مو ھسە تەورنى.

أقتربت... أكثر... حتى رئت الحقيقة تنبلج أمامها..

نار تتصاعد في الشارع الذي فيه منزلها.

ضاق تنفسها...دموعها أغرقتها دون صوت..تريد هواء لكن لا يوجد...نبضها تسارع...سقطت مغشياً عليها في أحضان أحدهم..



أنطوت صفحه في حياة شمس

بدأت صفحه جديده بقيادة الحزن...



فتحت عيوني جان المكان أظلم طلعت من فمي آآها ما ادري ليش
وحركت أيدي بس جانت أيد كاضتني ستغربت...صحت.

-يمه؟؟؟؟؟؟؟؟...علياء؟؟؟؟؟؟؟؟...حسنا؟؟؟؟؟؟؟؟..

تركنتي الأيد ووكف الشخص وفتح أضوا وجانت...

-هديل..؟؟

جانت لابسه أسود و عيونها حمر من ألبيجي(بكاء)..هديل بت خالي
حيدر.

فتحت فمي اريد أحجي(اتكلم) بس الشهكه منعنتي تذكرت كل شي ما
سيطرت ضليت ابجي بصوت عالي...باوحت لهدومي لكيت روي
لابسه أسود.

-هديل...(كوه أحجي)..من يمته أهلي...

ماكدت أكمل حجي لأنني ضليت أبجي من كل كلبني وانه أتذكر آخر
لحظاتي وي أهلي..

هديل: صارت ألحادثة قبل أسبوع واليوم سوينه السابح.

-أوليش ماكعدتوني؟؟؟؟؟؟؟؟....أوليش بقيت بس انه عدله؟.....ياربي
ليش ما أخذت روي.

ضليت أبجي وأصيح وهديل تهدي بيه بس أنه دفعتها وصحت.

-طلعي برا...برaaaaaaaaaaaaaaaaaaaaa.

خلتني أصيح وطلعت.



(في الديوان)

سحبت روحي كوه وانه ميت من ألتعب صارلي اسبوع ما مغمض عيني
تتحنحت ودخلت للبيت صعدت فوكـ وكفت يم الغرفه وسمعتها تصرخ
وتبجي طحت بالكاع وانه أحس بالراحه الجزئيه شويه وأنفتح الباب
وظلعت هديل تبجي ماشاقتني وكفت وصحت الها.
-هديل.

غطت شعرها بالملفع واجت لي

-أمر.

-شلونها؟

-روح الها أكيد ترتاح..ماتدري بيك.

-مشكوره يا هديل أهواي تعبناج.

-تعبكم راحة وشمس أختي.

طكيت ألباب ودخلت وصوت بجيهه يدخل بأذني يهز كياني ويشرح
كلبي.

-شمس.

لفت راسها بكل الاتجاهات وبالأخير ألتفتت ألي.

♥ ♥♥ ♥♥ ♥

♥ ♥

(في ديوان الرجال..كرار)

حيدر:راح؟

كرار:أي يبه وتكول هديل كعدت.

حيدر:وين أخوانك؟

كرار:علي كاعد بالشارع وي جماعته يدرس مابقى شي..وضرغام راح
يرجع بيت الشعر.

حيدر: وخوالك.

كرار: خالي أحمدابو عباس راح من وكت وراه شغل وخالي محمدابو
ضياء توه راح أخذ مرته وأطفاله.

حيدر: وانتة؟؟!!

كرار: راح ابقى وي أليشاب اللي يباتون عنده.

حيدر: الله يوفقك ماكو غيرك شاييل الفاتحه.

كرار: افا أبوي مايحتاج اكيد أحنه نشيلها الله يرحمهم.

♥ ♥♥ ♥♥ ♥

♥ ♥

(في غرفة شمس..شمس)..

سمعت صوته..بس هوا كال راح اداوم نص دوام يعني جان
بالبيت..يعني أتحم..دريت بكل الاتجاهات حتى طاحت عيني عليه..طوله
بياضه بس صاير شاحب عيونه الوساع بس صايرات حمراء..لحيه
وشوارب خفيفه من يمتة..دشداشه سوده..موجان يلبس بنطرون
وتيشيرت أسود عمره ماحب الدشداشه..جفية سودة حول رقبتة؟؟..
-حسن-

-عيون حسن كلب حسن شمساه وكل هله-

شبكتة وضليت ابجي بحرقه بجيت بحضنه مثل بجي الطفل بحضن
أمه..شميته..آآه ريحة أبوي..ريحة علاء..

-ريحة الغوالي..

نمت بحضنه وانه أشاهك من ألبجي اللي مايخلص.

نامت في أحضان ضنت أنها فقدت حنينها في ساعات وإلى الأبد اراحها
على السرير وبدء يمسد لها شعرها حتى نام بجانبها لم يغفو له جفن

منذ أن ماتو أهله وظن أنهم إذا فقد شمس سيفقد العالم اجمع وعندما
فاقت استطاعت جفونه أن تنسدل لأنه في الغد ان شاء الله سيجد من
يقول له صباح الخير.



(في المطبخ)..

هديل: يمه شبيح على البنيه.
أم هديل: يمه تروح لببيت خالج محمد مو كعدت؟
هديل: يمه على الأقل لمن تتأقلم وي حياتها الجيده هدي عليها.
الأم: بس بس تفلسف تتأقلم.. تعبت اريد أخذ راحتى ابيتي ما اكر.. هيه
بصفحه وأخوها بصفحه.
هديل بعد أن حضرت الفطور مسحت الدموع التي سالت من قسوة
والدتها و أخذت الفطور وتوجهت لغرفة شمس فالتقت بأخيها في
الصالة.
كرار: أي لو أنه شمس جا هسه مدلل ويجيبون لي ريوكي لغرفتي.
هديل: روح لفاديه لو لمك.. شمس ما عدها أحد.
أرتقت درجات السلم بهدوء وهي تهتز من البكاء حتى كادت أن
تسقطهن لولا قرب كرار منها أخذهن وقال.
كرار: ما أضنج تبجين من عدي.
هديل: أمي الله يهديها تكل يمه يروحون للبيت زعجوني.. شلون
زعجوها وحسن دوم بالديوان.. وشمس بغيوبه.. ما تحس من هسه
تريد تعارك ماترحم شخص فقد أسرته بيوم وليله.. والله حرام.
سقطت في نوبة بكاء حتى مسح أخوها دموعها وقال.

-ماعليج من أُمي أنه أتصرف بس روعي للبنيه أكيد جوعانه صار ألها
اسبوع بس مغذيات.

-الله يخليك ألنه يا رب.

أخذت ألفطور وتوجهت للغرفة ولم تسمع ما قاله أخوها لها عندما
تركته.

دخلت للغرفة كانت بارده ومظلمه فتحت الستائر وسقطت عينها على
النائم بجانب شمس.. رفعت(ملفعتها وغطت رأسها ثم أقتربت من جانب
شمس.

-شمس كعدي يلا كافي نوم.

ستيقضت والتفتت ألى هديل ثم تركة السرير وسحبت هديل وأخرجتها
خارج الغرفة ثم عادة إلى الغرفة وأسدت الستائر وغطت أخيها جيدا ثم
أمسكت ألفطور وخرجت شاهدت هديل تنزل السلم مكسورة ألفؤاد.
-هديل اوكفي.

نظرت هديل ومسحت دموعها وأقتربت من شمس ثم أخذت ألفطور.
-هديل حياتي أسفة بس حسن جنه صارله اسبوع مانايم وخلص كلشي
بيد الله واللي صار قدر ومكتوب مابيدنه شي..(ابتسمت بحزن يمزق
القلب إلى أشلاء) أريد أتریک- وياج موبغرفتي ..أمم همسه أريد أهدوم
حتى أسبح.

-من عيوني(آآه يا قوة كلبج ينزف وتبتسمين...الله يصبرج) روعي
هناك حمام خاص بالبنات.

أشارت إلى نهاية ممر كان الطابق العلوي من البيت يتألف من غرفتين
للضيوف ثم غرفة لـ هديل وفاديه وبجانبها مكتبه لهما وامامها غرفه
لثيابهما ونكون حينها وصلنا لنهاية الممر يوجد الحمام.

دخلت للحمام كان واسع جدا

-والاو حلو.

كان في مقدمته مغسله ومرآة كبير وبجانب المغسله أنواع معقمات

البشر وفرش أسنان ومعجون وعطورات أنثويه كان الجدار سمائي
بورود ورديه والأرض (سيراميك) أبيض يعكس الصورة ..بعدها مسافه
ثم المشتملات.

دخلت تستحم فتذكرت ماذا ترتدي سمعت حركه بقرب المغسله وبعد
قليل عم الهدوء أطلت برأسها من غرفة الحمام الصغيره داخل الغرفه
الكبيره ونظرت للمغسله وجدت بقربها ثياب.



(في غرفه البنات..فاديه)..
كعدت الساعة ٨:٠٠ مثل كل يوم بعده ألغزه مخلص النسوان يجن من
كل مكان وأمي ميتة قهر ماتحب ألهوسه.
رحت لغرفه ألهدوم وأخذت لي جم لبسه وطلعت ردت ادخل للحمام بس
صوت بالحمام وكفني..طفلة تبجي أهو بس لا مرة مخليه بتها بحمامنه
..دخلت بهدوء..

-شمس؟؟!!!-

جانت كاعده بزاوية الحمام وشعرها الطويل مبلل ومنتشر حواليتها
وطالعة كمر بالدشداشه ألسوده.

وكفتها وشبكته

-كافي حبيبتي مايصير تسوين بروح هيجي..أهلج شهداء بالجنه لازم
ماتبجين عليهم..

-أنه...أبجي ع..على روعي...شلون أع..أعيش بدونهم.

-كافي يا كلبى أحنه أهلج ياعمري انه أختج وبتج وامج..

هديل:لا عيني أنه أمها.

فاديه:اجت المحاميه شيفكنه من ألسانها.

شمس: الله يخليكم لبعض.
فاديه: أو ألج لو ماتريدينه.
شمس: أو أليه.
ورجعت بنوبة بجي قويه.

حيدر(أبوكرار) خال شمس عنده شركة خاصه هوا وأخوانه.
كرار: أبين حيدر الكبير ٢٨ سنة دكتور جراح.. صبور تعلم الصبر من
مهنته لكن عصبي.

ضرغام: خريج وموظف في شركة ابوه وعمامه عمره ٢٤.
هديل: مرحله أخيره كلية قانون نجحت من المرحلة ثالثة ٢١ سنة تشبه
عمتها هديل(أم علاء).
فاديه: ٢٠ سنة كلية آداب قسم لغة عربية نجحت من المرحلة الثانية..
علي: ١٨ سنة في السادس علمي.

أحمد(ابو عباس) أخ حيدر خال شمس: شريك مع أخوانه حيدر و محمد.
أيمان أم عباس زوجة أحمد.
عباس: ٢٧ سنة يعمل في شركة عمارة ووالده .. هادع.
حسين: مهندس مبتدء في شركة أعمامه ووالده سنة ٢٣.

محمدخال شمس الصغير :. أبو ضياء شريك مع اخوته في الشركة.
ونام أم ضياء: زوجت محمد.
ضياء: طالب في السادس ابتدائي ١٣ سنة.
فاطمه: ١٠ سنين بالرابع ابتدائي

حيدر وأحمد و محمد أخوان هديل (أم علاء) خوال حسن وشمس.



(....) ♥ ♥ (شمس) ...

نزلنه من ألدرج ثلاثتته وكعدنه بالصاله نترك بهدوء شويه واجت

مرت خالي:

ام كرار: كعدت العروس.

وكفت وبستها وانه مدنكه مارفعت راسي اعرفها تحب تقهرني لأنها

تكرهني على كره أمي.

شمس: شلونج مرت خالي؟؟

كرار: عضم الله اجر ج شمس.. وألبقية بحياتج.

صدمني صوته نسيت ملفعي فوك وشوي وغطتني هديل بشالها.

شمس: حياتك الباقيه.

كعدت اداري دموعي كرار راح وامه تباو علي بنظرات سهام.

أم كرار: لفي راسج موتريدين تحطين عينج على كرار.

شهكت مامعقوله هاي مو أنسانه.. أنه وين وأحط عيني وين... ضليت

أكل بسرعه حتى أضيع دموعي منا لمن قصيت

فاديه: أسم الله.

أم كرار: وجع وسم.

هديل: بطن عدوها.

أم كرار: لمي غراضج يوديچ كرار لبیت خالچ محمد.. ماتستحين عندي ولد

واخاف عليهم منج.

هديل: يمه شبیچ ألبنت توه صاحيه من غيبوبه.

أم كرار: أكلي تبين وروحي لغرفتج أنت وأختج.. وانت إخذی غراضج و

واحد من الولد یوصلج.

صعدن ألبنات ودموعهن ماجفت صدمن بحسن.

حسن: ألسلام أولا.. بعدین مشکوره أم كرار تعبناج ويانه أختي ماعده

غراض دخلت بهدومها وتطلع بيهن..لو سمحتي هديل جيبني عباية
شمس.

هديل: أن شالله.

مامعقوله ألي كدامي أم وعدھا مثل هذول ابناء
أم قاسيه منين كسبة ألقساوة..

جابت هديل ألعبايه ولبستها ولبست الملفع وطلعت وي حسن بالباب
لكينه كرار.

كرار:وين مايصير على الأقل بعد سبوع شمس بعدها ما طابتوتوها
طالعة من غيبوبة.

حسن: أسأل أمك.

شمس: انه ما بيه شي جنت بس أدلع.

كرار (لايك ألدع والله): مو علي شمس انه دكتور لو نسيتي.

شمس: مانريد نثكل عليكم.

كرار: لا أبد..

حسن: أعذرنه

راح كدامي وانه كسر خاطري كرار هوا شنو ذنبه.

شمس: عذره فدوه أنته ألبير.

كرار: معذور والله ديري بالج على صحتكم أثينكم.

شمس: أن شالله دكتور.

جنت اكلمه وعيني بالكاع مستحيه من جني أمه بس لا هوا يضمن مثل
أمه؟؟.

رحت وري أخوي وصادفنه عمي حيدر

حيدر: وين؟

حسن: خالي ماله كعده هنا.

حيدر: جنت ادري باللي راح يصير وصيت يبنون ألكم بيت قريب بس
على الأقل يراد شهرين.. وأنت شمس كعدي عد بيت عمج محمد ماعده

ولد حتى تاخذين راحتج وأنته بأي بيت هله بيك.

حسن: خالي..

حيدر: انتهى النقاش يلا ودي أختك لبيت محمد هاك مفاتيح سيارتي.

حسن: سيارتي عدي.. مشكور خالي.

حيدر: أطفال الغاليه (مسح دمعته طاحت على خده) يلا ودي أختك خلها ترتاح تعبانه.

حسن: أنت تأمر الله لا يحرمني ظلك يا أبوي.

ركبته ألسياره وبسرعه وصلنه لبيت خالي محمد لأن خوالي بيوتهم متجاوره ردت انزل بس حسن كال:

حسن: سمعيني زين انه كل أهليج وانت كل أهلي ماله غير بعض... أنه بعدني مو جبير ٢٣ عمري أحتاج لأبو يدلي طريق الصبح أم تحضني وتدفيني وأنت بعد أتعس مني... (جنت ابجي بصمت ماتخيلت يوم من الأيام تختفي عائلته ونظل بس أثنين).. عندي بس خيارين.. واحد يغضب خوالي ويسعدنه واحد يسعد خوالي ويتعسنه.

-ك... كول (قول)..-

-أنه عندي مليون جنت مدينها لولد وياي بالشركة أخذه ونروح نأجر بيت بس خوالي راح يضوجون.

-لو..؟

-تكعدين ابيت خالي محمد وتتحملين ألقسوة منا لمن يخلصون بناء بيتنا.
-الثاني.

-يلا نزلي... صدك هاي جنطج نسيتهه بسيارتي من..

درت وأخذته وشبكتته وضليت أبوس بيته.

ستحيت ورحت دكيت الباب طلعت فاطمه شبكتني وضلت تبجي... آه فطومه حتى أنت عرفتني حضي.

فاطمه: شلونج شمس والله خفت عليج.. دخلي شكلج تعبانه.

شمس: أي والله.. حبيبتي شلونج وشلون ضياء.

فاطمه:زينين.

دخلتني للبيت جان صغير بس مرتب ديوان وصاله ومطبخ وغرفه
للضيوف

والطابق الثاني أربع غرف وحده خالي وزوجته وحده لضياء وحده
لفاطمه وحده للأشياء الزايدة.

فاطمه:امي مارضت تفرغلج غرفه تكول تنامين وياي.

شمس:أصلا انه ما أحب أنام ابحدى.

فاطمه:هي ها يعني وناسه.

أم ضياء:أنجبي وناسة شنو؟؟.

بِسْمِ اللَّهِ الرَّحْمَنِ الرَّحِيمِ بدينه.

شمس:شلونج مرت خالي.

أم ضياء: الحمد لله(من ورى خشمها)البقية بحياتج.

شمس:وحياتج الباقيه.

خلتني وراحت دخلت وي فطوممه لغرفتها جانت حلوه وطفولييه بس

ستغربت بيها فراش بالكاع وفراش على تخت.

فاطمه مستحيه:امي تكول ماأكدر أخرب الغرفه وادخل تخت ثاني.

شمس:أصلا انه مثل اليابانىي أنام بالكاع أحسن وأقوى.

فاطمه:جا حتى أنه.

شمس:لا الصغار مايصير.

فاطمه:أممم خوش لمن أكبر.

آآآه يمه تعالى شوفيني نسوان أخوج وحده تكرهني اكثر من الثانيه

والسبب(؟) بابا تعال شوف ألي علمتهه الجذب حرام...صارت بكل

خطوه تجذب الف جذبه..الله ايعيني.

نمت وماحسيت بنفسى.

♥ ♥♥ ♥♥ ♥

♥ ♥

(...).كرار(.....

الله يعينكم يا اولاد عمتي..شمس خطيه من صوتها مبينه بعدهي
مريضه ما شفت شكلهه حتى أتأكد مريضه لو لا جان نظري على حسن
مو طبعه يعصب ومايحترم دخلت للبيت اريد أعرف منو مزعلهم.

كرار:يمه...يماااااااااا..

ام كرار:خير شبيك.

كرار:شبيهم اولاد عمتي ليش طلعو موكلنه بعد أسبوع ثاني.
أم كرار:خليهم يولون شمسو تكول ما أحب أتقيد بالحجاب..وحسينو

يكول ما أريد أشوف أختي مزعوجة.

كرار:حشه مو مال واحد يلفيهم أبيته..

خايتها ورحت لغرفتي شويه ودخلت فاديه.

كرار:هله والله بفدو.

فاديه:صدكت أمي.

كرار: أمم هيه أمي حافضها على كلبى..مايحتاج.

فاديه:ما شفت شسوت بشمس(سولفت كل القصه).ها؟؟هيج جنت
تضن؟.

كرار: فادي وصلت المعلومه يلا انه تعبان.

فاديه:أوه نسيت اليوم تجي أروى ورواء.

كرار:حلفي.

فاديه:عن أذن التعبان.

كرار:فديو أحجي.

فاديه:أي بنات خالي اليوم يجنه حتى أخذهن يعزن شمس.

كرار:منو يوديكم لبيت عمي محمد؟

سويت روي عود ما أدري.

فاديه:راح أكلو لعلو لو ضرغام.

كرار: هههههه أنه اوديكـمـ.

-خاف تعبانـ.

-علمود فدو كل التعب يروحـ.

-فدو لورواء؟

-براحتج...يلا يلا روي اريد ابدل وأسبح واناآآآم باجر وراي شركةـ.

-موعدنه العصر بـ ء أوكيـ.

-انشاللهـ.

دفعته وسديت الباب...آآآه يا عمتي موأتفقتي تفتاحين ابوي
بالموضوع...ليش متتي..(ذرف دموع آبت النزول لثمان أيام) الله اله
بيها حكمهـ.

♥ ♥♥ ♥♥ ♥

♥ ♥

(شمس)

...كعدت ٥:٣ ميته جوع ماعندي أهـدوم دورت بهـدوم فاطمه لكيت بدي
أسود وتنوره سوده بس ألـبدي ضيق وألتنوره موديلها عريض وطويل
بس توصلي شويه جوا أركبهـ.. لبستهن ونزلت رحت للمطبخ وجان
الكل نايم مامخيلي غدا فتحت الثلاجه لكيت انواع الأجبان وفواكه
وعصاير أخذت صمونه وحطيت بيها كرافت وأخذت عصيري المفضل
المانجو وكعدت بالصاله أكل شويه وأجه ضياءـ.

ضياء: شلونج شمسـ.

شمس: هلا حبيبي أنت شلونك؟

-عضم الله اجرـجـ.

-واجرك...اجيبك غدا جوعانـ.

-انه متغدي بالديوان ابـيت عمي حيدر...بس شنو هذه غـداج؟

-أي.

-لش أمي مامخليلج غده.

-أنه مسويه رجيم.

دخلن بنات وسمعي وضكن جاتن هديل وفاديه وأروى ورواء.

فاديه:والله لو يسمعج كرار.

رواء:أحم أحم.

شمس:محضور ندري.

هديل:شنو هالكشخه.

شمس:ويني وين الكشخه...ماعدي هدم تداينت من فطوم.

رواء وأروى:عضم الله اجرج بأهلج...وجعلها اخر الأحزان

شمس:واجورك...و....

بجيت وبجت هديل والبقية كوه يصبرن روحهن.

كمت للمطبخ:خليني اجيب الكم جاي.

راحت وراي هديل.

هديل:بس يا عمري كافي بجي.

شمس:أنت نفسج ما كدرتي وبجيتي شتكوين عني عالمي كله

أنهدم...أم ابو أخو اخوات..عمامي وعماتي..جيراني..بيتي غرتي...كل

شي...طفولتي بقت بذاك البيت..

عادت لها نوبة البكاء لكن أشد من كل المرات هذه المره الأوله ألتى

أحصت فيها الشيء الذي فقدت.. فقد فقدت أكثر ما أكتسبة.

صوت زوجة خالها محمد أستطاع أن يوقف نشيجها قليلا.

أم ضياء:هي أنتي مو بس تتبججين حشمي روحج ولبسي عدل خوش

ابني ضياء مراهق وأخاف تطلعين عينه.

شمس: يا ربي صر... صر... صبرن...

وسقطت مغشيا عليها.

هديل: بنات لحكن شمس طاحت.

فادية: راح ادك على كرار مادامه بعده بالطريق.

رواء: خوب دكي على أخوها.

هديل: مو وكتج.. بسرعه فادية.

♥ ♥♥ ♥♥ ♥

♥ ♥

....(كرار)...

وصلت أخواتي وبنات خالي وانه فرحان أني شفت رواء.. بس يطلعون

من الأربعين افاتح ابوي ضروري.

رن جوالي(يعذبنا البكاء متى بكينا)...

هذي فادية يمته كعدو حتى يرجعون.

-ألو فدو.

-مو وكت غيره.. ألو كرار ألحك شمس اجاها انهيار عصبي.

-رجعت انه بالطريق.

سديت التفون ورجعت شكك اناني افكر بسعادتي وناس تربتهم

ماجفت.. مو أي ناس.. جانو اصل الطيبه والكرم.

دخلت لبیت عمي لكيتهن بالصاله وحاطاتها بحضن هديل.. ملاك بحضن

أختي.. نسيت رواء وأهلها بقيت صافن.. هاذ الملاك شمسوي حتى

يتعذب.. شلون تحتمل كل اللي يصير..

فادية: لا تاكل البنيه روح شوف شبيها.

استحييت وطاحت عيني على رواء ألي باين الزعل على وجهها.

تقدمت من هديل وكضيت أيد شمس جان النبض بطيئ.

-بسرعه غطوها وخلونه ناخذهم للمستشفه بسرعه.
أخذت هديل عباية فاديه ولبستها أياها ولفت راسها بالملفع وكالت.
هديل: شيلها يادكتور.

شلتها وكلت.
-محد تروح ويانه؟
رواء: أنه.

هديل: عيب أنتي شيوديچ أنه أروح.
فشلة رواء بس جنت بحالة ماتسمح لي بالتفكير بأي شي غير الملاك
أللي بين اديني أللي عصف بحياتي وطير عقلي.
دخلتها بالسيارة ونومتها بحضن هديل الي دخلت من الجبهه الثانيه.
ركبت بالسدر وحركة السياره بسرعه.
-ليش طاحت؟؟.

-اجينالها وذكرناها بأهلها وضلت تبجي اول مره تعد أللي ماتو وفوك.
هذه كله مرت عمي تكلها لاتلبسين هاي لهدوم ضياء مراهق.
-منين جايبه هاي لهدوم؟؟.

-اهدوم فطومه هيه ماعده اهدوم..حسن ماخلانه نطيها شي من وري
أمي.

-الله يسامح.

دكيت على سعد صديقي دكتور بالطوارء ينتظرني بالباب.
وصلت ونزلت وشلتها ونومتها على ألسديه ودخلوها طبعاً رحت
لغرفتي وكعدت هديل ولبست الباطو ورحت للغرفه اللي دخلوها بيها
فحصت وجنت ادري انهيار عصبي.

أتصلت بهديل.

-الو هديل يلا تعاي كعدي يمها شوي وتصحه وانه اجيب ألها مهدئات.
-يلا انه جايه.





(...)شمس..)

فتحت عيوني وأحس ثكل براسي... شفت وجه مألوف.. علاء.. انصدمت
علاء ما مات.

شمس: علاء.....!!!!!!

-الحمد لله على سلامتج.

أي علاء حتى الصوت... ماصدكت اشوف علاء يعني كلشي حلم.. شبكته
وضليت ابجي.

-علاء أنته عدل... يعني أهلي كلهم عدلين.. يعني انه جنت أتحم ادري
الله يحبني مايموتكم .. الحمد لله.

.....!!!!!!

-علاء أحجي ...ميلت راسي وضليت اباع لوجها.

-فدوه لاتختفي الله يخليك...بس ليش صاير ابيض ولحيثك ماجنت
تخليها هيح..علاء رد..فدوه قطعت كلبى.

-أنه كرار.

رجعت لفراشي اريد أستوعب واجت هديل حضنتي وهدتني وكرار طلع
من الغرفة.

-هديل..هذه أخوي.

-لا يا كلبى..هذه كرار..بس هوا يشبه ابوي وعلاء يشبه خالة فأكيد
أخوج وأخوي متشابهين.

-والله عيب هسه شيكول؟؟.

-هوا دكتور أكيد دوم يتعرض لهيج أشياء.

متت مستحه انه شسويت بروحي هسه شلون اباعله.



....(كرار)...

هاي البنيه شسوت بيه..دوم تصوير بيه حوادث مثل هاي بس هذي
تختلف..رن موبايلى..(اليحب ماينسه عاشك لو يفارك دنيته)...)

-الو رواء.

-شلونه شمس؟

-زينه عيوني.

-تسلم عيونك ..أمم..أنته وين هسه.

-بمكتبي شويه ونجي.

-اوكي دير بالك على نفسك.

-ان شالله عمري.

سديت تلفوني مشاعري جامده تجاه رواء على الرغم من اني أحبها من
لمن جنه صغار لكن شعوري تجاه شمس يختلف..شمس تخربط فكري
توترني تخليني اسوي أشياء تنافي طبيعتي..بينما رواء احجي بدون
توتر..ياربي مو وكت مقارنه.

نزعت البالطو وقفلت الغرفة ودكيت الباب ودخلت لكيتها يم الباب
يردن يطلعن.

اول مادخلت استحت شمس ودنكت راسها ضحكت على حركتها البريئه.
-ها؟؟هسه شلونج؟؟.

....-

-أوكي لاتحجين هذي مهدئات تفيدج خوش وكاتبليج مواعيدهن هاج.
مديته ألها رادت تكضه وكضت أيدي هنوب عافته بحركه تضحك
ضحكت هديل.

هديل:ترا اخوي مايبرزز..لونسيتي هوا شالج ودخلج أهنا..آخ.

الضاهر كرصتها شمس حتى تسكتها كضيت أيدها وحتيت بيها كيس
الدوا وكلت.

-انه هم مثل اخوج علاء يلا عاد عن الدلع.

باوعتلي بنضرات خوفتي أكثر من الي بده يكبر بداخلي



....(حسن)....

بقيت بديوان عمي أحمد جان هوا وزوجته لو بيدهم يحطوني بعيونهم
هم وااولادهم..

سرحت شوي فجأة دخلو اثنين شباب طاحت دموعي حتى كبل لا اكوم
أسلم عليهم أشكالهم متغيره..الله يعين.



(هديل)

ياحلاتهم من ثنائي ياريت يكونون لبعض والله لا يكيين مومثل
رواء..جنه بالسياره.

-كرار شنو ربيك لو نروح للمطعم اكو بعض الناس مامتغدين.

باوع بالمرايه على شمس وكال

-صدك؟-

-شمس كولي شدغديتي؟لاوتكول مسويه رجيم.

عصب كرار هو صح عصبي بس مالها داعي.

-تریدین تضعفین أعضامج؟..ما اسمح لج یلا کولي شکلتی من اول
ماطلعتی من بیتنه؟.

-نص لفة..کرافت.

خطیه حجت بصوت کسیر مارضیت علی أخوی بس انه فتحت السالفه
ولازم اسدهه.

-علی کیفک.

-أنتی سکتی..شمیس های حیاتج صح بس اکو ناس محتاجتج بعد
مایصیر تهملین روحج وانه خلی هدیل تطیج رقمی وأذا ما أخذتیه أنه
أخذ رقمج ودکی علی یمته ماتحتاجین لی..أخوج حسن راح یمر بفتره
صعبه من حیاته وراح یهملج حاولی تصیرین أقوى ..ومرت عمی مثل
امی تصرفات مجهوله بعد أخوات فأالله یستر..خوش أخذی رقمی.
والله أخوی یجنن فدوه اروحلہ حنین ویجنن اذا عصب.

وصلنه لمطعم واشترا اکل عائله بس ما أکلنه خذینا ویانه لبیت عمی
مجد وتعشینه وی البنات بس الی قهرنی رواء کل ساعه تنغز شمس
بکلمه وکلما شمس ترید تکوم اشاورها.

-اکلی لاتطیحین ویشیلج کرار.

خطیه تخترع وتکمل أکل..خلصنه أکل وشربنه جاي واجه حسن ماشاء
الله کمر مخفف اللحیه والدشداشه سوده والشعر بدون جل نازل علی
عیونه ورقبته محد من البنات باوعت بس انه ورواء أحتقرتها ابن
عمتی واباوع هیه شنو..صرت أغار..



(شمس)

دخل عليه حسن رحته.

-شلونك عمري تعشيت؟

-الحمد لله لبسي عباتج ناس بالحوش يريدون يسلمون عليج.

رجعت بسرعه أخذت عباية هديل وملفعتها.

طلعت مجلبه(ماسكة) بيد حسن مستحيه بس شفت رجلين اربع رجال.

الرجال:عضم الله اجرج..وجعلها اخر الاحزان.

شمس:واجوركم..

الاول جان.

علي:الله يصبرج وباجر اجيبلج كتي وتدرسين ترا حرام تضيعين سنه كامله.

حجه الثاني وجان

ضرغام:أي وانه اشوف بأي مدرسه ويصير خير.

شمس:مشكورين.

حجه الثالث:

عباس:اريدج أقوى من أخوج وكوني وياه تراه تعبان.

حسين:اي شلونج اليوم سمعت هم رحتي للمستشفه.

شمس:انهيار عصبي وعده.

رفعت راسي أشوف اللي ماحجو بس يباوعون.

وقــــــــــــــــفه...دموع متدفقه عادت للضهور لغسل وجهها من جديد..

شمس:أ..أمير..أحمد.

أحمد:الله يصبرج يا أخت الغاليه.

شمس تذكرت حسناء.

شمس: احمد..حسنا(من بين دموعه) بيوم الحادث جانت حاسه

وكعدت من النوم...وكالت سلميلي على أحمد.

احمد:الله يسلمج ويسلمها

أخفت الدموع بريق عينية الزرق.
نزعت الساعة لكيته بجنطتي اطتني اياها علياء
شمس: امير هاي الساعة علياء امننتي عليها وكالت هاي اغله هديه
أهدوها ألها وياريت تخليها عندك.

أخذها بلهفه وسلمو وراحو ردت أرجع بس حسن كال.
حسن: امشي فدمره للسوك اشتريلج اهدوم.
ألتفتلي وكال.

-يمته تسيطرين على نفسج ..كافي دموع والله عذبتيني انه أحاول أمنع
نفسي وأتقوى بس أنتي ماتحاولين تقويني وبهيجي راح تطيحيني
بدون ماتدرين..بدموعج هاي تحسسيني بضعفي...وأني ولاشي لوميت
أحسن.

-لاتكول هيچ فدوه كافي.

-انتي كافي.

-يلا بعد..ماأبجي.

-وعد؟

.....

-ابراحتج..انتي الخسرانه.

خلاني وراح كعدت ابجي بالكاع حسيت آخر ذكرى من أهلي
فقدته...خلاص راح حسن..بعد ماعدي أهل.
-شمطلج برا؟؟.

عرفته من صوته..ياربي ليش كل ما أبجي يصير بوجهي.

وكفت ونكتت عباتي ومسحت دموعي.

-حسن بعد...بعد مايرجع.

-توني شفته كال رايح يشتريلج اهدوم.

-والله؟

-والله...بلا أمر صحي للبنات خلينه نروح..أنه متانيهن بالسياره.
راد يطلع صحتله.

-كرار.

-عيونه(أو شسويت يا أخي الزم الساتك شويه) عفوا أمري.

ويني وين الأمر ردت أموت من الخجل.

-مشكور...مشكور على كل اللي سويته.

-افا حق الأخو.

اله يسوي روحه اخوي مشكور ماريدك أخوي..استغفر الله شبويه تخيلة
انه.

دخلت وكلت للبنات واطيت هديل العبايه والملفع وكالت.

هديل:تذكرين بالمستشفه ..روحي لتلفونج وديتلج رساله.

غمزتلي ورواء ماتت قهر فهمت السالفه بكيفها.

رحت انه وפטومه انام.



بعد مضي شهر

جرت عدت أحداث شمس اعطاها علي كتب وكان يأخذها يوصلها

لمدرستها ويذهب هو وعندما ينتهي يجدها تنتظره في باب المدرسه

هذه في ٣ امتحانات اما في الامتحان الرابع كان صعب تأخر علي وكانت

خائفه أمسكت هاتفها وأخرجت رسالة هديل كان فيها رقم كرار.

كرار: الو.

شمس:الو كرار؟

-أي تفضلي أختي منو وياي؟

-أنه شمس...-

-شبيج..؟وينج؟ليش صوتج خايف؟أنتي مو بالأمتحان؟
تذكرت لهفة أخوها ألتى فقدتها منذ ذاك اليوم..بدئت تبكي وهذا وتر
كرار أكثر.

-شموسة أحجي شبيج لاتخبليني عليوي شبيه؟
(أي خايف على علي مو علي... هوا أخوي هجرني شنتظر من أبني
خالي)

أغلقت الهاتف في وجهه وهذا أثار جنونه خرج من المستشفى دون أن
يغير ثيابه ذهب للمدرسه وقد أتصل فيها عدت مرات حتى يأس من
ردها وعندما وصل نزل وشاهدها تقف أمام المدرسه بعينان دامعتان
أقترب منها وفجر غضبه.

-أنتي غبيه عقلج مايشغل..ليش ماتردين علي..أحجي لا تضلين
تباوعيلي..ليش أتصلتي؟
-علي تأخر وخفت بقيت ابجدي وهذولاك ايباوعولي وخفت.
أشارت لسياره فيها أربع شباب يغنون وينظرون لها.
-جاليش ماكلتيلي وسديتيه بوجهي.

-....-

-يلا أمشي أوصلج للبيت.

-و..وجرحك؟

-أي جرح.

-هاذ.

أشارت على بطنه وانتابتها نوبه غثيان.
-خفت عليج وطلع بسرعه ونسيت روحي..أجتنه حاله خطره
بالطوارء وخيطة جرحه..وتدمرت دم.
خلع السدرية ووضعها في جيب السياره وقال
-يلا ركبي.

(كالي خفت عليج.. ليش يخاف علي... أكيد)

ولم تشعر إلا به يجرها ويدخلها السياره.

-دخلي لو مستانسه على الولد.

شعرت لأول مره بالسعاده.. انه على الأقل يهتم بها.

وبعدها كان يأخذها في كل الامتحانات وفي كل يوم تزداد قسوة عينيه
وشدة معاملته لا أنسى أن أقول أن شمس أحبت كرار على الرغم من
تأكدتها من أنه يحب رواء ويكرهها.

حسن بعدما لم توعدده شمس بأن تثق به وتترك الحزن.. خاب ضنه
وشعر بأنه عديم الفائدة فقد كان في الصباح يعمل في الشركه وفي الليل
سهر مع شباب مراهقين.. شرب وتدخين وضياح للأموال.. نسي الله
فأنساه نفسه.


هديل سقطت في حب حسن كان يأتي بين الحين والآخر يزور خاله
حيدر فيخرج من البيت بعد أن تحصل مشاجره.. خاله ينصحه بأن يثوب
لرشدده وهو يرفض.

-هاي حياتي وانه مسؤول عنها... وأختي اذا ماخليتوني أشوفها شوف
شيصير بيكم.

نفس الكلام يعاد في كل لقاء

كرار لازالت علاقته رائعه لكنها تقول أنه متغير في الأيام الأخيره وهذا
ماشعر به هو أيضا شعر بشيء ينمو بداخله ويزيل كل أثر لرواء ينمو
كلما نظر لعيني شمس طويلة الرموش تجذبه لأبعد الحدود لذلك فإنه
يحاول أن يكون قاسي.

أنتهت الامتحانات وانتهت أربعين أهلها:



حسیت بالذنب غثیته توه یضحک

-كرار؟؟؟.

-نعم.

-اسفه ماردت أضوجك.

-منو كال(قال) اني ضجت.

شمرت عليه المخده ودخلت للمطبخ وانه اسمعه يضحك.
واخيرا ضحك بس ماشفت شكله وهوا يضحك جنت اتمنه أشوفه
يضحك..

سويت ريوك- وطلعت بالصاله بعد ماتأكدت أن عمي راح وشغلت
التلفزيون أجت مرت خالي.

-شلونها النفسية.

(زفت لمن شفتج)

-الحمد لله تمام.

-الحمد لله دلعتج بالأمتحانات وأكلج يوصلج لحد غرفتج.

أي كله تجيبلي ألمركه بس ماي وتمن بدون حشو ومقلياب
مامستويه..الله المستعان..حتى لمة تطفى الكهريه تشغل مولد وتطفى
المكيف اللي بغرفتي تكول ماتكفي الكهرياء وهيه مشغله سبلت الصاله
وغرفتهه الي ماكاعده بيها وغرفة ابنها والديوان.

-سمعتيني؟

-ها؟؟!

-وجعا...تفكرين بحبيب الكلب كرارو.

فلك هاي شمدريها اني أحبه.

-مرت خالي كرار أخوي وشتردين بالضبط مني.

-روحي سوي غدا.

-حاضر مرت خالي.

دخلت للمطبخ حضرت الجدر ودكيت على هديل.



....كرار....

فاتحت ابوي بالموضوع بالليل.

-يبي اريد أتزوج.

-هاذه اليوم اللي جنت أمتانيه..عندك وحده لو ندورك.

-بت خالي رواء.

-ما أقبل شرايك بوحدہ على ذوقي.

-يبي انه اللي راح أتزوج.

-تريد تخطبها روح محد كاضك بس انه ما راح ارواح وياك ولا
عمامك.

خلاني وطلع..أتصلت عليها واكلتها باللي صار ضلت تشتم ابوي سديد
الخط ونمت..

والصبح لمن رحت اجيب عمي ابوي يريد يجتمع بعمامي واولادهم وفد
مره عزيمة مسوين على روح الموته..

-كرار.

-أمر.

-روح شوف شكك بقى على الغده.

-تدلل.

شمعنه ما ودا علي...اكيد انه محور الحوار التالي خليني ارواح بس.

دخلت للمطبخ وشفت هديل مندمجه بالطبخ...والله ياهدیل أم بيت.

-ها هداوي شكك بقى على الغده؟؟..

-هله...أمم ربع ساعه بعد بس الحشو.

ردت اطلع وسمعت النغمه اللي مخليها لرواء(اليحب ماينسه عاشك لو

يفارك دنيته...الاحب واجب يضحي بروحه لجل محبته.... عليك أناس
تسألني واكولن...) بس انه تلفوني بالديوان باوعة للطاوله وأخذته
وبسرعه رديت.

-رواء شتردين بعدين أحاجيك.

-.....

هديل: جيب هذه تلفوني ماتشوف المداليه.

نزلتها وصدكـ جان تلفون هديل انه وياها نفس التلفون بس الفرق
بالمداليه رفعت حاجبي وانه اقرى اسم المتصل"حبي".

-هديل منو حجب.

-ها؟؟؟..رد كله شتريد.

-مو عيب؟

-رد البنيه خلص رصيدها.

-الو أسف منو وياي.

-كرار؟

-عيونه(ياربي تطلع بدون أذني هسه شيفكني من هديل) ألغو ها
شمس هديل تطبخ عنده عزيمة محتاجه شي ضروري.

-أي لوسمحت.

-ماتعودنه نحجي بالرسميات شميس.

-ارجوك اريد هديل.

-موصوجج صوج اللي يقدرج ويرد عليج.

-من سحر عيوني راد علي لو ماعلى بالك الحبيبه جان ما رديت.

-ها..(فاجاني ردهه الجريء)كلشي ولا عيونج ما أقبل.

-أذا أنت سعيد انا واصله لخشمي تطيني هديل لو.

-يعني شيصير.

سمعت صوت مرت عمي تصيح وصوت مواعين طرش أذاني ردت
بصوت بيه بجيه.

-هذا اللي يصير.

-اسف اسف خلاص.

فتحت سبيكر وقربته من هديل اللي ميتة ضحك حته اسمع وياها.

-هههه شبيج حياتي لاتعصبين.

-أهئ أهئ هديلو لاتضحكين أخوج سوا بيه ضغط ومرت خالي سكر
وانتي لا تسوين بيه جلطه.

-هههه حتى وانت تبجين تخبلين.

-فدوه مرت خالي تريدني اسوي غدا وانه ما أعرف فدوه علميني.

-أعلمج باجر اليوم عدنه عزيمه وهسه اوديلكم غده كامل بيد كرار.

-حرام عليج تريدن تموتيني.

كرار:.. كرار صار قابض الأرواح؟؟؟.

شمس:.. اسم الله أنت منين تطلعلي.

-من الفانوس السحري.

هديل:يلا عمري هسه اوديلج الأكل بيده.

كرار:(حجيت بغضب) مو انه خدام العائله.

شمس:هههههههههه.

باو عت لهديل وهديل باو عتلي.

هديل:طكني حتى أصدك.

كرار:أنتي طكيني.

الغبيه ماصدكت وطكتني بالجمجه على راسي.

كرار:آآآخ وثول بسرعه صدكتي.

شمس:يلا مع السلامه.

سدت الخط

هديل:مشكور يا كروري.

-شني كروري هاي اصغر اطفالج؟؟..وعلى شنو مشكور.

-أنته الوحيد اللي كدرت تضحكها...والله خطيه اذا ماتبجي تطلع مرت

عمي تبجيهه غصبن عليها..وصارلها فتره ماتنام تفكر بحسن.
كرار:صبيلاها أكل خليني اوديه بسرعه كبل لايفتقدوني الزلم.
-الله يخليك الها.

ما أحب اسمع عنها اي شي حتى ما أتعلق بيها أكثر وبنفس الوقت اي شي يخلصها أهتم واسمعه انه أعطف عليها وخايف عظمي يتحول لشي اندم عليه لأن أنه أحب رواء من اول ما وعيت على الدنيا مستحيل افكر بوحده ثانيه.

أخذت الأكل وجانت مرت عمي عد الجيران فتح ضياء الباب.
-السلام عليكم شلونك ضياء هاذ غده أهلك.
-وانه؟

-انت زلمه والزلمه بالديوان غداه.

-والله بعدني صغير شبيكم أنتم.

خلاني وراح فوك اجت فطومه.

-شبيه أخوج؟؟.

-كرار فدوه دخل الأكل للمطبخ وانته تعرف.

-تأمرين...هيه جم فطوم عدي.

دخلت للمطبخ وتحنحت.

-أحم أحم.

التفتت شمس وحطت ايدها ورا ظهرها والثانه حطتها على الطاولة.

-مشكور..بس تعبت روحك جان خلينه بالباب وانه أخذه.

-لوماتدرين راح ادخل الأكل جان مالبستي ملفع.

جانت لابسه تنوره طويله وقميص سود ولافه راسه بالملفع.

-والله ما ادري بيك راح تدخل...بس.

طاحت دموعها وتخبلت هوا انه شكلتها حتى تبجي.

-بس شنو لاتعصبيني وتسكتين؟.

-عمتي تكول حرام ضياء صار جبير..يلا ارتاحيت ممكن تروح.

-طرده؟-

زادت دموعها وتمنيت أحنكها هيه ماعدها غير ألبي انه نقطة ضعفي

البي ما اكر اروح.

-أفهمها مثل ماتريد.

كعدت على الكرسي.

-ماروح منا لمن تكولين ليش تبجين؟؟-

تجاهلتي ودارت باتجاه ثاني وكضت أيدها ولا جن واحد سألها...موانه

اللي تتجاهله مره.

رحتلها وكضيتها من أيدها ودرتها علي.

-لمن أحاجيج!!!!!!...

وقفـــــــــــــــــه. ♥♥.. عيون محمره بالدموع...فم مملوء ألم.

عفت أيدها وباوكت ليدي جانت كلها دم كضيت أيدها ورفعت ردن

القميص جان جرح عميق بيدها.

رفعت عيوني وطاحت بعيونها شي عجيب بهاي العيون.

-هذه سبب دموعج.

هزت راسها مثل الأطفال وهيه تشهك وخشمها أحمر وفمها يرعش.

-ليش ماكلتي من البدايه(أشرت على راسها بأصبعي)هذه الغباء

ماريده يعشش أهنايه خوش يلا امشي ويبي.

-وين؟

-لمدينة الألعاب...تعالي بس تعالي...فطوم لمي هدوم شميس خلي

ضياء يجيبه لبيتته.

-أخاف من أمك.

-ها.؟ والله تصدمني اجوبتج ماتبقين ابيتته بس أمشي.



حسن...

انه بالنهار طبعي وبالليل موبوعي بيتته مابقاله بس الأثاث وبعدها
أعيش وي أختي ومحد عده عذر.. خوالي أل... أنه أعلمهم يحرموني
من آخر ذكره... انه اوريكم اولاد أل... انه ليش ما ادك عليها
..أهوووووووو دوم مغلق.



شمس...

أخذني لبيتهم وصاح لفاديه لأن هديل مشغوله.
-فدو بسرعه.

-خرعتني شببك.. هله والله بشمس.

-مو وكت سلام جيبني جنطتي مالت الأدوية.

كض أيدي بقوى ورفع اردان أقميص وهنوب جابت فاديه الجنطه طلع
كطن ومعقمات ومكص شكله غريب وابره شفتها وضليت أصيح.

-ماريد ماريد عفيه..

-لا تسحبين ايدج وخليني اشوف شغلي.

-الله يخليك لاتعورني.

-أعورج؟ (انه ليش منفعل هاي ابسط حاله مرت علي)

-آي آآي.

-تسدين حلكج لو اسده الج.

-ما اقدر-

وقـــــــــــــفه.. ♡ ♡ .دموع تنساب بصمت..خفقات قلب متسارعه
تطرق آذان الصمت.. عيون مغمضه بشده لتخفف الم الأرتباك.

عقم الجرح بعنايه ثم وضع الخيط بالأبره ومسكها بالمقص وعرزها بالجلد بخفه واخرجها ثم عقدها وقص الخيط وأعاد الطريقه مرتين ثم وضع عليهما لاصق جروح ونظر لها وخاف على نفسه.. أنها طفله بالنسبه له لايجب ان يفكر فيها لكن تصرفاتها هذه تحبيه بها دون أدن.

نہنتی؟

فتحت عيونها على كيف وأيدها باقيه بأيدي.

١٠- أنه؟

-لا أنه... أي انتي أكو احد غيرج أهنايه.

-ما حسيت بالألم.

-حطیتلج بنج موضعی-

- ھد ایدی -

-ماکازج اُخْذِهَا..أَصْلاً أَنْتِ حَاطَهُ أَيْدِج عَلٰی اَیْدِی..

-وخر ايدك من جوا ایدی.

-ولیش ماتوخرین ایدج من فوک ایدی.

-أخاف أتعور-

-أبوك يدور عليك وكالب الدنيا عليك وأنته مسوي مسلسك تركي

بصالتی۔

وخرت ایدی بسرعه وکفت.

-بیمه؟

شمس: آی عورتی۔

أم كرار: سم شجایج أهنانه؟

دخلت هديل وفاديه نقذن الموقف.
فاديه:يمه سوي جاي الزلم راح يخلصون غده..واسولفلج شصاير.
كرار:انه راح ابدل واحاجي ابوي.
هديل:شموسه تعاي وياي.



...فاديه...

دخلت امي للمطبخ ونسيتها السالفه وانتهت بالجاي.

-احم أحم-

-أو..ماي.. كاد..من يمته صاير مؤدب.. ادخل ادخل ولا تبيع ثكل عليه..

دخل و رفع راسه و باو علي و كال.

-ادخل ومو خايف منج.. هههههههههه شبيح مخترعه وين السانچ توه.

-دور ماتستی-

-انتي كلتي ادخل.

أخذ الأماعين منى وكبل لا يروح كالـ.

عباس: ادري حسبالج أخوج بس تعمدت ادخل اشوف زوجة المستقبل

حلوہ لو تخرع.

-من حالاتك انتہ۔

-هائڙه ڦڊرڇ-

خلانی وراح مصدومه.



هدیل...

-ها اها أنتي بغرفتي ومحد يمنه راح اسألج وانتي جاوبي.

-سألي يا عمري.

-منو عورج؟

-مرت خالي.....اجت شافتي أضحك وطكتني بسجين لوتشوفين

السجینه جان کلتی ایدج لازم تنکطم بس ربح جانت شمرتها خفیفه.

-شلون شافج اخوي؟

-حاجاني وتجاهلته ودرت وفاجاني.

-شلون؟

-کض ایدی وصحت؟

-تحبينه؟

-أي... لا لا فاجأتيني بالسؤال.

-ادري وهذا مقصدي..أهم شي تأكدت منج..بقی أخوي.

-یکرھني یموت مني.

-یعني صدک تحبينه؟

-الکل یعاملني بقسوه بس قسوته غیر...حنین وقاسي..یصرخ علي

وهو خایف علي..یغلط علي ویداویني..یرزلني ویسأل علی أحوالي.

-أتاریج میته من الحب.

-هدیل اول مره أشعر بهیج شي واول مره اثق بأحد ویاریت تکنونین

صندوق اسراري.

-انه امج وأختج فاهمه أنت لوشایفه شلکم توکم وانتم کاعدین سوا

تخلون ولایکین علی بعض.

-جا و رواء.

-مغروره وخبیثه لو جانت اروی جان احسن کال لبوي وابوي

كله مستحيل أروح وياك أخطب ولا واحد من عمامك.
-آآاه ياهدیل لوتدرین شکد مشتاقه لحسن.

-حتی انه.

-شقصدج؟

رفعت حاجبها وجنھا کشفتنی یاربی شبیه ملکوفه.

-ماپیہ شی ابن عمتی ومشتاقه له.

-یا خبیثه انه کتلج علی أخوج وانت کولی شبیج ..لو ماتتقین بیه.

-أکولج واللی یصیر یصیر..أی أحبه ومن زمان کبل لمن جان یجینه.

-الله یكون بعونج.

رن تلفون شمس وصار وجهها أحمر.(جنائز ادمعی ندبتک حزنا...
وخرت فی جنازتکم بیکیا.... اصلي فوق نفسي ذاک انیانه المیت
الذی حسبوه حیاآآ ..وعیني مصحفا لوجأت ناعاً... به انعا الوجود
الأدمیاتأسفت الحیاة علیک لما رحلت وودعت بحرا نجیا)...)

-شبیج منو؟

-کرار....

-ردی.



....کرار....

دخلت للدیوان لکیت الكل خلص اکل.

ابوي:وین جنت؟؟؟.

-جنت..صارت مشكله ولو غسلتو وشربتو جاي اكللكم.

ابوي:تغديت؟

-مالحكت.

ابوي:خوش هسه يجي حسن يتغده واتغده انت وياه.

-ان شالله.

ياربي اذا اجه حسن وشاف اخته شيسوي..الله يستر.

دخل حسن للديوان وكلنه انصدمنه.

الكل:حسن.

حسن نزل الفون من اذنه وكال

حسن:.. هلووووووووووووووو.

حيدر:شنو هالمهزله.

احمد:سبحان مغير الأحوال.

محمد:شمسوي بروحك؟

علي وحسين فطسو ضحك.

عباس جره من تيشيرته وطلعه بره ورحت وراهم.

جان لابس تيشيرت اسود ابو الجماجم وبنطرون اسود بوري وحاط

بمعصم ايده خيوط ملونه وساعه...شعره سبايكي ولحيته مسويه

صفحه خيطين والصفحة الثانية حرف H بالانكليزي.

عباس: أنت هم حاسب نفسك بشر؟؟؟.

حسن بكل ثقه:الحمد لله.

عباس:انت عار على المجتمع..اطلع برا ومانريد نشوف وجهك لاتخرب

أخلاق الشباب.

حيدر ابوكرار: خليه عندي حجي وياه.

عباس:انشالله عمي.

تقدم حسن من أبوي وشبكه وباسه براسه ودخل للديوان وسلم على

عمامي وكعد.

جاء ضرغام الجاني وصب ووزعه عليهم وكعد يم حسن.

ابو عباس: كرار ماكلت شصار مساع.

كرار: لا عمي بعدين.

ماكدت احجي كدام حسن ادري بيه يخبص الدنيا.

ابوي: كرار احجي محد غريب.

كام حسن وكال: اختي..وين شمس اريد اختي هسه.

ابو ضياء: بالحفض والصون. اجاني وكال

حسن:..كرار احجي لاتحرك دمي..جوز ماتصدك اذاكتلك..بس انه واختي

موبس رابطة الدم بيننه..حسيت صار بيها شي كبل نص ساعه تقريبا.

كرار: مرت عمي معورتها بيدها.

ابو ضياء: شنو مرتي؟

حيدر: وينها هسه؟.

كرار: جبتها هنانه يم هديل.

طلع حسن وكضاه ضرغام.

حسن: جيبو اختي هسه...يتيمه و بين جم زلمه وماحموها.

ابو عباس: وافته تحميه؟

حسن: اختي وماكو واحد احن مني عليها..ضرغام هدني.

ضرغام: وين تروح جوا نسوان..كرار دك على الأهل خلي يطلعونها.

طلعت برا وأتصلت عليها ردت بعد عناء.



...شمس...

-حسن بيه شي.

-لا بس تعاي برا يريد يشوفج.

لبست عبايه من هديل ولفيت ملفعي عدل ونزلت وي هديل وصلنتي
لباب ألساله وطلعت جان كرار واكف وياه شخص شوي ألفت علي
واجاني باوعتله وانه مامصده.

-حسن؟

-دنيته وأهله وعالمه.

-شصاير بيك..شمسوي(دموعي نزلن بغزاره) ابوي مايرضى تسوي
هيج.

-ابوي خلاني وراح مافكر بيه ليش افكر بيه..كلهم خلوني..حتى أمانى
حلفت ماتروح وتخلينى.

شبكنى وضل ينحب..هذه مو أخوي اللى اعرفه..

-انت مو حسن..حسن مايبجي..حسن هوا يمسح دموعي..

-حسن مات كبل ٦ ٤ يوم خلاص ..راح حسن..لاتخلينى شمس انه محد

اللى بالدنيه بس انتى فدوه لاتصيرين مثلهم..كلهم

جذابين(كذابين)..حتى امى..كالت انه ازفك..و..وعلياء كالت انه...انه

اربطلك رباط العرس..بس جذابين راحو..انه بعدنى صغير ما اتحمل

كهم يروحون مره وحده.

رفعت راسه ومسحت دموعه وكتله.

-منك اتقوا لاتبجي وتبجيني.

مسح دموعه وأخذ ايدي.

-وين جرحتج اللى ماتخاف الله.

طلعت ايدي وخر أللزكه وانصدم.

-تلت غرقات انه اوريها.

اخذنى للديوان وانواع الأخراج طلع ايدي لخالى وكال.

-هاي الوديعه ياخالى..أخوان أمى..بس كادرين على شلابس على

الأقل ما أأذى أختى..جبتوها وشممرتوها ابيتكم..هم مره سألتوه

جوعانه حرانه..شفتوها ليش تبجي ومنين..ماراح اكول الكم اللى

بنسوانكم بس اكلول تابعوهن..والله يسامحها

جرني كرار بغضب عجيب وكال.

كرار:الجرح غطيه لا يتجرثم.

جسن:ماتكصر علآ...اقصد...كرار..مشكور.

حيدر:تعالى يبي شمس.

رحتلہ وكعدت يمه.

حيدر: كولي كل السالفه ولا تخافين.

باوعت للولد..كلهم طلعو بقى بس كرار وخوالي وحسن.

كلتلهم السالفه وانصدمو

حيدر:بيتكم خلص بقى بس الأثاث كرار انت والشباب روحو أشترو
الأثاث ورتبو ولا تجون الليل وانتي اليوم تروحين لبیت أحمد أم عباس
ماتكصر اعرفها جانت تعز المرحومه الله يرحمهم اجمعين.

الكل:الله يرحمهم.

حيدر:وباجر تروحين وي البنات للبيت وتشوفين اذا كامل وتعيشين بيه
وكل يوم وحده من بناتي تبقى وياج لو انت تجين هذه بالنهار وأخوج
بالسته المغرب يجي ويبقى وياج...واللي بيدي سويته..والبيت بنصنه
يعني بين بيت خالـج أحمد ومحمد ها شكلتو؟؟؟؟؟؟...

طحت على خالي وضليت أبجي.

-مشكور خالي..والله ما ادري شلون أشكرك..انت ابوي اللي فقدته..

خالي باوع لكرار وكال:بعدين اكلج شلون تشكريني.

تغير شكل كرار وطلع برا بس انه جنت بحاله ماتسمحلي افكر..



.....کرا.....

نظرت ابوي أخترت صميمي..قريتها حرف حرف..اول مره افهم شنو
معنى واحد يقرى النظرات...بس انه أحب رواء ومستحيل اتخيل وحده
ثانيه زوجتي...شمس افتتان..أو شفق..أو حتى يمكن حب أخوي هسه
تروح لبيتهم وأرتاح..طلعت للشباب الى برا.

كرار: شوفو ابوي يڪول..(سولفت الي ابوي وصاني نسويه لبیت حسن
وشمس)..ها شكلتو؟

عباس: على شنو صافنین ما باقی إله الجہال تفکر تنفذ لو لاء.
ضرغام باوع لحسین وعلی وکال: لا والله علی شنو تفکرون غصبا
علیکم تروحون.. صح الساتک عباس صدک جہال.
حسین: علیوی شبیک طفل یمتہ تکبر.

علي: ہسہ صرتو کلکم اکبار براسی.. روحو ابحدکم یا الشیاب۔
عباس وحسین وضرغام: اسم اللہ علینہ من الشیب بعدنہ اصغار۔
کرار وعلی: ہااا؟

الكل:

طلع حسن من الديوان هوا وعمامي وكال عمي أحمد لحسين.
أحمد: حسين روح ودي شمس لبيت عمك محمد خلها تلم اي شي عدها
ووصلها لأمك وكلها ماتحسبكم على العشه.
جاوبت بدون ما ادري.

كرار: لاعمي وصيت ضياء يكل لفظوم تجماع أهومها وانه راح أمر وأخذهن.

فرح ابوي وكال: عفيه والله..... جا أخذها هسه انتہ۔

ارتبکت ماجان هاذہ قصدي بس ابوي وفاهمه وين یرید یوصل۔
-ان شالله۔۔یلا انتم سبقونی۔۔یلا شمس۔

الشباب راحو مشي مايحتاج سياره بس انه أخذت شمس بالسياره وانه واصله عندي كلش مالي خلک أحد انه ارتاح بس الجمعة وابوي ماقدر

بس كلساعه موديني لمكان.. امري لله.

شمس: اسفه.

كرار: ها؟!!

شمس:.....:

كرار: على شنو؟

وكفت ألسياره لأن البيت قريب والتفت الها.

كرار: على شنو تتأسفين.. على أز عاجي بكل الأوقات.. لو على باجر راح

اروح للدوام تعبان لأن بالليل راح نرتبلج الأثاث.. لو على اللي ناوي

عليه ابوي وراح يخسرني حبي... على أي شي بالضبط وضحي.

شمس: اسفه لأنني يتيمه.

خلتني وطلعت من السيارة وكفت تدك الباب ومن حركة اکتوفها عرفتھا

تبجي.. نزلت من السياره وكفت وراها.

كرار: ليش مادكين الجرس ؟

شمس: م.. ما ألوح.

كرار: هههههه صدك (طفله) عجيب.

دكيت الجرس وطلعت فطوم وأخذت شمس حتى ماسلمت علي مومن

عوايدها كعدت بالصاله وكالت شمس وهيه على الدرج: روح ضياء

يوصلني.

تجاهلتها وسكتت بعد ربع ساعه نزلت بنفس هدومها عباية أختي

وملفعها بس لابسہ جنطه سوده جديده.

شمس: ضياء يلا تعال وصلني.

ماتدري جنت متانيها

كرار: على بالج رايعين نزهه؟ وين أهدومج؟

شمس: ما أريدهن راح اشترى غيرهن.

فاطمه: جذابه امي كصصتهن بالمكص.

طلعت عمي خالي من غرفتها وكالت: اصلا كلهن قديمات ويخرعن.

شمس: لا والله صار لي شهر لمن اشتراهن حسن الي والي لابسته مره
والي بعده بالجيس..

مرت خالي: تجذبيني.

شمس: اكل الصدك.

مرت عمي: اي طبعا صايره قويه مو يمج الحبيب.

شمس: لاتحجين حجي أنتي موكد.

مرت عمي: أشو طلعج السان.

شمس: الحجي وياج ضايع.. بس الله يساعد خالي.. يلا كرار.

صدمني حجيها منين جابت هالشجاعه لا بس أثرت بيه يلا كرار.

كرار: خدامج انه.

مرت عمي: ههههه انقلب السحر على الساحر.

شمس: أنت عرضت خدماتك.

خلتني وطلعت من البيت لحكتها لكيها يم بيت عمي أحمد كلتلها.

كرار: شيسرعه طرتي؟

شمس: شتريد خلاص مامحتاجتك.

كرار: خلصت شغلتي بعد ماتريديني.

شمس: شوف زين اكعد ولو لحضه لا خمس دقائق وفكر ياوكت كتلك

ساعدي.. مو دوم تعرض خدماتك.

انفتح الباب ودخلت وسدته بوجهي.. دخلت للسياره افكر.. صدك انه

كلتلها دكي علي بوقت الحاجه وانه... وانه.. ثول انه المذنب وصلني

مسج (اسفه الباب انسد ابجده انه عمري ماسديت الباب بوجه أحد بس

هو انسد وماعرفت افتحه واستحييت اكل لمرت خالي انك برا)

شمس.. على باله اثرت بيه دروحي.



...شمس...

مرت خالي أحمد غير كلش غيررررررررررر استقبلتني بالأحضان
وكعدت تسولف علي وبعدين صلينه المغرب والعشا واجه خالي محمد
وتعشينه أحنه الثلاثه بعدين كعدنه على التلفزيون سوالف وضحك حتى
راح خالي ينام ومرت خالي أخذتني لغرفه كلش حلوه يم غرفتها.
مرت خالي:جنت اتمنه الله يطيني بنيه وسويت هاي الغرفه بس
ماصار..نامي بيها براحتج جنبها غرفتج.

شمس:مشكوره خالتي والله ماتكصيرين.

-هذه شويه بحقج انت بنت الغالية..يلا تصبحين على خير.

تذكرت أمي.

-خالتي؟؟؟

-ها عمري؟

-تكرين تستغنين عن خالي هاي أليله.

-على مودج بس طبعا وبدون تفكير.

-الله لا يحرملك من بعض..الله يخليج الي.

نامت يمي على السرير ومدت أيدها الي شبكتها وضليت ابجي بس هاي

المره غير ابجي من الفرح لأنني اخيرا لكيت صدر حنون ابجي عليه

واشكيله أهمومي بعدتني عنها وكعدت وكالت.

-انتي مو من عوايدج تسمين نسوان خوالج خاله.

-أنتي غير.

-خوش حجي زين انه ما نعسانه.

-اسفه اذا..

-اسسسس مو هذا قصدي.. انه اذا فرحت تطير النومه من عيوني
وهسه فرحت لأن أحسج اول مره تفرحين من...شرايج لو تسولفين كل
الي نفسج بيه..هاي الفترة شصار ماصار..تخليني أمج..لو.
-أمي والنعم.

ماعولي واحد يعرض علي يسمع شكوتي سولفت كلشي وكلاشي.
-شوفي اهدوم باجر نسوك- انه وياج خوش؟
-انشالله.

-قصة أهلج بس الشباب يدرون عنها ومحد يسولف لأن حسن مانعهم
...دراستج اي شي معدلج يطلع عدنه شركة تتوظفين وي خوالج
وبعدين مصيرج الزواج وتكعدين..و كرار ابوه مستحيل يقبل وتوصلج
الأخبار بعدين وعلى الله انتي أهم شي أخوج ديرى بالج عليه ترا مالكم
غير بعض.
شبكتها وكلت.

-مشكوره خالتي حلتي كل شي.

دخل خالي أحمد وكال:أي مخلياتني وكاعدات سوالف.

شمس:اسفه خالي بس اليوم أستلف خالتي منك.

أحمد:اول روجو صلو أذن الفجر وبعدين نامو وراكم شغل.

صلينه الفجر ودفعت خالتي حتى تروح تنام بغرفتها وانه بس حظيت

راسي نمت كعدت لكيت الساعه بـ ٩ غسلت ورجعت على هدومي

ورحت لكيت مرت خالي بالمطبخ...التفتت علي وكالت

-صباح الخير.

-صباح النور خالتي ليش ماكعدتيني راح الوقت.

-شفتج شابكه المخده ونايمة وانتي مبتسمه ماكدرت أخرج عليج

اللقطه.

-يالقطه ياخالتي بس انه جان عندي دبوب جبير متعوده أشبكه

وانام..يلا خليني نمر على هديل وفاديه.

-أولا تريكي وبعدين حسين اجه طلب اجازه ورجع نام يكلون كرار
طلع من الصبح هو وحسن وكبل ساعه طلع علي وعباس وبعدين
ضرغام وحسين وهسه روي هاي هدوم خالج جابهه الج الصبح
لبسيها حتى نروح للسوك(السوق) وبعدين بيتكم والبنات واحد من
أخوانهن يجيبهن.

-الله يخليكم الي.

سبحت ولبست جانت بدله كصيره للركب وجواها جينز وطبعا أسود
بجيت بالحمام لأن أي شي يسوونه ألي لازم أشكرهم لو أهلي ماجنت
محتاجه شي...آه لو يرجع الزمن ٧٤ يوم جان..استغفر الله..انا لله وانا
اليه راجعون.

رحنه للسوق وبسرعه أشترت الي شفته كدامي ب ١١ وصلنه للبيت
وفتحت مرت خالي الباب.
اول ما دخلت كان البيت.

حديقة حلوه بس الزرع كله شتلات بعدهن ماكبرانات وبنص طريق
عرضه متر يوصل لبابين الأول عريض وجان للديوان وجانت الديوان
تخلل والباب الثاني جان البيت صاله جبيره (كبيرة) بالنص كرويتات
وتلفزيون ورا الكرويتات وبعدين هول و اربع غرف وحده لمطبخ جبير
يجنن كله ابيض هوا والأثاث بس بيه خط بالأحمر رفيع كلش الغرفه
الثانيه مشتمل والغرفه الثالثه للضيوف والرابعه مكتبه بس مافيه كتب
بس أثاث.

فوق ممر وبيه هم اربع غرف وحده الي مبينه من الأثاث والثانيه
فارغه والثالثه مشتمل اما الرابعه فاكيد لخوي لأن بالباب لكيت جنط
بيها هدومه خلتي خالتي دخلت للمطبخ لأنه تسوكت المواد الأساسيه
للمطبخ وانه حطيت الي أشتريته بغرفتي ونزعت عباتي والشال ورحت
لغرفة اخوي اول شي أرتبها.

دخلت وشففت واحد نايم على سرير اخوي ردت أصرخ بس كلت هذه
حسن ماكو غيره اكيد تعبان طلب اجازه ورجع ينام.
تقربت من السرير جان نايم ومتغطي كله هزيتة.
-حسن..حسن..حسنون أكعد(أستيقض..)



....كرار....

نمت ورا أذان الفجر يم حسن ومحد كعدني على بالهم طلعت من الصبح
وي حسن..اجاني صوت يخبل بس ماجان يصيح بأسمي يصيح بأسم
ثاني رفعت راسي ومسحت عيوني وشففت الي جنت اتحلم بيها مسويه
شعرها كبايه وخصل طاичه على عيونها وعلى خدودها وبالأسود
صايره تخبل شهقت وطفرت طلعت برا الغرفه.

-شبيج شردتي شايفه جني؟.

طلعت برا الغرفه ودخلت للحمام(الله يكرمكم) سبحت وبدلت اهدومي
ومشطت شعري وخذيت تلفوني ومفاتيح السياره نزلت جوا سمعت
حركه بالمطبخ دخلت.

-السلام عليكم.

مرت عمي:وعليكم السلام..مشكورين تعبناكم.

-لا مرت عمي لاتعب ولا شي بس دوامي راح علي..بس فدوه للدوام
أذا واحد سوالي جاي.

كعدت على الكرسي وحطيت تلفوني والمفاتيح على الطاولة..باواعت
عمتي على شمس اللي لبست عبايه اسلاميه وملفع وكالت.

-شمس سوي لأبن خالـج جاي وانه رايحه اشوف شناقص.

طلعت مرت عمي وشمس ارتبكت وبقت واكفه.

-شدعوه حتى صباح الخير ماكو.

شمس....:

-مالازم الجاي انه طالع.

لأن اذا بقيت أتخبل هاي بنضره تتسيني اسمي لازم اسرع

واتزوج..وصلت للباب وسمعتها صاحت.

-كرار.

-عيونه..أ..أ..ها؟؟؟؟.

بس تكول اسمي اتخردل وما ادري شرد وتشوقت اسمع شتكول.

-بلكي تجيب هديل وفاديه.

-انشالله.

شجنت متصورها تكلك..وهي حتى جاي ماحركت روحها وسوت نفسها

راح تسويلك.

-كرار انه ما اندل وين خالتي ضامه الجاي.

-غير مره.

هاي تقرا افكاري..الله يستر بس.

♥ ♥♥ ♥♥ ♥

♥ ♥

...حسن...

-أي حبي والله مشغول...اي شلت لبيتنه الجديد...اوكي

كلبي..تدالين..(دخل عليه يوسف)..أي حب بس أكلمج بعدين.

يوسف: على بالي انعدلت.

نفضت جكارتتي ورديت عليه.

-الحمد لله انه موحديده حتى معوج.

يوسف: ابقى استهزء لمن يطردونك من الشغل واختك تعوفك وتبقى

محد الك تصير متشرد.

-اسم الله علي انتة بس لاتدعي.

-آآه بس لو...

-ادري شراح تكول..بس لو علاء اهنا..أكلب وجهك واطلع برا.

-راح اطلع بس عندي جم كلمة خلها حلقة بأذنك..مو على مودك راح

اكولها لأنك ماتستاهل اضيع ثانيه من وقتي عليك..بس على مود

الخمس سنوات الكضيتهن وي انسان لو أعيش كل حياتي ما الكه

مثله..شوف..

-يوميه نفس الدراما..أحجي بسرعه وروح ترا موفار غلك.

طفيت جكارتتي وانه أحتقر نفسي بكل كلمه يكولها يوسف يزداد

أحتقاري لذاتي وكل حرف ينطقه سهم يخترق صدري..بس انه دخلت

بدرب البغي وما اقدر اطلع بسهولة.

-يوسف مضيع شي بوجهي.

-لا بس اكول ياخسارة ..ابوك ٢٣ سنة يربي..وتالي طلعت مو بشر..ما

اطول عليك..أنته عايش بعالم الميتين وكاعد تتجاهل العايشين..انتبه

للناس اللي انتة هسه وياهم كبل ما تلكه روحك وحيد..وانه اول انسان

اعلن خروجي من حياتك..من الأحياء..وراح تسمع مثل هاي الكلمه

أهواي ومن ناس مختلفين..عن أذنك.

-سد الباب وراك.

راح وحسيت شي من جسمي طلع مني يوسف علاء وعلاء يوسف

ماكو فرق بينهم..بس يلا فقدت علاء وهسه يوسف شنو الفرق وجهين

لعمله واحده...هاهاها..



انه ابوع لهدیل بلوم وهدیل تباوع علی بعتاب وخالتی تباوع علی بیتسامه .

هدیل: حتی لفادیه کایله (قایله)؟

شمس: يعني تسوين نفسج مو انتي الكايلة؟

فاديه: شكايلتلي؟

مرت خالي: شقصدتي بزوجة أخوج؟

فادیہ: ہا... انہ.. انہ کلت۔

خالتي وهديل: أي.

فاديه: دوم اکولها لرواء وزل لسانی.. شېیکم؟؟..

هديل وخالتي باوعلي بحزن بس انه ضحكت وغيرت الموضوع.. هذه

حضی أحب الی مو الی.

شمس: واللہ جو عانہ.. فدوہ سو ولی شی اکلہ.

رن تلفون مرت خالي(كلبي يشتاك لحبيبه..حكه لو مو حكه كلبي)..

كلنه باوعنالها وكلنه : هــــــــــــاااااااااااااااااااا

مرت خالي: زوجي وكيفي.. ألو.. اسفه التهينه بالتنضيف وحتى احنه

متنه جوع.. انت بالباب..خوش..

الكل: هاآآ شيريد؟

مرت خالي: زعلان ماسويت الهم غده وجاي يعارك خلوني افتح الباب.

شمس: لا خلیج کا عہدہ انہ ارواح۔

كل أحنه لأفين شعورنه بملافع وأهدومنه جانت سود صارن بيض من

التنظيف

طلعت وعبرت الحديقَه وفتحت الباب.

خالى: هله والله بأم البيت شמוש.

ستغریب شو فرحان۔

شمس: هله و غلا ومليون مرحباً.. شو مو ز علان؟

خالی: اکو واحد یزعل علی روحه.

دخلنه للصاله وكال خالى.

خالی:جبتکم لفات والی تسبیح اول ہی الی تختار۔

انه وخالتي نندل اكثر منهن انه رحت للحمام اللي فوق(الله يكرمكم)
وخالتي للحمام اللي يم الهول(الله يكرمكم) ولمن خلصنه دخلن فاديه
لمن طلعت وهديل لمن طلعت مرت خالي وكلهم لبسو من أهدومي الجدد
بس ضحكته على مرت خالي لبست برنسيسه علي ضيكة جا شلون
تطلع عليها.. انه أخذت لفة لا على التعيين وجانت كباب طلعت الكباب
وخليب بس زلاطه و مرت خالي سمبوسه وهديل همبركر وفاديه كباب.

فاديه:ليش طلعتي الكباب؟

شمس:ما أحبه أحب بس لفة الزلاطه.

فاديه:مثل كرار يطلع أي شي باللفه يطينيا و يخلي بس الخس والطماط
وال...الخ بس بدون دهون.

ماراح أكل وقفه

لأن دوم فاديه تحجي بعفويه وتحطم بدون ماتدري.



....حسن..

رجعت من الشغل ورحت لبيت فواز مثل كل يوم وسوالف وشرب
وجذب ومسخره..صارت الساعه بـ ١٢ بالليل دكيت على ألهم وانه
أحجي اجاني اتصال من أهلي.

حسن:ألهمه عمري سوري بيبي عندي مكالمه ثانيه ارد عليها وانوب
اردلج...

-خاف من وحده.

-وانتي شكو؟؟؟.

-ترا بعد مارد عليك.

-طبج مرض اكو الف وحده تتمنه أحاجيها.

-اسفه حبي اسفه.

-اكلي تبين ما اريدج ضوجتيني.

وسديت الخط بوجهها وضليت اباوع للشاشه..أهلي ماتو جا شلون
داكين..ادري سكران بس السكران مايدكون عليه الموته..خليني أرد
وأشوف شيردون.

-الو؟

شمس:حسن وينك؟

-ابيت فواز؟؟ميت ويسأل

شمس:يمته ترجع.

-لمن أموت اجي يمكم.

شمس:حسن سكران انه شمس أختك.

-ها فهمت تريدن تغازل...سدت بوجهي بت الـ..أكول خليني أنام
تعبت.



...هديل...

بالي ضل وي شمس مرت عمي احمد راحت المغرب وانه وفاديه
رجعنه علي بـ ٩ بالليل وبقت شمس ابجدها خطيه مامتعوده خل أتصل
واشوفها.

-الو شموسه.

-أهئ أهئ هله هديل.

-ليش تبجين خرعتيني؟؟؟.

-حسن لهسه ما اجه (لم يأتني) واخابره يكلي (يقولي) انتي منو تریدين
تغازلين.. عمره ما دخن وهسه يسكر.. أهئ شسوي؟
-أكول لكرار.

- لا الله يرحمك اجه الصبح مابقى شي باجر نتكلم.
سدت الخط بس باجر ماراح اسكت ابد.. اااااااااااااه يا حسن ليش خذت
كلبي ورحت.. الله يسامحك.



...حسن...

كعدت مثل كل يوم راسي صاكني من الوجد شربت جاي وطلعت للشغل
وتذكرت أختي نسيتها نايمه ابجدها.
دخلت للشركه ولكيت ضرغام بوجهي.
حسن: ضرغام يا هلا والله.

مدیت ایدي وطنی۔
حسن: تمون واللہ شہیک معصب؟
ضرغام: وین جنت باللیل؟
-بابا جنت مشغول۔

-تستهزئ حضرت السكير ..أسمع زين ابوي لمن فتحك بيت انته
وأختك حتى اختك ترتاح مومخليها ابجدها وهي بعدها زغيره .
-هله بالجبير مارحت الها تحرسها ..وبعدين ابوك فتح البيت الأرض
ارض امي والبناء انه اطيته مليون مقدم وكل شهر اطيه ٥٠٠ الف
دينار ..

-ھذا مو انت..وين غيرتك تريدنى ابقى وى أختك.

-ابن خالها عادي-

-بت عمتي احطها بعيوني بس هيه ماترتاح اله وي اخوها..
-بليز حبيك(كلامك) طول وانه راسي يعورني كو ناو بليز بيبي..
-والله موصوذك صوج اللي يقيمك ويجي يتفاهم وياك يا الخنزير..
-بدون غلط-

كرب مني وضغط بأصبعه على قلبي وكال..
-هذي هيه نقطة ضعفك وانه اعرف شسوي للأطفال مثلك.. خسرتني يا
ابن عمتي الوحيد-

طلع وصك الباب قوي وتذكرت حجي يوسف(..انتبه للناس اللي انتة
هسه وياهم قبل ما تلكه روحك وحيد..وانه اول انسان اعلن خروجي
من حياتك..من الأحياء..وراح تسمع مثل هاي الكلمة أهواي ومن ناس
مختلفين) ظل مكان اصبع ضرغام يعورني جنبه اخترق صدري وندب
قلبي.. اي هذ ثاني واحد..خيولووووووون كلهم ما اهتم-



....كرار....

جان يومي هادي ماكو خبر عن شمس وهذ احسن حتى انساها بس
حسيت صاير شي لأن مريت من يم ضرغام وهديل الصبح وسمعت اسم
شمس ولمه شافوني سكتو بعد احسن..رحت للمستشفه وصورتها
ماعافتني-

اول مارجعت للبيت شفت ابوي كعدت يمه وكلت-

-بابا فكرت برواء؟

-شوف لازم اكلك كبرت انتة..كبل لا اتزوج امك تعاركت وي أخوها ابو

رواء وبعد فتره خطبت أخته من ابوه وماسألته وهوا صديقي حقد علي
لأني ما اعتذرت وطلبت أخته منه وراد يرفضني بس ابو وافق لأني
غني...ورا جم سنه محمد طلب أيد أخته وسوا نفس سالفتي وقسم
وكال(ان ماخليتكم تجوني زحف على مود بناتي) انت أحكم تريد ابوك
ينذل...؟؟؟؟

-يخسه اللي يذك.

-جا انسه موضوع رواء.

-أحاول.

رجعت لغرفتي وكلت لرواء كلشي وسديت التلفون دكت دكت وملت
وانه صليت المغرب والعشه ونمت.



.....شمس.....

امس ما اجه حسن وهذه اللي مضوجني ومامت منا لمن صليت صلاة
الليل والشفع والوتر وبعدها أذن المؤذن وصليت الفجر وكعدت ابجي
وادعي ونمت على مصلتي..... والصبح اجت هديل وكالت.
-كلت لضرغام وهسه راحله.

-باوعي هدوله انه ما أخاف من الليل خوش واريدج صندوق-

(صندوق) اسراري ماريدج ايشي اكوله الج تכולين لحد.

-بس ما احب اجذب(اكذب.)

-انه راح اسولفلج كلشي بس الحجي يبقى بيننه خوش..

-ولو اجه ضرغام شڪله؟

-کوليلي شسوا وبعد اي واحد يسألج کوليله انج ماتدرين بس اني

سعیدہ.....اویکی۔

-براحتج.

راحت مني العصر وامهن حرمتهن يعتبن باب بيتي....بس اليوم الثاني

اندک الباب وجان خالی حیدر... یار بی شسوی ما اعرف اجذب.

-هله والله بخالي شلونك-

باسنی براسی وکال

-روحي لبسي حجاب لأن كرار جاي يفتح الخيوط الي بيدج.

-انشالله خالي ادخل البيت بيتك.

رحمت رکض ایفوک لبست عبایه سلامیه وملفع لان جنت لایسه دشداشه

مختصره شويه

نزلت ومالكيتهم بالصالة رحى للمطبخ حميت الجاي لأنى تونى مخدرته

مالحكت اشربه صببیت تلت استکاین واحد الی بس مجامله دخلت

للدیوان وجان خالی محمد ہم جای اشوا حتی ما اشرب جای۔

-هله والله بخوالي جان كرار اقرب واحد الي كال بصوت واطي.

-وانه..مامرحب بيه اطلع؟..

-اذا ماتريد تجي شجابه؟-

- غصين على ابوي جرنى.

-بعد لآتمشى بكيف ابوك-

-يعنى.....ارفض اتزوجك.

وقـــــــــــــــــفه..... يدين مرتجفتين..... تنفس يكاد يتوقف... لحضه

طالة... عيون مبتسمه... قلوب ضاحكه... وجنات متوهجه..

حیدر: شہیکم تتھامسون؟

أخذ كرار الصينيه مني وقدم الجاي وكال.
كرار: ولا شي يا ابو كرار بس سولفتلها شلون افتح لخيوط وخافت.
حيدر: لا تخافين وانه خالج(والله ياكراار ابني واعرفك اكيد فاتحتها
بالموضوع حتى ترفضك ما اطلع ابوك)
رحت لخالي محمد وبسته وكعدت يمه: شلونك خالي وشلون أم ضياء؟؟؟.
محمد: انه بخير وأم ضياء ابيت اهلها.
شمس: خير خوب مو مريضه؟
محمد: كلشي مابيهها بس طردتها على اللي سوته بيج.
- لا يا خالي اذا جان لي قيمه عندك رجعها اطفالها شذنبهم(مسحت
دموعي وكملت بمرح مصطنع) مو حلو طفل يعيش بدون ام
.....وبعدين هيه ماتعمدت تطكني وتكص ايدي.
محمد: اكو واحد عاقل يشمر سجينه جبيره على انسان ومو اي
سجينه.....وبعدين هي مو أم واحد يستحسف لو خسرها اصلاً اطفالي
مرتاحين.
-شياكلون منو يغسل اهدومهم؟
محمد: يا كلبي منو كالج انهم عندي بالبيت.....خذتهم امهم وياها....بس
فطومهم تريد ترجع وين أخليها ما ادري.
حيدر: خلها ابيتي لو بيت احمد.
شمس: لا خلوها عدي فدوه خالي لاتكول لا عفيه؟؟؟.
محمد: تدللين.

حيدر: والله يا شموسه ما راح الكه احسن منج.
باوع لكرار وكرار باو علي وعيونه بيهن شرار من الغضب....فهمت
معنى النظرات بس تجاهلته وظليت اسولف وكرار ساكت ولمن شلت
الصينيه استأذنت اوديها كال كرار: انه رايح اجيب جنطتي من السياره
وافتح لخيوط بالصاله اترخص.
وطلع وراي دخلت للمطبخ غسلت لستكاين وردت اطلع بس هوا دخل

للمطبخ وكال.

-تعاي أهنأ حتأ أكو طأوله وكراسي.

جنت متردده مستحيه بس هوا حاجاني خله بدل الخجل يحل الغضب
والكره.

كرار: هي انه ما العب وياج تعاي وراي اشغال الدنيا وانتي عليمن
مستحيه...جوز ماوضحتلج شعوري كبل بس هاي فرصه...انتي مجرد
كابوس بحياتي خوش ومعاملتي الج مو حب أنتي وين والحب وين بس
شفقه لأنج كاسره خاطري يتيمه..

وقــــــــــــــــفه.....قلب ينزف دم...عيون آبت ذرف دمه...صدمه
قويه محت حتأ احلامها.

هديت روعي ورفعت راسي وباوعتله لأنه طويل...أول مره بحياتي
اتجرء وأحط عيني بعينه.

شمس:انته اتعس شي صارلي بالدنيه(طاحت دموعي غصبن علي
مسحتهن بيدي وجفن بسرعه) وهاي الدموع مو عليك بس على
تفكيرك المريض...أنته جراح ؟ روح سوي لمخك جراحه...تعرف شكك
فرق بيني وبينك.... ٩ سنوات...خليت الشباب كله وأحب
شايب؟؟؟؟؟؟.....!!!!!!!!!!!!

راشدي اجاني على خدي سكتني

شمس:ضعيف تتقوى بس عليه.....واليتم اللي انه بيه مو عيب...فخر
الل(احجي ولا حسيت بالراشدي ودموعي جرت) بس هسه حسيت ان
أليتم ذليل لأنه يصير ترفيه لليغضب....مشكور دكتور كرار والله يوفق
اللي سلمك الشهاده..



.....كرار.....

طقيتها راشدي لأن ماتصورتها بيوم من الأيام راح تحب...انه اناني ما
أحبها وماريدها تحب...حسيت بالغيره لأن ابوي كال اني لازم اتزوجها
بس خلي تمر سنه على وفاة أهلها...جنت حمكان وماسيطرت على
نفسي وكلت اللي كلته.

-مشكور دكتور كرار والله يوفق اللي سلمك الشهاده..

درت اريد اطلع بس صاحتلي.

شمس:دكتور كمل معروفك وأفتحلي لخيوط...تعرف يتيمه محد يوديني
للمستشفه
ومدت ايدهه.

كعدت وكعدت كدامي وأخذت ايدها وبنجتها وبديت أشتغل بدت تشهك

بالبجي وبعدي غرزه التفتت الها وكلت.

-حاطلج بنج ما أضن تعورج هالكثر؟

-اسفه دكتور ...كمل ما عليك بيه.

-يعني تحسين بألم؟

-أي.

-من الخيطين لو بس الثاني؟؟؟.

-ابجي من الألم اللي بخدي.

جانت مغطيه وجهها بالملفع وتبجي.

خلصت وعقمت ايدها وسمعت صوت وراي.

حيدر:يلا ما خلصت.

-ها آها خلصت وانشالله اخر جرح.

محمود حيدر: انشالله.

حيدر: ليش تبجين.

شمس: خالي ماجايب بنج.

محمد: الله يسامحك.

حيدر: اكو دكتور ينسه (على بالكم غبي... انه اوريك يكرار ..يجي اليوم

اللي اشوف سهر الحب بعينك)

كرار: صار ونسيتته حضي هيچ شسوي يعني؟؟؟.

طلغنه برا وطلعو عمامي كبلي والتفتت عليها بالحضه اللي عدلت بيه
ملفعها.. أكتشفت نفسي شكك خسيس شفت طبعت اصابعي وخط دم على
خدها من طكتي تمنيت أكص ايدي ولا اسويها.



(بعد مرور اسبوعان)

شمس عاشتهما بتعاسه تامه فلا احد يسأل عنها لأن الجميع مشغول
لأبعد حد وحسن يأتي فقط العصر يعطيها الأشياء التي ابتاعها من
السوق للأكل ويستحم ويغير ثيابه ثم يخرج ولم يتبادل اي حديث لأن
تصرفاته تلجمها عن الكلام... اما كرار فقد كثف العمل حتى ينساها وقد
جاءت له رحله لألمانيا لأن وفود جاءو واعجبو به والرحله ستدوم ٣
أشهر تبدء في الشهر ٩ وهم الآن في الشهر ٨ ولا ننسى ان نقول ان
علي كانت نتيجته جیده بمعدل ٩١ اما شمس فكانت سيئه جدا حزننت
لوحدھا لأن لا احد يأتي لها عباس فاتح والده بموضوع زواجه بفاديه
وكان الرفض حليفه بقوله (انتہ ماتستحي اختي قبرھا ماجف وحضرتك

[illegible]

شمس

زهكت كافي تجرعت كاس المر بفترة كصيره (قصيرة) ..شسوي الله
يصبرني وحسن لازم اشوفلي صرفة وياه ما اقدر اعيش للأبد ابحدى
بعدنى زغيره صار ماصار بالليل وانه ابحدى شلون...دكيت عليه.
-الو هله بهلي كلهم(هسه هذه وكته اريد اخلص شغل بسرعه واطلع
اليوم فواز جايب بيره غير.)
-حسن بدون مقدمات..أنته ماتشعر بالذنب..تخلينى الليل كله ابحدى
مدري يجينى حرامى مدري اموت.

-حرامي؟؟؟ المنطقة امنه والموت اللي كبلج ماتو بدون مايحجون
انتي عادي موتي مثلهم..اما المشاعر..فأنه باااااااااااا ح مشاعري تبخرن
..لو اكلوج احتركن وي أهلي.

مسحت دموعی وکټله.

-اليوم بالليل اذا ما اجيت راح اموت روعي المن عايشه.
سدبت الخط بوجها وانذك الباب فتحتة وطرت من الفرحة مرت خالي
أحمد وفاديه وفتوميه دخلن وبقي عباس بالشارع كالـ.

-شلونج شمس خوب مامحتاجه شی؟

-مشکور عباس ماتکسر..انہ بخیر وحسن مامخلینی محتاجہ۔

-الحمد لله بس تحتاجين اي شي مايردج إله لسانج.

-الله يخليك لهلك-

-ولبعض الناس.

- هههههه والبعض الناس بس لا تزعل.

-ههههه يلا رايح تضل عندج العافيه.

- اللہ بعافیک۔

دخلت الصاله وشفقت فاديه كاضه تلفوني وضايجه.

-هله والله منورين-

مرت خالی: نفس حبی عباس من المنتدی.

فاديه ماتت من القهر وفهمتها بس أجلت السالفه وردت اقهرها شويه.

-اي خالتي عباس مثلى جان نص حجيى من المنتديات بس صارلى

فتره مداخلت علی انت ونسیت (غمزت مرت خالی).

مرت خالی: شرایج اکول عباس یربطلج شبکه.

-لا خالتي انه اريد فلاش أحسن من الشبكة..

-انشالہ راح اکلہ-

فاديه والغضب موتها: اكل شمس عن الحجى الزايد تلفونج صارله

ساعه يدكـ.

-منو؟

أخذته منها وباوعتلي بحقد وكالت: عمريـ.

أخذته وسويته صامت وكعدت اسولف وي فطوممه وشويه ورن جوالي

مسجـ.

فتحت الرسالة(موتي طبج مرض... ما تأسفت على ألي ماتو كبلج

أتأسف عليج.. بالطكاك).

طاحت دموعي بغزاره وفاديه مارحمتني أخذته وقرت الرسالة وشبكنتني

وظلت تبجي ونفس الشي سوت خالتيـ.

سولفنه بعدين ونسينه السالفه وبعدهه راحن وخلي وي فطوممه سويت

الغده وصلينه وتغدينهـ.

انزل الليل ستاره على ابطال روايتي والأخص كرار الذي نام وهو

حزين لشوقه لرؤية شمس لكن عزا هذا إلى انه أعتاد على

رؤيتها... شمس لم يغمض لها جفن لأن حسن لم يأتي على الأقل كان

يأتي بعد الظهر يستحم ويرحل.. حسن ذهب لفواز شرب حتى الثمالة

ونام وأخبر فواز ان ييقضه في ١٢ حتى يذهب للبيت...

اما الآخرين فكانو تقريبا هائنين البال.. عدا عباسـ.



...شمس...

صارت بالوحده وتوا اجاني النوم وفطوممه عودك سهرت وياي نامت

بالعشره حطيت راسي على المخده وغمضت اعيوني وتوني نايمه
سمعت اصوات بالشارع وهنوب دخل الصوت للحديقه مالتى باوكت من
الشباچ شفت اربع شباب داخلين للبيت أخذت تلفوني ولبست ملفعي
وعبايتي وسديت الغرفه وقفلتها على فطوم هاي امانه ونزلت جوا
وسمعتهم يغنون ويدكون بابي مال الصاله يعني دخلو من باب الشارع

..

وقــــــــــــــــفه...وجها شاحب...تنفس عميق...خوفا غلف القلب
والمكان..

طحنت على الكرويته وخلص انتهت حياتي...كضيت التلفون ودكيت
على الإنسان اللي صارلي اسبوعين متجاهله أخباره ..الإنسان الوحيد
الي حبيته بعمق وجرحني.
-ألو؟؟؟-

رد بس خطيه شكله نايم طاحت دموعي وانه اقارن صوت الأمان اللي
يمه والصوت اللي يمي.
-الو ترد لولا ..راح اسد.
رديت بصوت كله بجي.
-كرار الحكني.

سد ألتفون بوجهي كعدت ابجي حتى الشباب اللي برا سمعوني وزادو
الطك.

-اعيونى... فتحي الباب... ترا أحنه مدا ناكل اوادم....اوختي فتحي
الباب.

شكلهم سكرانين.

-بس نريد موي.

ياربي بس ماي.. خاف بس ماي وتزعلون ...هسة وكت ماي بنص

الليل..

شويه أختفت الأصوات وسمعت صراخهم وبعدين عم الهدوء مسحت
دموعي وكربت من الباب وسمعت واحد يكح وصوت اعرفه يكله.
-وسم ومرض يمشي بشريانك يا نذل ياواطي يا عديم التربية.
دك الباب وصاح.

-شمس فتحي انه كرار.

فتحت الباب وابتعدت دخل كرار وشايل حسن على كتفه باوعتله جان
لابس تيشيرت ابيض بالمكلوب وبنطرون جينز.
كرار: هذه أخوج (يابنت الناس)...شسويتي بيه كطعتيني من حلمي بيح
وجبتيني الج...انه سامع الحزن يخلي الواحد يصير مو حلو بس انتي
بالمكلوب "بالمقلوب" يعني صايرة احلى (سكير.
دخل حسن للحمام وفتح الدوش وحسن يصرخ.

-هي منو انتة حتى تسبحني؟؟؟.

-اكل تبين واكعد والله راح اربيك.

جره برا الحمام واطا بوكسي على وجهها وطاح حسن بالكاع كعدت يمه
ابجي.

-حسن شسويت بروحك؟؟...تشرب بيره؟؟!!!!!!!..جنت ريحه

الجكاير ماتطيقها وهسه بيره!!!!!!....

تقدم كرار وراح للحمام وجاب موس حلاقه وكض وجه حسن وحسن
يصيح حظ له كريم حلاقه وكال.

-انه جراح مو اي واحد وكلب ماعدي وأذا حركت راسك راح تتشوه.
وفعلا سكت حسن وزين لحيته كلها وصفكه راشدي وخلاه بالكاع

وكالي.

-صعدي فوك- روجي نامي.

-بس.....

-كعدتيني من أحله نومه وهسه جايه تتبسبسين.

-مكروه وحقود ماتغيرت.

-ولا راح اتغير.

رحت فوك ركض وشوي وأذن طلعت اتوضا وسمعت اصواتهم بالهول.

كرار:كتلك توضى.

حسن:يا أخي ماصلي بكيفي شتريد انتة؟؟؟.

كرار:ترا انتة من زمان كبرت يلا كافي تسوي حركات جهال.

حسن:انه جاهل عوفني.

كرار:تتوضى لو.

حسن:عمي ها أها توضينه.

كرار ..كرار اسمك اسطوره..وتصرفاتك عجيبه ..يلا صار حلم صعب المنال.

صليت ونمت بعد جم ساعه كعدت سبحت ولبست دشداشه ولفيت راسي
بالملفع ونزلت شفت الهول فراشه منعثل(مخربط) والكرويتات مالات
الصاله متحركات من مكانهن دخلت المطبخ شفته ..طوله جينزه الأسود
وقميصه الأسود الضيك وحركته لمة يحط الجاي على النار وشعره اكيد
كصاه اله كرار لأن امس جان اطول وصاير عنده عضلات امبين من
اكتوفه الشامخه..ماسيطرت طاحن دموعي وكربت (قربت) منه وشبكته
وبجيت.

-حسن مشتاقتك اهواي لاتخليني وتروح بعد فدوه..



....كرار....

غصبت حسن يصلي او وين بالجامع بعد ما كعدته جوا الدوش وشربته
جاي ووعه لنفسه بعد ثلاث بوكسيات.. حاجيت الشيخ على كلشي يخص
حسن وكعد الشيخ عبدالله ينصح حسن ويسولفله سواف قديمه منا لمن
حسن ضل يبجي.. بعدها رحنه للبيت سولفنه عن اللي صار بالأيام
الأخيره وقرر يجينه الجمعه بلمت عمامي حتى هم يفرح عمامي وهم
يصالح ضرغام.. اجه الصبح ومالحكت ارجع للبيت والكه امي
واستفساراتها سبحت كبل حسن ولبست من اهدومه ورحت اسوي جاي
على مايخلص حتى نروح سوا.. وانه حاط الجاي متانيه يخدر ماحس
إله واحد شبكني من ضهري ودموع حاره اخترقت القميص ولسعت
ضهري... مدري ليش فرحت بس بعدين عصبت شلون توصل بيها
الجرعة واخوها أهنا ردت التفت بس سمعتها كالت..:
-حسن مشتاقتك اهواي لاتخليني وتروح بعد فدوه والله مالي احد
بالدنيه..

هنا اطمئنت وانتابني شعور يكلي لاتتحرك خلها تطيك ولو شويه من
أحزانها بس صوت قطع عليه الجو..

-شمس شسوين؟

جمدت ادينها على خصري وبعدين وخرت وراحت ركض باوحت لحسن
وكالته

-ليش...

ومن الفشله طلعت استغربت لمن ضحك حسن وبعدين صحتك وياه..
حسن: خطيه شبهت بينه لأنك لابس اهدومي.. بعد شهر ماتطلع من
البيت من المستحه.

-لا مو لهدرجه.. وبعدين ماسمعت شكالت.

كتله حتى أغير الموضوع وكال.

-وعد بعد ما اعوفها كافي اللي شافته وفواز بعد ماروحله وعد ياكرا.

رحت لمکتبی آہ یا یوسف حنون وفوک ما یشبه علاء بعد یحط مثل
ریحتہ۔

جاء يوم الجمعة واجتمعت العائلة جميعها الرجال في الديوان والشباب في غرفة كرار والبنت في الصلاة وأم كرار وعباس في المطبخ.

عند الرجال:-

محمد: انه من البدايه كنت لاتعاملون وياه.

أحمد: يا أخي احنه شمدرينه كالو من ألمانيه واثقين بيهم.

محمد: لوما الله ثم عباس جان رحنه بيها.

احمد: ابوکرار شوما تداخل بال موضوع؟

حیدر: مشغول بالی یصیر... انت تگول عباس یرید فادیه وانه ارید

اطيها لأبن هديل لأن عباس لهديل حتى الجبيره للجبير والصغيره

للصغير.. هياخوي شتکول؟

أحمد: لا غبار على حبيك وإنه هم كاتله ما يصير تتزوج الأخت الصغيرة

وَأَكْبَرُ مِنْهَا مَامْتَزَوْجُهُ.

محمد: ہسہ عوفو السوالف لبعد سنہ.

الكل: الله يرحمهم.

عند الشباب

ضرغام وحسين يتكلمون حول العمل في غرفة النوم التابعة لكرار.

ضياء جالس مع كرار في الصالة يشاهدان كرة القدم.

كرار: ههههههه موكتك فريقي يفوز.

ضياء: شمديك..؟؟!!!!!!!!!!!!!!

کرار: یا اخی حدسی ماتصدک..(جنت حاط قرص بس ما انتبه عليه)

ضياء: ما معقوله حدسك يكلك حتى منو يسدد الكول.

دخلت هدىل.

ام كرار: شـعـدج بالمطبخ ومـخـليـه المسـعـده اـبـجـدها.

هديل:شمس أٲسوي الأنسيابيه هيه و علاوي وفاديه صعدت فوك على
النت.



في الصالة

شمس

جنت كاعده انه وعلي بالكاع ونلرك (نلصق) الجامعات وبعدين
المعاهد..ونسولف ونضحك.

-حطی طب اول شی-

-شرايك لو أخط هندسه.

-ههههههههه ههوا انتی شکل مهندسه.

-شوف شكل الطيب.

- على الأقل شوفى معدلى.

سویت روحی زعلت۔

-یعنی تستہزء بمعدلی۔

-لا والله أتشاقه مو قصدي اصلا المثلج راسب بس انتي ذكيه مادرستي

ونجھتی۔

[illegible]

-امداج روحي جيبي ماي عطشت من ورا الجذب.

-انه الخطار روح انته جیبلای مای.

ادنه مني وكال.



.....كرار.....

طلعت اشوف علي وشفته كاعد بالصاله سوائف وضحك وي شمس فار
دمي وانقهرت ردت أهدي نفسي ما كدرت والي موتتي غضب جانت
تضحك وكرب علي ومدري شكالها خلاها تسكت وجهها يصير أحمر
هنوب راح اجيت وكعدت بالصاله وكلت خل اقهرها مثل ما ..ما ادري..
-شو لمن اجيت سويتي روح ضايجه وتوج تضحكين؟؟
سكتت ولمت الأوراق وكعدت على الكرويته وكضت تلفونها وضلت
تلعب بيه.

-صرتي خرسه.

-.....

-بكيفج لاتحجين..لأنج تشعين بالذنب.

رفعت راسها بشموخ وكالت.

-ماسويت شي حتى اشعر بالذنب.

-توا اخوي شكالج وخلاج تصيرين حمره.....كالج أحبج؟؟؟؟.

-انته أحقر واحد شفته بحياتي..شلون تحاجيني بهاي الطريقه

شسويتلك؟؟.

-كولي شنو اللي ماسويتيه.

-بس كولي ليش تكرهني؟؟.

-أكرهج؟؟؟!!!!!!...(لو اكرهج جا ما مخلي الناس وكاعد الاشيج)
كولي اموت منج..انتي ليش مامتي مو أحسن؟؟.

-جریئ و وقح..

راحت تركض على الدرج واجه علي وماشافني وكال.
-هاي بس كلتلها بيت كرار يعني بيتج هيچ صار بيهه لو.

رفعت راسي ورديت عليه

-لو ماكل تبين وماحاجي أحسن.

طاح كلاص الماي من ايده مخترع..

-ها.....!!!!!!

-وجعا.... بعد لاتصير ذكي وتحجي حجي اكبرمنك.

رحت لغرفتي وكعدت اباوع لعبساس وهوا يلعب التفت اللي وكال.

-بسرعه اريد سؤال شخصي.

-أسأل معذبك الحب؟

باو علي وهنوب رجع للنت وكتب سؤالي.

ايام عادية مرت على ابطالي رتيبه وممله لكن جاء اليوم الذي سيغادر
فيه كرار العراق ليذهب إلى المانيا..اجتمع العائلة وبقي شمس وحسن
لم يحضرو.

-شموسه كعدي.

-انه كاعده بس تعبانه ما اقدر اروح روح انتة وفطوم.

-براحتج(مشكلتي فاهمج).

ودعو كرار بلهفه ولم يملك الجرعة ليسأل عن شمس فسمع ضرغام

يتكلم مع حسن.

-حسون جا شمس ليش ما اجت؟

-تعبانه كلش..

دون ان يمسك لسانه قال:شبيها جان جبتها وياك حتى افحصها.

-هههههه انتة وراك سفر وشموسه بعدين اخذه.
-هههههه(أعطي فشلتني) متعود كلب دكتور.
اخذ على خاطره انها تعمدت المرض حتى لاتأتي وبعدها قال(احسن ما
اجت حتى لا اضل افكر بيها.)



بعد مضي شهران

....شمس....

اليوم اول يوم راح اداوم وانه رافضه الدوام لان طلع قبولي
تمريض...سهرت اسبوع ابجي ما اريد اصير ممرضه افتريت كل
الأقسام حتى احول للقسم الأقل معدل بس ما قبلوني اللي يكول ماكو
مقعد فارغ ووو.....الخ
اول المعترضين جان حسن الي كال:شنو ممرضه؟ لا عمي كعدي بالبيت
احسن هنوب اختي نيرس.
حزت بنفسي اما خوالي كل واحد تعليقة اقسه من الثاني.
حيدر:خلوها بس تاخذ شهاده مابقي إلا شمس تفتر بين المرضى.
أحمد:أي والله أكو شبها على التمرريض.
محمد:انه اكل خلوها تبطل أحسن.
بينما الشباب ردو ردود مقتعه.

عباس: التمريض مهنة انسانية والمريض يحتاج الممرض اكثر من الطبيب اللي يسوي العملية وبس اما الممرض ايداري المريض قبل وبعد العملية.

ضرغام: كبل جان التمريض عليه شبهه هسه اكو اهواي ممرضات شريفات... لاتاخذون حجي الناس..... الناس بس تنقل سوائف بدون ماتشوف.

حسين: الممرضه ملاك الرحمة.
وأاتفقو على اني ادرس وبعدين الله كريم .. على بالهم انا خبله واريدهم يمشوني بكيفهم. ..

حسن: يلا شموسه كعدي وراي شغل ماتريدين اوصلج؟
شمس: مو ما عجبك التمريض ماراح اداوم.
حسن: عجبني وان ما عجبني هذه اللي أختاره الله وبعدين اكتسبي خبره.
شمس: الله كريم هسه انزل انتة روح.
حسن: او كي بس لا تتأخرين.

نزل ورحت سبحت وبدلت ثياب الجامعة طبعاً جينز اسود وقميص ضيك للركبه نص ردن وفوق عبايه اسلاميه عريضه وسوده بدون نقشه وملفع اسود وجنطه سوده.

حسن: اروح فدوه لطلاب المعاهد طالعين كشخة اليوم.

- هههههه والله تطي (تعطي) واهس.

- يلا اليوم الأول سويتلج أحسن ريوك.

- الله لا يحرمني منك ياربي.

- أهو ما اريدج تتعلقين بيه.

خفت ورديت بسرعه: ليش؟

- احم... لاتنسين انه كبرت ولازم اتزوج.

فرحت وضجت بنفس الوكت هذه من حقه بس اهلنه مادارت عليهم السه.

-ياهو وين رحتي؟
-بعدني بالعراق الجبيب.
-ها شكلتي؟
-بس ختدور السنه وانه اخطبك وحده محضره.
-طبعاً تدور السنه و...
-لاتضم علي والله دريت شراح تكول...كول فدوه...
-بله(حاجيتها وكلبي انفطر) شردت اكول؟
-ردت تكول (دنكت راسي وطاحت دموعي على جنطتي ألي بيدي)
ونزورهم ونكوللهم.
-كافي بجي ماضل عندي كلب يستحمل ينجرح اكثر كل دمعه تطيح
تجرح كلبي.
شبكني وضل يقرأ علي سورة الكرسي
(بِسْمِ اللَّهِ الرَّحْمَنِ الرَّحِيمِ
الله لا اله الا هو
الحي القيوم لاتأخذه سنة ولا نوم
له مافي السموات ومافي الأرض
من ذاالذي يشفع عنده
إلا بأذنه يعلم ما بين ايديهم ووما خلفهم
لايحيطون بشيئا من علمه
إلابماشاء وسع كرسيه السموات
ولا يؤده حفصهما وهو العلي العظيم
صدق الله العلي العظيم)

طاش فكر حسن ليوم ممات العائلة

حمل اخته ووضعها في السيارة وقفلها عليها

وتوجه لبيتهم الذي اضحى رمااااا... بدء يبحث عن الجثث والدخان
والحريق قد اكل كل شيء... ابعده الاطفائيه فأخذ اخته ووضعها في
مشفى ابن خاله حيدر ابو كرار واوصاه عليها وذهب مع خواله الذين
عرفو بالامر وجائو لأصطحاب الجثث... جاء ووجد ناس غرباء يبحثون
عن اقربائهم الذين سكنوا هنا وماتو هذه الموتة التي لا تسر عدواً ولا
صديق.

حسن بدء يصرخ بصوت اشبه بالبكاء.. يماااااااااااا يااااااااااا

وينكم.... ليش رحتووووووو... علاوي عمرىيىيى اخووووووى

الجبببببببير وين رحت ...وينكم ...خوااتى وحياءاتي ...والله احبكـم

...شلونكـم ...وشسوت بيكم النناار الله يموت اللي جان السبب...الله

ينتقم من الارهاااب ...شذنب اهلي ..دووووومهم مالهم غرض

بالسياسه...دوووم فلوسنه حلال وما مدينه ادينه حتى على حقته من

الحكومـه ..الله ياخذ حق الابرياء منكـم يا فقراء ..يا وحوووووووش

...يا همجالله على الضالم ..الله ياااااربى الحمد لك يا

رحماءااااان ياارحيم...صبرنى يا ربى..

وجد قطع واجزاء صغيرة من بقايا العائلة....فقد قطعهم وحرقتهم النار
والانفجار..ولم يبقوا عدا قطع متناثرة...امسك بكيس كبير وبدء لن
اقول جمع جثث عائلته ...بل بقايا جثث العائلة....جمها في الكيس
الكبير وهو يذرف ملايين الدموووووووع....تصورو انسان يجمع
قطع صغيرة لعائلته...ماذا يحمل داخل صدره....ما كان قلبه الذي داخل
جوفه...كيف استطاع تحمل المنظر....وهو على هذه الحالة.....هذا هو
الواقع..

رجع حسن للواقع وعيناه ملأ بالدموع ...تذكر وعده للقبر الواحد الذي
بناه لعائلته كلها ..فقد وعدهم بأنه لن يخبر شمس عن هذه الحادثة ابداً
يكفي ما عاناه هو...
اما شمس.....

استطاعت ان تتخطى جهل العالم بأهمية الممرضه.. وجهلهم عملها
المضني ان شمس سهرت ليالي وليالي تحاول ان تحدد مصيرها هي
احبت التمريض فيما بعد لكن هناك نظرات تجرحها من المجتمع لكنها
عزمت على شيء(اللي يحب شي لازم يدافع عنه ويوكف وياه....وانه
حببت مهنتي الانسانيه وللازم ادافع عنها حتى لو بقيت ابحتي ابهذه
الطريق مثل ما كال الامام علي عليه السلام"لاستوحشوا طريق الحق
لقلة سالكيه"



.....شمس.....

داومت وصارو لي صديقات اربعة سحر سمر نرمين شهد أحبهن
أهواي وكل وحده اللهه معزه خاصه بس الي يزعجني ان سمر ونرمين
اكبر مني بسنه ومرات يرحن يمشن ابدهن وسحر وشهد اجن من
نفس المدرسه وهم مرات يخلنه ويرحن.
شهد:يلا بنات جوعانه مني تروح وياي للكفترية؟
سحر:امشي انه رايعه....شمس ترحين؟
شمس:لا ابقى بالقسم.

شهد:براحتج.

راحن والتفتت على سمر ونرمين مالكيتهن ضجت دوم يسونهه ويخلني
دخلت للقسم ودخلت لقاعه ٢ وكعدت بالاستيج اللي يم المكيف جانت
بس تلت بنات بالقاعه والقاعه ١ بس ولد...طلعت تلفوني وكعدت أقرا

قصة توني منزلته اندمجت بالجو وشويه التفتت شفت القاعة كله
ولد انصعقت وسمعت ممثل الشعبه يكل بصوت خفيض.

كاضم: بقيتي ابدج بالقاعة.

التفتت شفت تلت ولد مرحله ثانيه واثنين مرحله اوله وولد وبنيه
يسولفون بهدوء ومايدرون بالي حولهم هنوب التفتت لكاضم وكلت.
-الله واحد.

اخذت سجلاتي وطلعت رحت للوحة الأعلانات قريرت الجدول وجان
عدنه أحياء مجهري بالمختبرات يراد ١٠ دقائق يلا توصلين....المهم
رحت وتذكرت انه مطيه البالطو لصديقتي من غير قسم دكيت على
تلفونها ماترد سميت بأسم الله و دخلت.

الأستاذ علي: وين سدريتج؟

-استاذ اسفة اطيته لصديقتي وما ترد على اتصالي.

-روحيلها للقسم.

-قسمهم مسدود.

-هاي آخر مره.

-انشالله(يمه يطلع الروح).

ما حاجيت صديقتي وخلصت المحاضره بقول الأستاذ.

-منا لمتحانات الكورس الأول كل واحد يجيب بحث عن اي كائن

مجهري ويناقشه بالقاعة.

حسن صاحباتي اني زعلت واول ما خلص الأستاذ شلت سجلي وطلعت

ورحت للقسم حتى اسأل المقرر عن البحث لأنه ابو الماده الأساس

مشيت بسرعه وعيني بالأرض بس رفعتها شويه وشفت واحد واكف

كدامي اباب القسم كلت بس اوصل اكيد ايوخر بس وصلت او ماوخر

رفعت راسي وانصعقت....

وقفه..... نفس البشره البيضاء... نفس العينان التاءهتان

ينظر في عينيك وكأنه لاينظر لك..... نفس الهدوء والسكينه...

-ارجون؟؟!!

-هههههه مهدي.

-اسفه.

-لا عادي شلونج شمس؟

دنكت وانه ميته مستحا لا وبعد يعرف اسمي.

-الحمد لله...انتم شلونكم لمياء شلونها؟

-احنه بخير ولمياء....(اشجايج بطريقي ياشمس إله تذكريني)

-اي لمياء تعذرنى ما اجيتكم بس ادك عليها كله مغلق.

-لمياء...

طلعنه للزياره وخلص البنزين بطريق صحراوي طلعت اخذ دبت البنزين

الأحتياطيه من جيب السياره وجانت بالسياره امي وابوي ولمياء

وصفطت يمينه سياره مضلله ونزل السايق كال.

-اخوي تريد مساعده؟

-لا مشكور.

باو علي بنص عين ورجع للسياره خفت منه وضل كلبي يلعب وانه
اعبي بنزين ما أحس إله حديد هوت على راسي افشلت حركتي وطحت

بالكاع (بالارض) وضليت اسمع صريخ أهلي..ابويابوي يبجي

ليش بعد هاذه العمر يبجي...امي تصرخ.....لمياء ...وحيدتي صاحت

صاحت وأخطفه صوتها وغبت عن ألوعي.....كعدت والدنيه ليل بس

اسمع ونين يم راسي رفعت راسي شبكتني امي.

-لمياء وين.....يمه ليش ساكته وين شمعت البيت؟؟؟؟؟؟

باو عت امي لمكان قريب منها

كعدت ورحت للمكان اللي باو عتله شفت لمياء.

وقفه.....جسد نصف عارا...دماء في كل مكان...قلب ينازع

يريد التوقف عن الحركة منذ عدة ساعات ليذهب لخالقه يشكي رذيلة
شباب نسو الله فأنساهم أنفسهم.
شلتها حظيتها بحضني حطت رأسها على قلبي وزفرت روحها الشريفة
....هزيتها ماتحركة.

-لمو عيوني يلا كعدي انه اجيت لاتخلين أخوج ابجده...
دموع تنزل من عينيه كالسيل الحارق انفاسه تقطعت بعدما ناجاها
اراحها على الأرض ونام على قلبها علها تستمد طاقة من أخيها وينبض
قلبها مرة اخرى.

-هاي لمياء..اللي تسألين عنها.
جنت اسمعه وابجي بصوت مسموع والكل اجتمع حولنه.
-ها شرايج وانتي رجعتيني للماضي.
مسحب دموعي وباعته.
-يعني تلومني؟!
-أي أحاول انسه اللي صار وانتي رجعتيني من اول يوم فقدتها بيه.
-انته شجباك بدربي....أذا انته تلومي لأن ذكرتك بصديقتي بحبيبتني
وأللي سولفته زاد فوق الحزن اللي بكلي.
-بس مو اكثر من حزني.

-هههههههاي(بستهزاء) تدري انته فقدت أخت وحده انه فقدت امي
وابوي وأخوي وأخواتي بحادث العبوا.
-اللي صارت بيوم الـ.....
-أي(قصيته كل اللي صار)

-اسف والله اللي يشوف مصيبة الناس تهون عليه مصيبتة.
خلص يومي بالبجي وودعت مهدي بدموعي ودمعه منه كابر حتى
ماتنزل

بس.....

بالتنهـاية

نزلت

وصرت كل يوم أشوف مهدي بس اسلم عليه واروح لأن انه ما أحاجي شباب لكن مهدي حالة خاصة.



.....کرا.....

حياتي بعيد عن وطني واهلي عذاب مهما الكه (اجد) عناية ابقى
غريب...والله اروح فدوه للسياب لمن كال(الشمس اجمل في بلادي من
سواها والضلام....حتى الضلام هناك اجمل فهووا يحتضن العراق).
شمس صارت بس ملاك يجيني بالأحلام وكل ما اتصل بأهلي.

-فدو منو یمج خلینی اسلم علیہ؟
-بس رواء ھاڪ أخذہ۔

-هدوله منو اجاكم وسأل عني؟
-بس فتعوسه رواء.

-الحمد لله على سلامتك....انه بخير....شلونها الرحله.

رجعت مثل کبل جریئ ویاها۔

-أووووووو تجنن بس صدك- أهلي وعمامي وين؟؟؟.

حسن: كلهم بالزيارة بس عباس بقى على مود الشركه وعلي عنده محاضرات.

-وانتم؟

-انه دوامي ماخذ اهوايي اجازه وشمس هم محاضرات.

جاء الثولان ليش ما فتحولي الباب.

-اكيد تعبائين.



*** *** ***

(شمس)

رجع ورجع يشغل عقلي صح هوا مافارق مخيلتي بس على الاقل جنت

کربت (قربت) انسائیکلو پیڈیا...

شمس:.. عن اذنكم انه طالعة اصلي...

حسن:۔ تفضلي۔

کرار:۔ اذنج ویاج۔

رحت فوقـ وكملت صلاة الليل وقرئت قرآن وشويه واذن صليت
وحطيت راسي على المخذة على بالي اقدر انام...بس النوم تركني
وراح لصحابه..

دخلت الشمس من الشباك باوحت للساعة جانت بـ 6:00 سبحت
ولبست اهدوم الدوام واخذت البالطو والسجلات وجنطتي ونزلت خليتهم
بالصالة ورحت للمطبخ سويت ريوك وشوية ودخل حسن.

حسن:.. اليوم على وكت امبدلة؟؟

شمس:.. مالي خلك اسوي ريوك- وبعدين ابدل... مليت من الرتين...

حسن :.. يلا انه اترك- بالصالة.

استحييت أسأله عن كرار..راح حسن يسبح وطلعت الريوك-
تريكنه وخلصنه..

حسن:.. انه طالعولو ردتى تطلعين كولي لكرار يقفل الباب زين

...خلي المفاتيح عنده اليوم ما يروح للدوام..اوكي.

شمس:.. انشالله..

راح حسن بـ 6:55 وانه بقيت بالمطبخ نصفت كلشي وطلعت سمعت

صوت سيارتي الاجره...اخذت حاجاتي ودخلت لغرفة حسن...جانت

ضلمه غمضت عيوني شويه وبعدين فتحتهن لكيت كرار كاعد

ويباو عليمتت مستحة وارتبكت..

شمس:..ص- شهاده المفتاح...

حطيته على الطاولة وردت ارواح كال.

كرار:.. شمس؟؟

شمس:.. هله..

كرار:.. الله وياج.

خليته وطلعت...

رحت ركبت السيارة وكعدت كضيت الملزمة وضليت اقرا جان عندنا

امحان

تشریح....عینی فی الملزمة وعقلي مو ویاي..وصلنه ونزلت ورحت
للقسم وكعدت على مصطبه كدامه....

-السلام علیکم..

رفعت راسي وضحكت جان مهدي..

-خير اشوفج مبتسمه؟؟

-ههههههههه تذكرت ارجون..

-ههههههههه صدك يعني اشبها؟؟

-أي ..وعلیکم السلام..

-بعد وکت...

-طيب ...مو...

-لالالالاکافي علیه السلام...عندج اکوز؟؟

-أي تشریح..اول ما داومنه واحنه بس نمتحن,,

-الله یعین...بعد شوفي مرحلة ثاني ...کله از عاج..

-صدک سمعت یقولون اکو دوام بالمستشفة..

-أي احنه مرحلة ثانية یومین بالاسبوع دوامنا بالمستشفة ..وانتم

محاضرة بس وری نصف السنه...

-وشلونها المستشفة؟؟

-از عاج وتعب کلشششش..

-

-ههههههههه فهمت طولت بالحجي..

-لالا مو انتہ بس المجتمع قاسي شوف شلون یباوعولي..

-ما علیج اهم شي انه واثق بیج واکلمج علی انج اختي لا اقل ولا

اکثر..وکلامنه بريء..

-والنعم بیک...

-یلا اروح عندي محاضرة مع السلامة.

-الله ویاک.

راح واجن صاحباتي..

سحر: هاااااااااا شنو من ورا نه..؟؟

شمس: لا هذه اخو صديقتي...

شهد: جا شبيج ضجتي..

شمس: شرايجن لو نروح للمختبر احسن..

سمر: أي تريدين تنسينه السالفة..

شمس: اهوووووووو بعدين كلشي اقوللجن...او كي..

الكل: او كيييييي.



(كرار)

سبحت وبدلت وتريكت واخذت اهدومي ورحت لبيتته

ولكيت علاوي توه يريد يقفل البيت..

كرار: صباح الخيييييييييير..

علي: لالا لالا لا مستحيل...كرار..

اجه وشبكني..

علي: والله البيت مو حلووو...

كرار: ادري.

-يلا لا تشيم...يمته اجيت؟؟

-البارحة..

-وين نمت؟؟

-ابيت حسن .. انتة الله يهديك نايم بسابع نومه وماتسمع الباب..

-والله نعسان...

-صدك شو متأخر...

-لا اصلاً المحاضرة اليوم تاركها..

-وليش..

-سهله وانه عقلي اكبر من هالتفاهات..

-تفاهات... اسكت لحد يسمعك...وين رايح هسة؟؟

-اتمشة..بس بما انك اجيت راح ابقة...

-أمي وابوي يمته يجون؟

-العصر.

دخلت للبيت ورحت لغرفتي ونمت...بس شي زعجني وكعدني من

نومي...اوہ التلفون..كضيته وردت اطفيه بس

قريت.. شمس يتصل بك...

اهووو شتريد بعد..؟؟

رديت وانه ميت من النعاس..

-خير شكو ردينه...يوم اسود لمن اطيح رقمي...انتي مو مال نعمة...

-ادري انه مصدر از عاجك..بس الشعور متبادل...وما ميتة عليك ولا

داكة على سحر عيونك...

-على كيفج اكلتيني...شرايح تمرين لبيتته وتطكيني...

-بس لو اصغر مني...المهم أريد المفاتيح كتلني الحر..

-جا وين الاحتياط.

-عند حسن...

-خوش تاني بس ابدل (حبيت اغيضاها بعد) واشرب جاي حتى

اصحح..

-لا والله شرايك لو تتغده بعد..
-أي خوش فكرة...امممممممم بس ماعدنه غده..
-انته صدك فارغ..
-عن الغلط يا انسه..
-استغفر الله...اللهم اعطني الصبر..
-كيفج...انه اتأخر اذا تريدن انتي تعاي واخزيهن...
سدت التلفون بوجهي....انه اعلمها بعدهي ما انولدت اللي تتناول
علي..
لبست اهدومي وخذيت مفاتيح بيتها ورحت اشرب ماي...درت اريد
اطلع من المبطن وشفتها واكفة بالباب..
-ههههه صدكتي..
-تضحك؟؟؟ الله يسامحك..اليوم كله تعبانه دراسة وشمس وتعب وانته
بس نايم وهسه تضحك...صالبني بالباب..
-على كيفج...جنت اتشاقة..
-ومنو كالك انه احب الشقة....يلا اطيني المفاتيح..
-تعاي انه افتحج الباب..
طلعت وراحت وراي...حسيت اني شكك بايخ..والله ماله داعي اللي
سويته..

سارت الايام...وتوطدت خيوط الود...حسن قرر ان يتزوج هديل حتى
تكون فاديه من نصيب عباس...ليكون بذلك سعادته اثنتين...كرار قبل
بالامر الواقع بأن شمس مصيره المحتوم..وكان شعوره بالراحة مرة
يأتي ومرة يختبأ...عباس لم يكن يعلم ما يخبي له الزمن.....هديل
وحبها الذي يزداد بمرور الوقت..رواء هل ستبقى دون حراك..دون

حوار في القصة..

اجتمعت العائله في يوم الجمعة في عطله الكورس الاول في بيت حيدر
ابو كرار
بالديوان عند الرجال.:

حیدر:۔ کرار وین علي؟؟۔
کرار:۔ شترید منه یبی؟؟
حیدر:۔ جیب مای هذه حار۔
کرار:۔ صار یبی۔
حسن:۔ اروح امکاتک۔

کرار: اکعد اکعد اکو نسوان جوا ...لو متقصد احد معین؟؟
حسن: لا احد ولا شي ...بس ارید اعرف الغده شنو میت جوووع..
عباس: دک علی اختک وشوف شنو الغده..
حسین: أي والله انه احب اعرف شنو کبل لا یجي..
ضرغام: یعنی شنو اکید.....
کرار: اکعد انتہ اکید ترید تقرف الجماعة..
ضرغام: هههههههه اخوي فاهمني ..بس ردت اکول...یمکن مطبک
صراصی..

[illegible]

الخال:.. احمد :. انشالله دوم الضحك يا رب.
حيدر:.. أي والله ..من زمان ما ضحكتمو..
كرار:.. خليني اروح كبل لا يخلونني..
ضرغام:.. كرار لا تنسه خلي ي زيدون الملح..
حسن:.. ليش امك تسوي الاكل ماصخ؟
ضرغام:.. لا بس الصراصير تريد اهواي ملح حتى تستوي بسرعة..
حسن:.. ان ما طلعت ماكلك وحدة ما اكون حسن..
ضرغام:.. جا انتة مو حسن لاني ماكل بس وزقة..
حسين:.. كافي من صدك لان شهيتي انسدت..
كام وكعد يم عمامه..
حسن:.. وانه هم..
عباس:.. خلوني وي العالم الياباني...اروح اكعد يم عمامي وياكم تانو..
كانت الديوان كبيرة والشباب يحتلون المقدمة اما الرجال الكبار فقد
كانو يجلسون في صدر الديوان..



في غرفة هديل وفادية..

هديل:.. أي شموسه جبت البدله اللي كتلج عجبتي وراح
اشترىها...هسه البسها وشوفوها..
شمس:.. يا هي منهن الصفرة لو الماروني؟؟

هديل:.. الماروني...يلا هسه اجي..
فاديه (جنت كاعده على النت وعطشت):.. فطومة حياتي اريد ماي..
شمس:.. الجك اللي يمج ما بيه؟
فاديه:.. أي توني شربته وما كفه..
فطومة:.. ماريد كاعده العب..
فاديه:.. روعي فدوة والعب وياج..
فطومة:.. لا مشكورة..
شمس:.. انه رايحة...لاني هم عطشت..
فاديه:.. لا خليج أنه راح اروح..
شمس:.. شسالفه كعدي البيت بيت خالي يعني هم بيتي لو...؟؟؟
فاديه:.. لالا بيتج وبراحتج..

نزلت من السلم وتوجهت للمطبخ ووقفت في الباب..
كان كرار يقف امامها وامه تتكلم معه بصوتاً عالياً..
ام كرار:.. صدك اللي اسمعه؟؟
كرار:.. وشنو اللي سمعته يا عمري؟؟؟
ام كرار:.. يريد ابوك يزوجك...شميسه؟؟
كرار:.. أي يمة صدك
-وانته ما راضي؟؟؟

-أي بعد اكو أي استفسار؟؟

-ورواء؟

-شسوي المشكله بين خالي وابوي راح تحرمه احنه من بعض..والله
يعوض...

واحب رواء يعني شيفرق اللي سمعته..
-يفرق عندي...انه اكرهك وما اقبل احد يجبرني اتزوج واحد اكرهه..
-مو الحب هوا الشي الاساسي بالزواج..اهم شي التفاهم..
-ههههه(بستهزاء) وaaaa شنو التفاهم اللي بينه..
-لا تستهزئين..وراح اتزوجك غصبن عليج..
-ماتكدر تجبرني على شي...
-شوفي الايام بينه..
-والحبيبه ما اعتقد ترضى..
-وشجابها؟؟
-اعرفك تخاف منها..
-انه ما اخاف من احد...هاي حلقة حطيها بأذنج..
نزل جوا واخذ الماي وطلع...وما انسه انه خله التلفون على بايت
الدرج الاخير..
هيجي جانت لقائاته...



مرت الساعات وتلتها الايام وبعدها الاسابيع والاشهر وانتهت امتحانات
الكورس الاول بالنسبه لشمس وهديل وفاديه وعلي وبدأوا في
امتحانات الكورس الثاني...





(شمس)

شمس:.. استاذ فدوه خليني امتحن ويه كروب صديقاتي..
عبد اللطيف:.. شمس مايصير كلكم سوا ..يلا انت و سمر وسالم وقيس
بهاي الرده...ونرمين وسمر وشهد وكاظم بالرهه اللي بعده...يلا
كدامي...

جان الكروب مالتى بالقسم الخاص....دخلنه احنه الاربعه
وتوزعنه...انه وسمر رحنه لمريضة..
شمس:.. السلام عليكم.
المريضة:.. وعليكم السلام..
شمس:.. شلونج خاله...عندي جم سوال اطرحه عليج بس كون
ماتنز عجين..

المريضه:.. لا بنتي سالي...
شمس:..(طرحت عليها عدة اسأله وكتبت معلومات مختصرة
وكتبتها..الاسم العمر تاريخ الدخول للمستشفى سبب
الدخول...الاعراض.....الخ)

سمر:.. يلا شمس خليه ناخذ الفايتل ساينس...
شمس:.. اوكي..اول شي البلد براجر.
سمر :. يلا..

اخذت قياس الضغط وكالت:..

سمر: خالة اطيني ايدج..

اخذت سمر ايد المريضة وربطته وقاست وبعدين باوعتلي وعيونها

مفتوحة على كبرهن...فهمت وكلت.

شمس: سبيك وذ مي ان انكلش...

سمر: ذه بلد براجر از hg140/220

شمس: او ماي كاد...ار يو شور..

سمر: يس...يو وونت دو؟؟.

شمس: واي ؟ أي ترست يو...اوكي ماست كم ذه نيرس اور

دوكتور..

المريضة: ضغطي مرتفع...صح..

شمس: لا خالة مو كلش بس لازم يجي الدكتور ..هه (يا ربي شلون

واحنه ما ندري وين ..لاززم نروح لغرفة دكتور الردهه.)

المريضة: انه...مدرسة انكليزي..

باوعت لسمر ومته من الضحك..

المريضة: انكليزيتكم ركيكة...درسو زين ..المهم ضغطي كلش مرتفع

؟؟؟

سمر: أي الطبيعي hg80/120 و انت 140/240...بس هسة تجي...

دخلت عليه الممرضة وجيكة الحالة وكالت ...120/200...ماعليها

شي..

خلت وراحت.

شمس: الحمد لله حتى ما تطي واهس..

المريضة: عود انه بالقسم الخاص ومعاملتها خشنه ويبيالحمد لله

..جا العام الحكومي شلون؟؟

سمر: الله يرفق بحال المساكين..

شمس: يلا بينه الخير..

بدينه نكمل قياس العلامات الحيوية..التنفس رسبايريشن والنبض بلاس

ودرجة الحرارة تيم بارجر...

شمس:.. سمر مو جن الاستاذ أتأخر..

سمر:.. أي كال نص ساعة ويجي وهسة صارت ساعة...هسة 10:30

جا يمته نخلص..

طلعت من الردهه حتى اشوف بلكي قريب منه...وشفت في الردهه

اللي كدامنه طبعاً الباب من جام (زجاج) ..جانو شباب وي استاذ

لابسين بالطو ويباو عون لي ويضحكون ويتشاورون...

وقف... تقلص العالم امامها...شعرت بصغرها...وقلة

قيمتها...حست انها تشعر بالاهانه...

جانو يضحكون لاني ممرضة وهمه طب....كلية الطب تدرس

بالمستشفة كله تطبيق مباشر... باو عتلهم بنص عين وبغضب وارتبكو

واحد دار على الاستاذ وواحد بقى يباو علي.. التفتت اريد ادخل للردده

اللي خلاني بيها الاستاذ بس شفت بنات اصغر مني هم لابسات بالطو

ويسولفن ويضحكن..عرفتهن اعدادية تمرىض..انه معهد ومستهاناه

بروحي وهنه اعدادية وفرحانات...يلا.. لكل حادثاً حديث..

سمر:.. وينج تأخرتي..؟؟

شمس:.. امشينه نروح ندور عليه بالعامه..

سمر:.. يلا.

طلعنه من الردهه بالوكت اللي طلعو بيه طلاب الطب وصرت وجه

بوجه وي اللي ضحكوا علي...باو عتلهم بشمئزاز ورحت انه وسمر

وقبل ما نطلع من الباب الرئيسي مال الردهات كال الاول..

-تمرىض ورافعة خشمها..

عاديك انه ما سيطرت التفتت عليهم وشفت الثاني يسكت بيه والاستاذ

خزهم...

شمس:.. اذا كل البشر طب ..منو يبني البيوت منو ينصف منو يبيع منو
يدرس ومنو ومنو....

التفتت على سمر واخذتها من ايدهه وطلعه..

سمر:.. شبيج رديتي منو يكول عليج؟؟

شمس:.. عليج لو علي محد اهاناه تمريض وبعدين مساعة شفتهم
يتشاورون علي ويضحكون.

سمر:.. اكول شبي وجهج منكلب حالة..

طلعه من الخاصة واحنه متوجهين للعامة لاكينه الاستاذ ضحك وكال..

عبد اللطيف:.. شجابكم مو خليتكم بالخاصة؟؟

شمس:.. اجينه اندور عليك؟؟

عبد اللطيف:.. خوش روحو للعامة وانه رايح للطوارء مو تروحون
غير مكان..

سمر:.. انشالله.

مشينه ولكينه جماعته وما اجة الاستاذ رحنة للطوارء وشفنه شهد
وسحر و نرمين وشويه رجعه للخاصة واجه الاستاذ يضحك.

عبد اللطيف:.. عبالجن ما شفتجن لمن رحتن للطوارء؟؟؟ شفتجن من
فوك.

شمس:.. ههههه اسفين بس تخر الوكت..

عبد الطيف :. امتحن اول الشباب لان ما طلعا..

امتنح قيس وبعدين سالم وضحكنه عليهم وبعدين سمر ولمى وصل
دوري رن تلفون سمر وكالت ان اخوها منتظرها وخلتني وراحت..

خلصت امتحان وطلعت مالكيث أي طالب....متت من الخوف انه

بالمستشفة ابحدى..يمه لحكيني...كضيت تلفوني.

شمس :. الووو.

حسن:.. هلا وغلا ومليووووووووووووووووووووووون.....

-خیییییییر (رديت بخوف حسيت کلبی یريد یطلع من مكانه) ليش

-اوكنف على كلفك موعنءى مءاضرة.

-تونى هلااا وهسة طاح حضى.؟؟؟

-کل صاحبباتی راحن وبقیت بس انه ...محد رجعی...تعاااااال فدوه..

تخافین..

-لالا لاهي صاحبتي (شفت نرمين اجتلي وكتله) خلاص لاتدك علي

احد يلا اشوفك بالبيت.

-الله وياج-

شمس:۔ ہا نرمین ارجع ویاج۔۔

-بس دربی یخترف عن درېج...یلا بااي ابوي متانی..

خاتمی و راحت...صارت الدنیه سودة بوجهی...شکول لحسن

هسه...كضيت التلفون وضليت اقرا بالارقام اللي بيه وما ادري دكيت

واجانی الصوت بس بیه خوفه.

کرار:۔ خیر شمس لیش داکہ۔؟؟

-الخير بوجهك...بس..بس.....

-احجي لا تبسبين..شصاير انتي ماتدكين على لأنج مشتاقة ..اكيد

صايرة مصيبه عندج ؟؟؟

-أي صح...اريدد واحد يجيبنى للبيت انه عندي محاضرة بمستشفه

البصره العام... (وسولفته الي صار كله).

-خوش انه بالعشار هسه اجی ...بس وين الكاج؟؟

-بالشارع أن-.....

-والله ماتستحي على وجهك..
-لاتطولين السانج امشي للبيت وبعدين اوريج التربة الصح يا
محترمة...

-انه مربايه واحسن...

-اسسسسسسسسس لا تكلمي..

خله الدمعه بعيني دمعة الذله..والمهانه...لو هذه علاء جا ماجان هيج
رده...صح عيب واكفه واحجي وي غريب بس مو هيجي يستفسر..
دخلت للسيارة ومشت السيارة..
-منو هذه؟؟

-واحد..

-والله؟؟؟عبالي اثنين؟؟؟

-واحد عيب عليه ((وكتله السالفة))

-وانتي وين عايشة وتردين عليه ؟؟

-حرك (حرق)كلمي وما كدرت.

-يعني أي واحد يحرك كلبج لازم تردين؟؟

-

سكتت وما رديت وكملنه الطريق بسكته بس صوت علي الدلفي مولد
(رسائل)

ادور مالكيته وريته يسمع
صبر عندي على خدي وانه متاني
وما عندي عدا المهدي عشق ثاني

ال- البعيد مو عن ناسة واحبابه
والغييب لابد يملك اسبابه
ال- يروح يشوف بكلبه عشاكة

-لا والله ..هسه اطرده الجماعة...واجيك بالديوان.

-خلاص انتظرك..

تمددت على فراشي جانت الساعة بـ 9:5 سمعت نغمة الرسائل
فتحتها:.

~~~~~

عسى الفؤاد يستحيل حجرا لأنقش أسمك خضابا أبديا أخضرا  
وأزرع في جوف الزمان أحرفا أن جمعت أنحنى لها الدهر دهرأ

~~~~~

جانت من رواء....يا رواء صرتي حلم
بعميق بيبيد ما اقدر احققه..كل يوم يبعد اكثر...رديت عليها

~~~~~

أن كانت الأحلام تجمعنا سأغمض أجفاتي بدرا وأوقظها قمرا  
أن كان الأبعد يلمننا سأمزق كفن الأحضان وأمدّها شموعا ودفنا وجمرا  
أن كان الأنسيم يرويك سأجيب  
وسأنبش شراييني قمحا

~~~~~

دكيت علها وما ردت وبعدين قفلت التلفون يعني بعدها زعلانه..ياربي
مستقبلي وماليه بيه راي...انا لله وانا اليه راجعون..وعسى ان تكرهو
شيء وهو خيرا لكم..الحمد لله..

+

{عباس}

ودعت الجماعة بحجة التعبان ورحت ركض لبیت عمي ابو كرار... ما
ادري ليش حاس بأن السالفة بيها مستقبلي...
دخلت للديوان ولكيت وحده تغني وتنصف..
عباس:. السلام عليكم..
التفتت بخوف ولبدت وری الكرويته ضحكت عليها جانت فاديہ.
فاديہ:. اطلع برا خليني ارواح مالابسة حجاب.
عباس:. ادري شفتج.... شلونج فدو..؟؟
-لا والله صاير تدلع بعد..
-هسه ردي السلام اول؟؟
-الحمد لله..
-وانه؟؟
-شبيك بعد؟؟
-ما كلتي شلوني؟؟
-اسمر يعني محد يدري..
-افاااااااااااااااااااااااااااااااااا ع
-ها؟؟؟ اطلع فدوة لحد يجي..
اول.....
اطلاااااااااااااااااااااااااااااااااا ع
-ههههههههههه طالع بس لا تطلع حنجر تج..
تخبل لمن تعصب طلعت بالشارع وشويه ودخلت ...لكيت كرار كاعد
وحاظ ادينه على راسه كربت منه وكعدت يمه.
خير كرار شبيك؟؟
-والله يا عباس الدنيه صايرة كلها فوكـ هالرأس... اريدك هسه بس
تسمعي خوش بدون ما ترد ..وبعدين تطيني حل.
دخل ضرغام.

-ستوب لا تدعي هاي امي..
-افا عمتي جا انه هم احبها اكثر منك..
-لا يا عيني حبي على كيفج بس مو اكثر مني...
-يا حياتي كلها انه ما احب واحد غيرك...سامع هاي المسج مدري
الخاطرة مدري شنو؟؟
-أي شي كوليتها وفكيني..
-اذا احبك مليون فأنا منهم...واذا احبك واحد فهذا انا
وان لم يحبك احد
-فأعتبر اني مستت..
ومتي يا ااعمري...متي ورحتي للباري...

يا امانى يعني هسه محد يحبني...لأنج متي
يا حياتي...شلون واحد يعيش وحياته ميتة..شلون خالي يريد يزوجني
ببته وانه بس جسد بدون روح...الله لا يسامحكم يلي فجرتو حياتي الله
يعذبكم دنياه واخرة يامن هدمتو بيتنه..

†

﴿هديل﴾

ردت اموت من الخجل..واخيراً حس بوجودي..الحمد لله اهم شي
عرف ان اكو وحدة اسمها هديل...ههههه شدة عوه هيچ يائسه..انه الف
واحد يتمناني...مو غرور بس هيه هديل وحدة بالعالم..
شمس:..هدوله يلا روي بدلي وخلي فاديه تخلص بسرعة..
هديل:..ها؟؟

-ويخليكم الي...وين حسن؟؟-

-راح لجماعته وكال يجي كبل (قبل) الغده.

-أي مثل كل جمعه...يلا انه رايح ابدل اترخص.

-تفضل خالي..

راح خالي وسمعت صوت مرت خالي وحركت رجلينها يعني راح تطلع

من المطبخ..ادري بس تشوفني لازم تغثني وتخرّب عليه

الروحة...التفتت حولي ادور مكان البد بيه شفت باب غرفة ودخلت

بيها جانت (كانت) صالة بس مو جبيرة (كبيرة) وبيها اربع غرف

سمعت مرت خالي تقترب وتكول...ضرغام صباح الخير.

ضرغام :. هله والله امي صباح النور والسرووووور.

مرت خالي:. كرار ما طالع.

ضرغام:. لا امس نام متأخر جان عنده عباس.

تقدمت مرت من الغرفة اللي انه بيها اختاريت احد البيبان الاربعة

ودخلت بيه وسديت الباب بسرعة وكضيته وكلبي يريد يطلع من

جسمي..

شمس:. ياربي ساعدني...ياااربيبيبيبيبيبي...شلون بيه..

اندفع الباب ودفعته وهيه تدفع وانه ادفع حسيت الدنيه ضاقت وهاي

اخر لحظة بحياتي.

†

﴿كرار﴾

طلعت من الحمام اللي بغرفتي ورحت لغرفتي بس اللي فاجاني شفت

واحد دخل غرفتي مالت النوم وطبكـ (غلق)الباب حيل...شويه وسمعت

امي تصيح من برا الغرفة.

-کرار کرار..

طلعت مدیت راسی وکلتها بهدوء.

-صباح الخير

-صباح النور يمة يمته كعدت؟؟

-ها؟؟ (كولى يمته نمت حته تكعد) تونى كاعد.

-خلاص یلا الریوک- جاهز-

-ثوانی واجی-

رجعت لغرفتي وردت افتح الباب بس ما قدرت ...ستغربت اكو واحد

بغرفتی وما یفتحلی الباب... مو من عواید اخواتی ولا اخوانی..

دفعته ماكو صحت.

-هدیل مو وکت شقا (مزاح) فتحي الباب..

انفتح الباب وما شفت احد... دخلت ولكيـت شمس..

نظر لها بأستغراباً تام وقد فتح عيناه على كبرهما.

-شمس شسوين بغرفتي..؟؟؟؟؟!!!!!!!

ارتبكت.... وجهها احمر من الخجل ولم ترفع عيناها... بعدها نزلت

دموعها ومنعتها من الرد.

- احجی شجایج لغرفتی ومن الصبح؟؟؟... استغفر الله..

-میل خلینی اطلع۔

-لا عيني انتي اللي دخلتني محد جابر ج تحجين لو شلون؟؟؟..

جنت خایفه من مرت خالی ولبدت اهنانه ما ادري بهاي غرفتک ..

-ههههههههه والله عجيبة انت....خايفة من امي وما خايفة مني؟؟

-کتک ما ادري های گرفتک؟؟

-يعنى لو غرفة ضرغام لو على عادي؟؟؟

-اصلاً ما جنت ادري انها غرفة نوم او....
حملها البكاء على الصمت ولم تعرف ماذا تفعل..
-كافي بجي طلعي من غرفتي لاتسوينلي سالفه..
ادنيت من الباب وخليت مكان تطلع منه وهيه بعدها تبجي ودخل ابوي..
ابو كرار:.. كرار؟؟!!!!!!!!!!!!!!!!!!!!

صــــدمة قوية شلت لسان الاب....ابنت اخته الوحيدة مع ابنه
الكبير...تبكي لماذا؟؟...ماذا جرى يحملها على البكاء..

دموعها زادت لانها علمت ان الاب سوف يفهمها خطأ...
ارتبك ولعن اليوم الذي رأى بها شمس..

كرار:.. يبي..

ابو كرار:.. ليش تبجين؟؟؟.....كرار شمسوي؟؟؟..

كرار:.. يبي على كيفك ماسويت شي..

ابو كرار والغضب حرق قلبه:.. ماسويت شي؟؟؟؟...ليش البنيه
تبجي..؟؟؟.. جلب حقير...صدقـ ما عرفت اربيك...نذل..
كرار:.. يبي اسمعني..

جان ابوي يصيح والكل اجتمع بغرفتي امي واخواتي واخواني...

ابو كرار:.. اكل تبين....

اتدنه من شمس وكال :.. يبي شمس شسوالج؟؟

سكتت ما ردت بس تبجي بصوت عالي شككتني حتى بنفسيحقيرة
اكيد هيه متعمدة..

كرار:.. يبي بس اطيني مجال اشرحلك.

ابو كرار:.. الله يسود وجهك مثل ما سودت وجهي....باجر تعد عليها
....وتخطبها يا حقير...تعاي..

طلع وسحب شمس وياه ...دخلت لغرفتي وكعدت على السرير اجتمعو

حولي كلهم بس هديل طلعت وي شمس.

الام:.. يمة كرارهاي الحقيرة شسوتلك؟؟

علي:.. احجي شببيه ابوي يصيح عليك؟؟

ضرغام:.. خلوه سوء فهم طلعو هسه..

خلانه وطلع هوا الوحيد العاقل والي يفتهم..

فاديه:.. كرار تحجي لو شلون؟؟؟.

التفتت عليهم وعيوني محتركة من القهر.

كرار:.. لو ماطلعو من الغرفة طلع انه وبعد ما تشوفوني للأبد..

محد تحرك لبست اهدومي وطلعت من البيت وركبت سيارتي وكبل لا

احرك السيارة دك تلفوني ..جانت هديل..

+

{ شمس }

هاذي الحالة جانت تجيني من وانه صغيرة...بقمة غضبي وحزني واحد

يتهمني بشي...لمن اكون بموقف صعب يعجز لساني عن النطق ..اظل

ما اقدر اقول أي كلمة.....بس اظل ابجي....الكل شك بأن كرار سوالي

شي...بس المسكين انصدم عباله راح اتبله عليه..اخذني خالي وهديل

للبيت وكال خالي..

ابو كرار:..باجر نخطبج كولي لأخوج حسن..

ضحكت بنفسي بعد ما هديت وكلت خليني اشرح لخالي ان الولد بريء.

شمس:.. خالي كرار....

**التفت علي وراني وجه عمري ماشفته الحواجب معفودة والوجه احمر
من الغضب وصاح بصوت ضنيت ان الشبابيج راح تتكسر منه.
حيدر:. بااااااااااااااااااااا لا كلمة انتي وكرار ما اريد اسمع أي كلمة
منكم بس الموافقة فاهمة لولا...ولان المرحومين ما قبضو سنه راح
نسوي خطوبة وعقد شيخ ومحكمة وبعد دورت السنه تعرسون.. غصبن
على اليرضة والمائرضة..**

مستحيل هذه خالي حيدر اللي الصبح دلغني...يريد يغصبني ويزوجني
ابنه اللي يموت مني ...لا وبعد سويتله فضيحة بين اهله....خالي يشك
بيه..

طحت بحضن هديل فاقدة الوعي...

* * * *

(کرار)

-الووو(من غير نفس رديت عليها).

-کرار الحک- شمس طاحت..

حسيت كلبي طاح بس تذكرت اللي صاي.

عساها ما کامت.

-أهئ أهئ ليش تدعي على البنيه هاذ وانت تدري انكم ما سويتو شي



-لېش ما فتحت حلكها لمن ابوي حاجاها؟؟...لېش ما

نطقت.. لیش؟؟؟..

-الله يرحمك مو وكتها تعال الحى-

نزلت من السيارة ودخلت لبیت حسن وعلى الصالة جانت طايحة

بعض هدیل بالكاع..لفت هدیل ملفعها وشلتها ودخلتها

بالسيارة.. وركبت هديل يمها.

وصلنه للمستشفة وانه ادري شبيها اكيد انهيار عصبي..بعد نص ساعة وكعدت..

✱ ✱ ✱ ✱ ✱ ✱ ✱

(شمس)

فتحت عيوني وضليت اباع للمكان..

شمس:۔ انہ وین؟؟

اجتلی ہدیل حضنتی۔

هدیل:۔ بالمستشفة یا عمری..

شمس:۔ لیش؟؟؟شصاير؟؟

کرار:۔ من عمایج۔

من سمعت صوته تذكرت كل شي وضليت ابجي..

کرار:۔ ہا اہنانہ ہدیل کولیلہا شسویتلج۔

شمس:.. كافي تجريح انتہ مو واثق بنفسك وانه واثة بنفسي وهدیل

....تعرفنه كلش زين شلون واحد يكره الثاني وما يطيقه...بس خلي

خالی یه‌دی واحاجیه.

-انتِ سمعتی ابو ی شیرید۔

-وعلى بالك انه موافقة.؟؟؟

-ولیش حضرتج...لاتکونین البرنسس.

- لا بس ما يصير خدامة القصر تاخذ رأس القصر..

کرار و هدیل :-

ام انه همايضحكون وانه ابجي..

جاء اليوم التالي والخال عزم على الذي في باله وهو تزويجهم شائو او ابو.

ففي الديوان..:

†

{حسن}

امس ما تغدينه في بيت خالي حيدر لأن صارت مشكله وطبعاً انه ما ادري شنهيه واليوم كلنه طلبنه اجازات لأن خالي جمعنه ضروري في بيته.

حيدر.. سمعوني زين... ما اريد أي اعتراضات... كرار يريد يخطب شمس منك يا حسن؟؟

انصدمت... كرار من شكله بدة لمن يشوف اختي يريد يخنكها بعد شلون يخطبها على الاقل أيتاني دورت السنه.

حسن.. شمس بتكم يا خالي بس لازم انت تسألها وتاخذ رايتها.... وانه هم راح اسألها... وبعدين اهلي...

حيدر.. الله يرحمهم... بس خطبه..

حسن.. بس شكل كرار (التفتت له ودار وجهها عني) شكل كرار مو هوا اللي طالب اختي... وتدري اختي شمس كل اهلي او ما ارضي اطيها لأنسان ما يريدوها..

كرار.. منو كالك ما اريدها؟؟؟... انه طالبها منك يا حسن... موافق تطيني اختك.. زوجه واحطها بين اعيوني..؟؟؟

الكل بالمجلس باوعو لكرار.... وتفاجئو مثلي.. يعني مو بس انه اللي جنت حاس بالموضوع حتى هما... ابتم خالي حيدر وكال..:

حيدر.. ها؟؟؟ شكلت حسن؟؟

حسن.. أسأل البنيه وارد الخبر؟؟

لمحت عباس اللي ابوه باوعلة ودار على خالي حيدر وفهمت ان عباس
درى ان خوالي يريدون يزوجونه هديل وهوا يحب فاديه لذا قررت
انقذه لـــــــيش ؟؟؟...ما ادري ...كلت كبل لا يحجي خالي احمد
بثواني.

حسن:.. خالي طلبتكبنتك هديل...
الكل باو علي والاعجب عباس اللي من نظرتة جان يريد يشبكني....
حيدر:.. بس؟؟؟

حسن:.. خالي انه ما شايفها صح ولا محاجيها بس ادري لمن جنها
صغار عندك فاديه وهديل...وحبيت اخذ وحدة من بناتك ..وثنينهن عفة
وشرف ولان شمس دوم تجيب طاري هديل بالخير لأنها اقرب من فاديه
..حببت تكون زوجتي بهلمواصفات...واسف اذا حببت مواصفاتها كبل
لا اخطبها بس هذه شي وجداني وما سيطرت عليه...ها؟؟؟ ها خالي
شكلت...؟؟

هله والله بحسون منين جايب هالجذب...والله وصرت أألف قصص
....ما شايفها هاااا؟؟؟ ولا محاجيها..... لا وتحب صفاتها وصاير بيها
شاعر...وجداني وما اسيطر..روح عمي لحد يسمعك ويضحك
عليك...حرام تضلم البنية وانتة ما تشوف غير امانتي...الله يصبرني
بس...تريد تنقذ حبيبين...وتحطم وياك بنيه..

باوع خالي احمد واشر لخالي حيدر.
حيدر:.. موافق بس ناخذ شور البنية...
غمزت لعباس اللي ما صدك قال:..
عباس:.. عمي ابو كرار...وانه طالب بتك فاديه..؟؟
حيدر:.. الك اللي تريدةبس نسأل..

خلصت الجلسة والكل راح بقيت انه وكرار وعباس..

(*كرار* يا ربي شلون تجرعت وحجيت ... شلون اربط روحي بوحدة
تكرهني وامبين الكره بعيونها ... صح ما راح ترفضني بس تبقى
تكرهني وبس تعلقني بيها....الله يصبرني)..

(*عباس* مشكور يا حسن عمري ما توقعتك تكون المنقذ مالتى
...انشالله اردھا لك بالافراح...الله يسعدك ویه ام الصفات...بس احتمال
موجان قصدة ينقذني ..جوز صح هوا يحبھا ...لالا ليش ذيج المرة
سألني...مشكور حسون ابن الغالية)

هسه انه وين ضيعت روحي وضيعت بت الناس...الله المستعان..

بعد اربع اشهر

كانت فيه نفسية الابطال هكذا..في اخر اتصال لهم بالهاتف قبل الزفاف
بثلاث ايام.

(عباس وفادية)

عباس:.. جنت ادري ماله حاجة أسألج..

فاديه:.. بله رفضتك.

-اتحداج والله اللي يحب لازم الثاني يكون يحبة.

-وشدراك؟

-يكولون اكو طاقة لا مرئية اذا حببتي واحد هاي الطاقة تروحلة

وتخليه يحبك وهوا ما يعرفك.

-اوووووووو منين جايب هاي المعلومه؟

-سامعها...تدرين؟

-لا تصدک ما ادري؟؟لیش انته کایلی ونسیت؟؟

-لا بس راح اكلها الج.

..تفضل اسمعك...

-انتي اهواي تسولفين..

■ ■ ■ ■ ■ ■ ■ ■ ■

-الو فدوووو؟؟؟

[illegible]

■ ■ ■ ■ ■

-كيفج راح اكطع الاتصال....

**-فدوووووووو تردین لو شلوووووون ...لکیت صفة ثانيه بیج
وجنت مغلس عنها.**

-شني عفيه كول لي؟؟

[illegible]

-ضعفك؟؟؟ شلون يعنى؟؟

-لاني احبج ...حتي لو عاندتيني ما اقدر اسويلج شي...

-عباس يلا صارت بالوحدة وما اسمح لنفسي اطول اكثر من هيچ..

-حياتي اوکفي ...بس اشويه انه زوجك مو غريب..

-شقصك يعنى اذا غريب ارد عليها اشويه..

-للالالالالا يا عمري (بغضب) ردي وشوفي شيصير بيج..

-يعني شيصير؟؟.

-راشدي يدور حنڄڪ.

-والله... یعنی تسویہا؟؟

-افاااااااااا انه اطك حياتي... لا وبعدين انه واثق بيج لأبعد حد ...يلا
تصبحين على خير يا كل الخبييييييييين.
-وانته من اهلوووو.

- اوکفی..

-خير؟؟

-بذمتج هم مرة كلتيلي احبك؟؟



















قطعت الاتصال رغم جرئتها إلا انها خجوله في كلام الحب...كانو اجمل
عصافير الحب...

(حسن و هديـل)

حسن:۔۔ شخبارج انشالله زینہ؟؟

هديل: الحمد لله انته شلونك بالشغل؟؟

-طلبت اجازة اسبوع على مود العرس.

-اسبووووووووع!!!!

-لیش اهوای؟؟

.....) -الله عليك اسبوع اكو واحد يعرس اجازة اسبوع...مبين انه

مجبور ومتزوجنی...یلا انه اعلمه منهيه هديل الى

ماي طبقها.. اااااااااااا لو بس اعرف ليش تزوجني؟؟)

-وین رحتی لمن اسألج جاوینی...اسبوع اهوای؟؟

-كلش (بستهزاء) شرايك لو يكون تلت ايام؟

(-تستہزئین مو...انہ اوریج) اوکی مادامج راضیہ راح اخلیہن ثلاث

ایام.. علی مود الغالییییییییہ.

[illegible]

غالبه؟؟

-من اول ماجابتج الغاليه..~~ههههههههههههههههههااايي~~.
-يلا مع السلامه اريد انام..
-الله وياج.

يبدئون الاتصال بحزن وينتهي بأستفزاز ووعيد...كانو اتعس
عصفورين..

(کرار و شمس)

شمس:.. كله منك انه ردت اوضح لخالي انتہ ما خلیتی..

کرار:۔ لانی ارید اور یج شلون تکرهینی؟؟

-وانته رابط حياتك كلها على مود تنتقم؟؟

-مغامرة اكسر بيها خشمج وبعدين اطلج...واتزوج عمري وحياتي

رواء... (۱۷ تراویح) راحت رواء وتربعی انت بمكانها یا غیبہ۔)

راح اضوكك التعاسة يا كرار ...حرام عليك تريد تخليني مطلقة..؟؟

-هههههههه شكدر عمرج انت؟؟

-اصغر منك..

-ادری یا جاہلہ۔

- جا ليش تتزوج جاهله؟؟

-كيفية...حبّيت جاهلة وتورطت شسويه..

(-حبني...توه يڪول رواء...اڪيد ڀرڻ پھرين اٽلڪ بيه اڪثر من الٰه)

انه بيه وبعدين يشمرنى للجلاب (للكلاب)...انه الك اذا ما خليتك تنعل

اليوم الى شفقتى بيه.

-ياھووووووو وین صرتی بس لا صدکتی احبج؟؟

-ههههههه(بستهزاء) عودك لو حبيتك جوز افكر انك تحبني..

- عود تفتعینی انج ما تحبینی؟؟؟

-أى ولىش شايف روحك ما کو بجمالک يعنى؟؟؟

[illegible]

(يوم العرس)

◆◆شمس◆◆

خلصنه ثلاثته وجنه كل وحدة متانيه سيارة العرس مالتها..صورته
خالتي ام عباس ثلاثته انه وهديل وفاديه جنت انه احله وحدة بيهن
...مو انه اللي حكمة ..ام الصالون وام عباس والعروسات اللي جانو
ويانه...رن تلفون خالتي ام عباس.

ايمان(ام عباس):.. هلا والله بالعريس....اي يمة خلصنه...هاا؟؟؟ يم
الصالون بس خليه نغطين وانتم واحد واحد دخلو اخذوهن...مع
السلامة.

التفتت وكالت يلا غطين ... ايمان ام عباس راحت تغطي زوجت ابنها
فاديه ..وام كرار راحت تغطي هديل ...وانه حصرتني الدمعه بس ايد
على متني انحطت..

صاحبة الصالون:.. اكيد امج ميتة...ولو هيه اهاناه ماترصة تزوجين
بيوم زفافج يا عمري...انه اغطيح احسن منهن حتى ما تخرب
تسريحتج..

شمس:..هههههه (بالجذب) مشكورة..
صاحبة الصالون:.. واجبي...ضحكي تطلعين احله بالصورة...

دخل اخوي اول شي التفت لي واجاني فرحان وكال..
حسن:.. شلون الشمس؟؟

شمس(انحرجت وما رديت):.. الله يسعدج.

اخذ هديل بحزن وانه ادري بأخوي ومرت خالي ضاجت ودعت عليه ما
كضيت نفسي وكلت:.. زوج بنتج شلون تدعين عليه.

ام كرار:.. اكلي تبين.

دخل عباس:.. السلام.

ابتسامته شاقة حلقة اخذ عروسته ودخلها بالسيارة وبعدين اجه كرار
وشكله رهيبيبيبيبي بس معصب...اخذني من ايدي بدون حتى أي
كلمة..

ورحنه للتصوير وصورنه كل اثنين لحالهم وبعدين تجمعنه بس متغطين
لأن عباس محرم بيننه وبعدين كصيت وي حسن وكرار وي هديل
ورحنه للقاعة...كعدنه كلحنه والنسوان دابر ما يدورنه ودخلو خوالي
سلمو عليه وبعدين طلعو العرسان وبقينه بس نسوان...ركص
وضحك ووناسة والكل فرحان...حسيت بيد باردة ضغطت ايدي
..عرفتها.

شمس:۔ ہدولہ شبیج؟؟

ھدیل: لا تخفین شعورج انتِ مثلی..

شمس:۔ شنو قصدج(سویت روجی ما افتم)؟؟

-اخوي ما يحبج وانتی ما تطيقينه صح؟؟؟

-يَمَكُنْ؟؟؟ وَاَنْتِ تَحْبِيْنِ اَخُوِي وَهَوَا مَا يَحْبِجْ صَح؟؟؟

-أي اموت عليه ومستعده اموت بس يکولی احبج..

۱- اعتراف بجبشی..

-انتي معترفه من قبل بس انه تجاهلت اعترافج القديم كلت خاف

تغیرتی..

- لا اموووووووووووت على اخوجوالله يصبرنه..

فاديه:۔ شبيكم شسولفون؟؟

شمس:.. الله يسعدج..

هديل:.. ويدوم السعادة بينكم..

فاديه:.. والله ما فاهمة شى.

شمس و هدیٰ: احسن ن...ہ

ایمان:۔ انشالله دووووووووم هالووناسه..

استحيت انه وهديل ..مسكينه ماتدرى عليمن نضحك....كلوب تنزف

تعاسة وتضحك... الله الى يصيرنه..

(فی غرفة کرار)

◆◆شمس◆◆

سبحت وبدلت وكعدت على كرسي التريحة امسح المكياج اللي بقى...
 كرار طلع من الحمام لابس برمودة ويمسح شعرة بالمنشفة باو علي
 وكال وضحة الاستهزاء باينه.

[illegible]

-انه مُلك بس لى خلقتى...

[illegible]

تکرهینی وما تطیقینی لیش قبلتی؟؟؟..

-خالی ماخلالی مجال اثبت برائتی الہ...ویاریت شارحتلہ جان ہسہ

انه مو ه.....

-احبي ... على فكره كنت لبوي كل السالفة وكالي انه يدري وواثق بيه

بس مايريد احد منه يرفض لذا بس رادله حجة حتى يخايينه نرضي

بالامر الواقع..

-ولیش ما کتلی؟؟

-وشرح تسوين؟؟

-على الاقل هسه انه ابیت اخوي...

باو علي بنظرات احتقار ودار وجهها....

-ياريت كدرت اسوي شي ..جان هسه انه ما مكابل وجهج ...علي

فكرة ما دامج انت بديتي العداوى .. ترى انه تزوجتج على مود ابوي

....جم شهر واطلکج..اوکي...ونکوللهم مانکدر نعیش سوا

(في غرفة عباس)

-هاا الكمر مسح البويه من على وجهه..؟؟؟

- ههههههه بويه مرة وحدة ... اصلن مطلعتني حلوة.

-ويبيع انتي تخيلين بدون الاصباغ يا عمري...
-انته الاحله..

-ادري بس ما اريد اضوچك باعترافى.

- لا والله.

- ههههههه اتهاقة لا تزعين يا عالمى كله..

(في غرفة حسن)

-امانی... اُا اُا اُا ہدیل..

(-مسحت دموعي وردیت) هله...

-يلا تعاي مااكتى اليوم-

-مشکور شیعانہ..

دخلت الغرفة وسديت الباب حيل لأني ميتة قهر كلما حاجاني كال أمانتي

بس لو اعرف ايش تزوجني ومني امانى جا انه بخير.

فتح الباب وباو على بغضب.

-شتریدین بالضبط... حاجینی وامشی اکی مالی خلک دلع..

لش تزوجتی؟؟؟ و منی امانی؟؟

-متأكدة تريدین جواب.؟؟

-أي..اول مرة بحياتي اكون متأكدة هالكثر..

اتدنه منى ووکف فوک راسى وانه جنت كاعده على السرير.

-ما اريد اخرب يومج الاول..

-هوا خربان من قبل... احجى اسمعك..

[illegible]

وي اهلي..امووووووت عليها ومحد راحت تحتل مكانها ابد....والسبب

اللي خلاني ارتبط بيج... اهلج رادو يجبروني اتزوج فاديه وعباس انت

...جنت ادري عباس يحب فاديه ...لذا تكرمت عليج وخطبتجها

شنو رأيج لو ما كايلاج مو احسن...
-الله ينتقم منك...دمرتني...يا ربييييييي..

جاء لها كف قوي هزها من رأسها لقدميها واسقطها على السرير تبكي
بشدة...

-ما عاش اللي يصرخ بوجهي..
خلاني وراح..

بِسْمِ اللَّهِ الرَّحْمَنِ الرَّحِيمِ

♦ ♦ بعد اسبوع ♦ ♦ ..

حسن ذهب للشركة وقال انه مضطر ان يذهب لانه استنفذ كل اجازته
(لكن الحقيقة انه تعب من الحياة التي يعيشها)

كرار ذهب للمستشفى وقال انهم محتاجينه كثيراً فمهنته مهمة ..(وهذا
ايضاً كذب لأنه احتار كيف يعامل شمس)

عباس مدد اجازته شهر لأنه يريد ان يذهب للخارج ليقضي شهر العسل
هناك..

(♦ ♦ شمس ♦ ♦)

جنت نايمه وكعدت على صوته القاسي.

-شمسشمس كعدي.

رفعت راسي وكتله

-صباح الخير..

-شرايح اجي ابمكان الدب؟؟

-يا دب؟؟؟

-هذه..

اشر عليه وجنت شابكة الدب متعوده ... استحييت وكمت نزلت من

الفراش..

-رايح للشغل؟؟

-أي واريڊ ريوك.

-انشالله..

دخلت للحمام سبحت وبدلت ورحت للمطبخ اللي بجناحنه الخاص

وسويته ريوك وكعدت اتانيه وبعد شويه اجه وهو لابس الجينز

الاسود والقميص الابيض كعد على الكرسي وكال.

-ها اكيد طالع حلو..؟؟؟

ميلت اعيوني وباوكت للجاي.

-منو كالك؟؟

-انت ...لوشايفة روح شلون تباو عيلي جان صدكتيني..

-مغرور.

-طبعاً....حلو واخبل ...وزوجتي تجنن ليش ما انغر.

اكيد متحلم بشي ...انه اجنن من يمه..

مرتي تاكل وياهم.
كطعت تفكيري صرخت عمتي.
-هياييايياي وين صرتي..
-انشالله عمتي..
رحت ساعدتها واصلاً هيه لبست عبايتها وراحد لبيت ام جاسم وكالت.
-انتِ كملي الغدة اعتمد عليج.
سويت الغدة وصليت ورجعت كملته ورحت لغرفتي ..من التعب نمت
وانه ما ادري...

(♦♦ ————— ♦♦)

كعدت الصبح على صوت حسن مثل كل يوم.
-هديل ...هديل يلا شلون يعني اريد ريوك- وراي شغل..
طفرت من الفراش ورحت سبحت ورحت للمطبخ سويت الريوك
وصحتله..

تريك بدون أي كلمه وبعدين راد يطلع صاح.
-تريدين شي؟؟
-لا سلامتک..

-الباب ما توصليله لو يحترک البيت...وياهو يجي لاتفتحين
الباب...بس اذا شمس لو خوالي واخوانج...امج ما اريدها تعتب بابنه..
-انشالله..

-يلا مع السلامة..
-الله وياك....الله يحرسك يا عمري.
التفت لي بستغراب...وخله وطلع..
أي عمري احبه شسوي....اطيعة واسويله اللي يريده منا لمن ينسة

(♦ ♦ فاديه ♦ ♦)

الظهر الساعة بـ 2:00

(♦ ♦ شمس ♦ ♦)

سحبني من ايدي وكعدني يمة واكل وانه مدنكة ما اقدر اباو علة خاف

تخلي بس اكل لكرار وانه بس فالي الرزالة...
باوكت لديني لكيتهن حمر رحت للمراية شفت اخدودي بيهن طبعة
حمرة حيل وادينني حممممممم...شوهتني الله يسامحها...بجيت امي
بجيت اهلي بجيت حياتي المعززة اللي جنت عايشتها..آآآآآآآآآآآ آه يا
اهلي وينكم تجون تشوفوني شصار بيه...عمرى 19 سنه وانه احمل
اهموم عجوز..جا بعد عشر سنين شيصرالله العالم..

اما هديل استيقضت من النوم وذهبت لتقوم بتحضير السفرة لكنها
تفاجأة بوجود حسن بالصالة يتغدا وحده.

هديل:.. ليش ما كعدتني حتى احميه الك واصبلك الغدة؟؟
حسن:..(التفتت الله متفاجأ...) هديل؟؟!!!.. ها؟؟؟ لا عادي..
جان ناسى انه متزوج اصلاً ومتخيل روحة عايش ابدة..

خرج كرار من المنزل وهو غضب من تصرف شمس...صحيح ان امه
اخطئة لأن الاكل كان من عمل شمس فقد اعتاد على طبخها واصبح
يميز طبخها لكن ما كان عليها ان تهين امه...سار بسيارته ساعتين
وتذكر ان شمس لم تتناول أي شيء منذ الصباح اشترا عصير ولقتين
بالكباب ورجع للمنزل قضم قزمة من الاولى ووضعها على الطاولة
التي بالصالة وفتح العصير وشرب منه قليلاً لان شمس كانت في
الصالة تنظر للتلفاز وكانت تجلس القرفصاء وشعرها منتثر حولها...لم
يكن يريد ان يشعرها بأن لها قيمة في داخله لأنه كان واثق من بغضها
له وقد كان يعرف انها غضبه منه لذا عندما تجد طعام له وهيه جائعة
ستأخذه لتغيضه..

(♦ ♦ شمس ♦ ♦)

بقيت بالصالة كاعدة ومنزله راسي لأن وجهي صاير احمر وبدة يتقشر
الجلد بعدين سمعته يتصل بصديقة بالغرفة كمت واخذت اللفات واكلتهم
بس استغربت مو فادية كالت هوا ما يحب الكباب ..بس الزلاطة...بس
لا متعمد ...لا اصلاً هوا ما عنده لا شفقاً ولا ضمير..طلعت الكباب
واكلت اللفات والعصير...وشويه اذن الغروب توضيت ودخلت بالغرفة
الاضافيه اصلي.

دك الباب ودخل وكال.

-انه معزوم لاتسوينلي عشه.

شكله زعلان ..بكيفة...مارديت فرد عليه بغضب.

-انه مو حايط لمن احاجيج تردين.

-انشالله.

-ما تجين إله بالعين الحمرة...يلا مع السلامة.

-الله وياك.

الله يستر ويني ووين الزعل هيه حياتي وياه زفت وبعد ازعل...خلصت
صلاة وسويتلي عشه خفيف واكلته وكعدت على التلفزيون وخففت
الانارة وغفيت.

(♦ ♦ حسن ♦ ♦)

رجعت للبيت بعد الصلاة ولكيت العشه مجهز تعشيت ورحت اتمشه
بالحديقة بعدني يا ربي ...ما متعود على هديل ..بس صراحة تدخل
الكلب بطيبتها...حسيت واحد يمشي وراي وايد كضت ايدي ...التفتت

جانت هديل.. ابتسمت وكالت..:

هديل:.. اليوم كله متانيتك وهسه تخليني وتروح؟؟

ماكدت ارد... شحاجيها... هيه مو تدري شنو مشاعري اتجاهها..

هديل:.. امشي وياك ..لو...؟؟؟

وعافت ايدي ورجعت للبيت مكسورة خاطر رحت وراها وكضيتها
ودرتها الي جانت مدنكة ودموعها على خدها كضيتها من اكتوفها
وكتلها.

حسن:.. انتِ تعرفين مشاعري كلش زين.... تانيني بس فترة وراح
كلشي يتغير..

رفعت راسها مثل الطفل واخترقت نظرتها فؤادي... خلاص
اسررتي بت حيدر...

(♦ ♦ كرار ♦ ♦)

سهرت وي جماعتي وخلاص عيوني ما اقدر افتحهن ودعتهم ورجعت
للبيت .. دخلت جانت الغرفة باردة وظلمة فتحت الضوى شفتها اللي
حارقة كلبي بحبها ومحطمه كل دفاعاتي وما داريه عن شي بت
الذينة... رمشت بعيونها وهيه نايمه من الضوء القوي ... ردت اطفيه
بس شي بوجهها وكفني .. اتدنيت منها وصحت.

-شنو هذا.....؟؟

(♦ ♦ شمس ♦ ♦)

جنت اتعلم جن انه وكرار نمشي بطريق واحد بس محد يدري بالثاني
وفجأة التفت الي وابتسم وكال.

-احبج يا شمس حياتي.

كتله شنو...؟؟؟

اجه ضوة من بعيد وواحد صاح شنو هذالالالالالالالالال
كعدت من الحلم مخترعة وشففت وجه كرار ابوجهي وعيونه كلهن
غضب واحواجة معقودة..كتله وانه نعلانة كلش.

-خير حبيبي شصاير؟؟

بسرعة تحول شكله لواحد مذهول وكال.:

كرار.:. ها ؟؟؟شكلتني؟؟

-شكلت ...شصاير؟؟؟

-الضاهر جنتي تتعلمين...ما علي المهم شنو هذه اللي بوجهج؟؟

-شنو بوجهي .. عيون وخشم..

-اكلي تبين مووكت شقا..

سحبني من ايدي ووداني للمرايه وكال وهوا يأشر بأصبعه على
وجناتي.

-هذه..

-أأ... (صاير وجهي احمر والجلد مكشط)...

-أي هذه شنو ..؟؟تحجين لو احجيك بالكتل..

-هاي هيه اللي عندك...بالكتل؟؟؟

-اهوو مالي خلك أي شي..... تحجين لو شلون؟؟

-عمت... (شكله يعني ..ومنو كال يصدكني أحترم نفسي واسكت

احسن.....)

-منو؟؟؟امي؟؟..احجي لا تخبليني؟؟

-اهوو والله مليت منك ومن ... (سكتني راشدي..)..تطكني.

-تستاهلين ...ما تمشين إله بالكتل...يلا منو اللي شوه وجهج..

(-وانه ابجي) مو اكثر من ما انتة شوهت حياتي... (رحت ابجي على
الفراش بس هوه لحكني واخذني للصالة وجاب جنطته اللي فيها ادويه
وكعد يحط مطهرات ومدري شنو على وجهي ويحجي.:

-ادري امي سوت هذه بس شلون؟؟؟براحتج لا تحجين لصالح
بالنهاية انتِ الخسرانه.... (قلصت وجهي لمن وصل للمنطقة اللي
طكني بيها بخدي سكت وبعدين كمل) ..اسف..ما سيطرت على
نفسي...انه زوجك ولازم تطيعيني وما تعصبيني ولا
تعاندني..خوووووش؟؟؟

-خوش.

-يلا خلصنه...والشفاء انشالله..

-الله يشافيك.

حنون وطيب ...بس دوم يعصب علي والسبب مو جبير...بس احبه.

♦♦-----مضي شهران-----♦♦.

شمس:.. هدول انه من زمان كتلج اخوج يريد يطلقني ؟
هديل:.. ادري كالج بلييلة العرس انه بس جم شهر ويطلق بس ماله
داعي تشربين حبوب منع الحمل.

-بلله حملت؟؟

-احسن راح يبقى عايش وياج ابوي ما يخليه يتزوج عليج ولا يطلقج.
-ما اقدر اعيش وي انسان احس بنظراته شفقى ...وبؤس لأنني سلبته
من حبيبته..

-والله والله..

[illegible]

سمعه بحياتي ..كلتي لحسن؟؟

-بعدني سويت عشه رومانسي حته اكوله..

-يلا جامع السلامة ادري اخوي يجي بهيج وكت.

سديت من عدها وشففت كرار واكف وراي وجنت طايرة من الفرخ

شبکته و کتله

شمس:۔ کرار هدوله حائاااااامل..

ما تحرك ولا حجه انتبهت لنفسي... اهووووووو انه شسويت.. ردت

امیل بس هوہ کزنی وکال۔

کرار:۔ انشا اللہ یوم النہ یا عمری...

انشلت حرکتی مو من عوایدہ ہیج یقول..

شمس: عوفني..

-انْتَ الّٰي شَمَرْتِي رَوْحِ عَلِيّ.

-ما جنت واعيه...من الفرحة تصرفت بدون تفكير..

-وانه اتصرف بتفكير....شمس....انه احبج...تدرين؟؟؟

(.....) -يا ربي يحجي صدك- لو يجذب..)

-شمس کافی جفہ واللہ تعبت... احس روحی شایل جبل علی

کلبی... کافی .. هاي انه اکولها الج... احبج .. احبج.. منا۱۱۱۱۱۱۱۱۱۱ لمن

اموت..

-يومي قبل يومك..

يا عمري والله.... تعبت وانه اخفى حبي.... دخلتي لكلبي

بغداد... بطفولتج... بتصرفاتج الغيه..

-هسه انه غيبه...-

-أي غيبه...اكو وحدة تشوفنى انه الكمر وما تحبنى...وتشلع كلبي وما

تدري بيه...تسهرنى الليل وتشيل من عينى النوم وما تحبنى..

-احبك والله..

ميلني عنه وكضني من اکتوفي وکال بأندهاش.

-بعد کل معاملتي وياج هاي.... تحبيني؟؟

-احبك...وبس لا تخرجني اکثر..

-يا عمري والله أموت على اللي يخلون..

(♦ ♦ حسن ♦ ♦)

دخلت للبيت بس اريد الفراش ما لي خلک أي شي لأن عازميني جماعة
ونسيت ما کلت لهدیل...دخلت وشفتها نائمة بالصالة والصالة تخبل
صايرة..کیک وشموع ..لیش اليوم عيد ميلاد منو؟؟..
شلتها ونومتها على الفراش ورحت سبحت وطلعت انشف شعري
...دک تلفون هديل مخليته بالصاله..

قلبي يتصل بك...

فتحت الخط وسمعت.

-هدوله بارکيلي....طلع کرار یحبني توه اعترف لي.....هدول لیش ما
تردين...بس لا حسن ما فرح بالحفلة والطفل..
-طفل؟؟!!!!

-منو وياي...حسن؟؟

-أي شموسه شنو حفله؟؟؟ وشنو طفل؟؟

-أأأ....حرام اللي تسويها بهديل تحبك وتموت عليك...هيه مو مسويه
حفلة؟؟

-جنت معزوم وما كايّلها وتوني راجع...شني سالفه الطفل.
-حسن هديل حامل..خاف الله عاملها زين لا تفقدها وذيج الساعة تفقد
قلبين بجسد..

-انشالله ما تسمعين غير الى يفرح بعد ساعة

-یا ااریت یا عمری واللہ..

سدیت الخط واجتنبی هدیل۔

-السلام علیکم...منو دے علی-

-ما عليه...تعاى اهنانه...لېش ما كلتېلى..

سویت روحی غضبان و هیه خطیه خافت واجت و کفت یمی..
شبکتها و تفاجأة و کلت.

-هديل عمري الجديد وحياتي..انه مو كتلج تانيني فترة وانسة...هاي
انه نسيت....والله يخليج انه والببي يا ام كلب الجبير...صح ما
جنت احبج ...بس هسة ...صرتي عالمي الي اعيشة صرتي كل حياتي
يا هدييييييييييل...والله..

(♦ ♦ اليوم التالي ♦ ♦)

ارسل حسن هديل لبیت اهلها واخيراً منذ شهرين لم ترى والدتها ..اما اخوتها وابيها فكانوا يزورونها ...وشمس كان بينهم اتصالات لا نهائية.

شمس:: وaaaaaaaaااو لو تحسين بيه شلون فرحانه..

ھدیل:۔ ما اضمن اکثر منی...المهم وانتِ شراح تسوین بحبوب..

شمس:۔ اسسسسسسس لا تسمع عمتی.. خلاص بعد ما اشرب

... اريد بيبي...

-ههههه واخيراً راح اصير عمه..

-اهووووووو بعدني يا اختي ...توني تاركتهن اخذيلج شهرين ثلاثة.

-لا لالا يا ربي كون هذه الشهر حتى تكبرهم سوا..

-یاااااااااا رب..

-اللي يسمعنه امس ما يصدك هاي احنه نفسنه..

دخول كرار لغرفة وشاهد شمس وهديل والفرحة تغمرهما... اول مرة يرى اخته منذ ان تزوجت بهذه السعادة... واول مرة يرى زوجته ايضاً بهذه السعادة.

کرار:۔ الواحد ما یرتاح بغرفته۔

ہدیل:۔ کرووووور۔۔

ذهب له واحتضنها وقال:.. كبرنه يا ام علي وبعدج کرو ما تستحین؟؟

شمس:۔. أي وما اسمح تسمين زوجي کرور... ہا؟؟

کرار:۔ اکول ھدیل شعندج اھنا یعني الواحد ما یکعد وي مرته ؟؟

خجالت شمس اما هديل التي توجهت للباب بغضب مصطنع.

هډیل:.. طرډه یعنۍ.... صدک کرار شو راجع علی وکت؟؟

کرار:۔ مشتاق لزوجتي .. عندج مانع؟؟؟

ھدیل:۔ لا یا عمی ھای مرتک اشبع بیھا۔۔

(♦ ♦ بعد اسبوع ♦ ♦)

(♦♦ — رار ♦♦)

هذه احله اسبوع عشته بحياتي...فرحان لأنني أكتشفت شمس تحبني
...واحتمال اكثر مما احبها..لالالا مستحيل...هيه اخذت كلبتي...وعمرتي
وحياتي...عشني بهااسبوع جنها سنه.

جنه انه وشمس وامي كاعدين بالصالة كالت امي.

ام كرار:.. شمس يمته ناويه تحملين..

شمس ردت بارتباك..

شمس:.. شهر لو شهرين..

التفتت عليها...شبيها خايفة..مشكلتي دكتور وافهم نظرات مثل هاي النظرات.

كرار:.. شمدريج ما هسة انتِ حامل.؟؟

شمس:.. ها؟؟؟

جنت شاك بالموضوع بس هسة تيقنت كمت ورحت للغرفة ولحكنتي..دخلت للجناح وبعدين لغرفة النوم تذكرت جانت قبل لا تنام تفتح جراتها اللي يم الفراش وبعدين تشرب ماي....لا متسحيل تسويها....فتحت الجرارة و.....

(♦ ♦ شمس ♦ ♦)

صدمني سؤالة ..انه رايدة افاتحة بالموضوع بس هوا فاجاني...لحكته للغرفة وشفته كاض بيده حبوب منع الحمل..والغضب واصل لاعلى درجاته..

كرار:.. شنو هذه حضرت الممرضة..

شمس:..(طاحت دموعي)...والله ردت اكلوك...

كرار:.. او لبيبييش تسممين حبوب؟؟؟؟ تعرفين شنو وحدة ما تريد تحمل من زوجها؟؟؟ يا مثقفة وبنت اصول...وبدون أذني بعد...احجي دافعي عن نفسج.؟؟؟

ما كدرت احجي ...ما عندي سبب مقتع...شكله؟؟؟اجتني الحالة اللي يزيد بيها بكائي ويتوقف كلامي..

كرار:.. احجي لا تظلين بس تبجين؟؟ احجي ليبيبيبيش....؟؟؟؟ مع الاسف
طلعتي زيبيبيبيبيف.....انه اوريح كرار الحقيقي..

كض التلفون واتصل..

شرح يسوي...معقوله يتصل بحسن..

كرار:.. الو ابو ماهر ... هله بيك...اي قررت انه اروح ابمكانك ...اي
خلاص..انته ابقى وي اهلك اللي يحبونك انه طلع بس زيف وتكضية
وكت..... بس يمته ؟؟؟؟ اوكي انشالله ..يلا مع السلامة..

كعدت على السرير ابجي...الله يسامحج مرت خالي إله تذكريه...انه
جنت محقة ما اريد احمل منه اذا جان يريد يطلكني ..مايصير اعلق
بيننه طفل...بحيت لمن سمعت صوته يكول..

كرار:.. لاتصدقين عمرج ...كل الحب اللي جنتي بيه جذب...انت تعقلين
واحد حب وحدة من 10 سنين تكدر وحدة بخست عملتج تنسيه
اياها؟؟؟

كدرت احجي كتله:.. انته ما خليتني افهمك السالفة..

كرار:.. اسسسسس ما عندج عذر...كافي..ما اريد اسمع صوتج
اشمنز منه..
خلاني وطلع..

وقفــــــــــــــــة...ترك خلفه قلب محطم ..كومة رمال ...عشق ربما
سيتحول لحقد..قلب ينبض بقوة...عينان مغرورقتان بالدموع....عندما
خرج من الغرفة تحول الصخب و الغضب المحيط بها إلى صمت ..صمتاً
قاتل لا يسمع فيه عدا نشيج....لكن ليس نشيجها هيه ...بل نشيج
دموعها المنسابة بقوة بدء نشيجها يتجاذب اطراف الحديث مع
الصمت...بدئت تنشج الدموع لتحادث الصمت..

صدق بعد ما يحبني؟؟...صدق راح يسافر؟؟...وبعد ما اشوف
كرار؟؟..بعد انتهى كرار من حياتي...صدق بعد ماكو كرار
بمستقبلي؟؟؟..ما يحبني...يشمنز من صوتي..انه؟؟؟...انه
مايطيقتي!!!!!!...خلاص انتهت قصة حياتي ..صدق الحب مرة
وحدة وانه حببت مرة وحدة وجانت كرار...وهوا حب مرة وحدة
وجانت....

كرار:.. شمس..
انه اتحلم...التفتت على باب الغرفة وجان كرار بالباب...وكفت ومسحت
دموعي وكتله.

شمس:.. نعم(رديت من وري خشمي كافي شبت اهانه انه ما غلظت
هو اللي غلط من يوم خطبني)
كرار:.. لمن احاجيج تردين بأدب مو من وري خشمج.

-

-المهم طبج مرض يعالج ما رديتي...اريد انام تعبان ممكن تطلعين
برى تبجين...

استغربت على هذه الطلب....يعني كلبك يطيك تنام وانه ابجي...طاحت
دموعي غطيت وجهي وتقدمت بخطوات متعثرة حتى اطلع بس عثرت
بالزوليه وردت اطيح بس كرار كضني....بسرعة رفعت اعيوني
بعيونه...شفت الحزن والارتباك وألم...شفت نظرة ما فسرته...طاحت
دموعي بسرعة وكتله.

-فدوة اسمعني بس اشرحلك..

-اسسسسسسس(ميلني وراح للفراش) كافي جذب ...دموعج
ضميها لوكت الحاجة..راح اسافر 5 شهور وتبقين انت اهنا حة امي
تعذبج ولمن ارجع اطلكج...

طلعت من الغرفة اشهق من البجي...تكرهني عادي ...بس تعذبني على
مود حبوب مانع...ما اصدقك انك تسوي هذا...

كعدت بالصالة وضليت ابجي بهدوء... يمة وينج تعاي والله محتاجتج
... هذه وكنت صعب الكة واحد اشرحله ويفتهمني... فدوة يمة تعاي.
لكيت روي ابجي بصوت عالي... ضليت اناجي اهلي واحد واحد
..بعدين سمعت باب غرفة النوم ينفتح خفت وكتمت صوتي ما احس
غير كرار يسحبني من ايدي ويدخلني ويكول.
-اذا تريدن تبجين ابجي بالغرفة لحد يسمعج خوش..
ما رديت عليه بس كملت بجي بصمت خلاني كاعدة على كرسي
التسريحة ونام....

(♦ ♦ بعد مضي اسبوع ♦ ♦)

بقي الحال كما هو عليه انه وياه ما نتحاجة وكلت لهديل على اللي صار
وضاجت وخربت عليها فرحتها.... خلصت شغل مرت عمتي مثل كل يوم
بـ 11 وبعدين رحت لغرفتي سويت غدة لكرار وخلصت ونمت... صايرة
احب النوم.. وما اكل عدل نقص وزني بها لاسبوع....
كعدت من النوم على هزه خفيفة من كرار.
-شمس كعدي صبيلي غد..
-خليني انا حرام عليك (جنت مو بو عيي).
-خوش نامي..

راح فزيت بسرعة... انه شسويت... لا وبعد راح ما رزلني مثل كل
يوم... خليني اكوم اصبله الغدة لا يكلب جدر الاكل على راسي.. طلعت
من الغرفة سمعت صوت الماي بالحمام يعني توه يسبح حضرت الغدة
وكعدت اتانيه يجي... جنت احب اشوفة ياكل.. دوم اكعد اباوعله وهو
يتغدة لو يتعشة لان بس بهذه الوكت يكعد ويبي واشوف شكله
الطبيعي....

(♦ ♦ كرار ♦ ♦)

اليوم اخر يوم باجر راح اسافر لمدة 5 اشهر دخلت للغرفة مثل هذه
الاسبوع كله دوم الكاها نايمه اكدها وتصبلي الغدة...بس هالايا
صايرة مو عاجبتني تنام اهواي وما تاكل...يلا يمكن لمن اسافر ترتاح
اكتر مني رحت كعدتها وكسرتت خاطري خليتها تنام ورحت اسبح ولمن
طلعت لكيتها بالصالة صابة الاكل ومتانيتني...جانت صافنه باو عتلها
....متغيرة اهواااااي...بس صايرة احله واحله....اخ منج يا شمس
والله خبلتيني يابنت ابو علاء...يلة راح اعلمها شلون سوت بيه هاي
السالفة ولمن ارجع راح اسمع سببها المقنع لأن هسه اذا شرحتلي بعد
ماكو فايذة لازم ارواح انه بمكان ماهر..كله مني تسرعة بلحظة
غضب...تقدمت ورحت كعدت على السفرة واكلت حنة ماسلمت
عليها...بعدين رفعت راسي وشفتها صافنه علي....هههههههه والله
ادري تموتين علي بس صبري...
-ما تاكلين بدل ما تباو عيلي هيجي.
-بالعافيه عليك.
-كولي انج متغديه كبلي.
-لا والله ما اكلت شي من الريوك
-وليش حضرتج مسويه اضراب؟؟
-لا بس هيج.
-اكلي.
-ما ريد.
-كتلج اكلي(سويت روعي معصب).

-هيه كوة....لو باقية نايمه احستن لى.

رادت تګوم جریتها وکعدتها وکتلها.

-اذا ما اكلتي اوريج شغلج عدل.

-ها اها اكلنه.

..عفيه صيرة مطبعة..

كعدت تاكل بهدوء...يا شمس حته وانتِ تاكلين حلوة.

خاڤت غدة وطلعت من البيت...هايم مثل كل يوم ماعندي شي

اسويہ...اشریت جم غرض لمطبخ جناحنه لان راح اسافر واشتریت

الها جم ثوب واشياء ثانية لان ادري ماراح تخليها امي تسوي

شي...الله يعينج يا شمس بس الي سويتيه مو شويه..انه اموت على

الاطفال ويجوز من وري مانع الحمل اللي شربتيه وانتِ بعدج صغيرة

راح تحرمينه من الببى فترة طويلة... رجعت للببت حطيت الاغراض

ورحت اصلي ولمن رجعت تعشيت وحاولت اجبرها تتعشة ما رضت

وبالخير كعدت تاكل وحست بغثيان وراحت تتقيئ...والله حالة بس لوما

وراي شغل جان اخذتها للمستشفة رحلتى تبدي بالعشرة

بالليل... خلصت عشة وشربت جاي وكلتها.

-حظریلی جنطت السفر..

-ها؟؟؟

-اعتقد وصلت المعلومة....وحطيلي اهدوم يكفني شهر على الاقل..

شہر؟؟؟

-راح اسافر 6 شهور-

??- 6

- اكل لاتصيرين ببغاء وتعيدن الحجي..

-هیجی صرت کلش مکروها بس ترید تفتک منی؟؟؟..

كمت ورحت للحمام اسبح وابدل لا احن عليها وشلون بالرحلة طلعت

من الحمام ورحت للغرفة لكيها ترتب اهدومي ودموعها يطحن بدون

صوت مشطت شعري ولبست وكملت وتعطرت واخذت الجنطة وكلتتها.

-مع السلامة...ديري بالج على صحتج..

.. -ان شالله...الله يحرسك...

-يلا تريدين شي...

-لا...مشكور.

بستها على راسها وطلعت من الغرفة وكلبي متكسر على حالتها..

خرج من الغرفة ...وشعرت بأن روحها أنتزعت منها ...سقطت على الارض تبكي بشدة ...ماذا ستفعل بحياتها بعد الان ...هاهو خرج من هنا وعندما يأتي سوف يطلقها...انتحبت كثيراً...فتح باب الغرفة بعد نصف ساعة وقفرت لضنها انه كرار لكن..

(♦ ♦ هديل ♦ ♦)

اجتمعت العائلة ابيت اهلي واحنه هم رحنه نودع كراروبعد ما راح

رحت لشمس لأن ما شفتهاه ويانه ...حتى لمن سألت كرار.

هديل:. وين شمس ما ودعتك..

كرار:. ديري بالج عليها هاي الايام ما تاكل شي..

دخلت للغرفة وكمزت شمس خطيه على بالها انه كرار...شبكتها

وضلت تبجي وتشكيلي عن كل اللي صار

هديل:. ياعمري والله ...صدكي هوه بس مقهور وشوفي اذا ما طلع

يموت عليج...واله واحد يروح ويتغرب على مود مايحب زوجته

...خليه يتزوج عليها منو كاضة...
شمس:.. يعنييحبني....جا ليش يكول اشمئز منها..
هديل:.. انت بس صبري ...بسرعة الايام تعدي..
-ايام الفراق تطول وايام السعادة تعدي بسرعة.

بعد مضي شهر
في بيت الخال محمد

(ايمان ام عباس)

اليوم ابو ضياء جاب مرته وتصالح وياها ومسوي عزيمة بس الاهل
سلمنه عليها وكعدنه نسولف الكل فرحان ويضحك والاخص ام كرار ولا
جن ابنها مسافر ...بس شمس متغيرة كلش وحالتها حاله ما تسر
الصديق ..تكربت منها وكلت..
ايمان:.. شموستي شبيج خالتج كلش متغيرة؟؟؟..
شمس:.. تعبانة كلش..

هديل:.. أي خالتي حاجيها والله كرار موصيني عليها اوكلها بس هيه
من يوم راح لاتاكل ولا شي..
ايمان:.. ليش يا روح خالتج؟؟؟..
شمس:.. خالتي...انه كلش تعب...ن...ه...
طاحت بحضي :.. يمة شمس كعدي..
ولا حركة

رحنه صحنه لحسن لفيناها بالعبايه ورحنه انه وحسن وهديل وياها.

بعد مضي شهران

(کرار)

ااه الايام تمشي ببطئ وانه ما احب اترك اهلي واسافر
اهواي.....لاتقشمر على نفسك...مو اهلك الي ماتكدر تفاركهمكول
شتاقيت لشمس....وشبيها...زوجتي ومن حقي اشتاكلها...يلا اصبر
وعلى الله..

دکیت علی رقم امی من شریحتی الدولیه..

-الو السلام عليكم.

-وعلیکم السلام ورحمة الله وبرکاته... هله والله بحیبی الغالی

...شلونك يمة كرار؟؟

-بخیر یمہ مادام اسمع صوتجانتم شلونکم؟؟

الحمد لله عايشين..يمته ترجع يمة؟؟..ليش طولت الغيبة؟؟؟

-يمة بعد 3 شهور واسف عى التقصير ما اتصل بس الشغل اهواي..

اطي محاضرات واخذ محاضرات واسوي عمليات واهواي اشياء....المهم انتم بخير.

-أى يمة...بشر ما شفتلك وحيدة اهنالك؟؟؟

-ههههههه لايمه انه متزوج شنو وحيدة بعد.

-أي زواج متزوج وحدة مغبرة ... اريدك تاخذ وحدة ثانيه.

-لا يا الغالية وحدة كافيه) عرفت ان شمس يم امي ولذا بس تريد

تزوجها) شلون ابوي واخواني واخواتي؟؟

..كلهم بخير ويتمنون يحاجونك...اهم شى ماتجيب طاري المغبرة...

-اطيني المغبرة هههههههههههه على كولتج.

-وشدراك هيه يمي؟؟
-لأنج ما تهزئينها من وراها..(امي واعرفها على الرغم من كلشي بس
ما تحب تغلط عليها من وراها)
-هاك اخذها.

شويه صمت وبعدين سمعت صوت انفاسها....كله منج يا شمس
بعدتينهبددت الصمت انه وإله لو ساكت هيه ابد ما تحجي.
-الو؟؟

-شلونك كرار؟؟
-الحمد لله انت شلونج؟؟
-بخير....

-ها انشالله مرتاحة وناه مو يمج...(ماجاتي رد) ..اكيد راح الكاج
سمينه من الراحة لمن ارجع بعد ثلث شهور...(صمت وبعدين انفاسها
بدت تتقطع وبعدين سمعت صوت بجيها....قطعت كلبي...آخ لو هسة
ارجع بس تورطت وبعد ما اقدر) شمس ليش تبجين؟؟
-عندي الك خبر.

-كولي اريد اسمع صوتج؟؟
سمعت صوت امي تصيح عليها وتاخذ منها التلفون.
-الو كرار يلا روح للشغل مع السلامة.
-الله وياج.

سدت امي التلفون توهه مشتاقة..بس شمس شنو رادت تكلي...والله
طار كلبي من الفرحة لمن سمعت الجم كلمة اللي كالتها ...بس الخبر
حسيت انه راح يفرحني اكثر....عجيبه يمه اول مرة اشوف ام ما تحب
الخير لأبنها..

بعد مضي شهران

(شمس)

صارله شهرين .. ما اتصل....ومحد كاله اني حامل...(مسكت بطنها
وقالت)..يا عمري صار عمرج اربع شهور وابوج مايدري بيح...هذه
اللي جنت خايفة منه...ماجنت اريد احمل حتى لا يطلكني ويحرمني منج
لو تتحرمين منه ...بس الضاهر مو كلشي يصير حسب ما
نخططله...بس انه ما تمنيت شي وصار بهالدنيه .. حياتي صارت جحيم
وي عمتي وماترحمني كلش وكل ما الها تزيد الشغل علي وماتقدر
حملي....بس لو ما ضرغام وعلي جان اسقطت من زمان...كله تخليني
اشيل اشياء ثقيله...الله يسامح عمتي...

شمس في الاشهر الاربعة هديل في شهرها الخامس في البداية وفاديه
في شهرها الثالثة...والجميع سعيد عدا شمس..

فاديه تركت الدراسة على الرغم من اعتراض الجميع لكن كانت حالتها
سيئه لذلك قررت ان تؤجل السنه...اما هديل وشمس فلا زالتا يذهبان
معاً حسن يوصل شمس للمعهد وبعدها يوصل هديل ويذهب هو في
طريقة...

كرار زاد حنينه لمكان النشأة ولم يستحمل البعد اكثر...لذا قرر العودة
بأي طريقة لكن لم يكن امامه أي حل...لذا قرر ان يتروى ويصبر..

بعد مضي شهر

وما ادري شصار بعد

(كرار)

اطيت امي خبر اني راح ارجع ووصلت للعراق الحبيب الصبح ودخلت
للبيت وانه ميت تعب سمعت صوتها بالمطبخ ما كدرت ادخل...بعدني
احس بشي تجاهها يوكف بيني وبينها دخلت للغرفة...وشميت عطرها
...كافي انمسح اخر شي يخليني اشيل عليها شي لازم اخليها تشرحلي
كل شي...سبحت ولبست تراك واخذت الخاولي وكعدت انشف شعري
وظلعت من جناحنه ورحت للمطبخ...سمعت امي تغلط وفادية تبجي
وضرغام يصيح غطيها خليني اشيلها.

دخلت للمطبخ وانصدمت..

وقفة...دم على الارض...ومحبوبته بين يدي اخيه وكأنها جثة
هامدة...اخته تنتحب ووالدتها ولا كأن الذي امامها بشر.

كرار:.. شبيهه شمس؟؟

طلع ضرغام من المطبخ وهوا شايلها وخلاني..

فاديه:.. فدوة روح الهم....يمكن شمس جهضت..

كرار:.. شمس....حامل!!!!!!

فاديه:.. اهئ اهئ...ليش محد كالك؟؟ الله يسامحج يمه...مو كلتي انج

كلتيله....اكو ام تسوي هيح حرام عليج..

الام:.. اكلي تبين هيه طكت بالكرسي خبله...

طلعت ولا جنها مسويه شي..الله يسامحج..

كرار:.. من يمته حامل(هذه الخبر اللي رادت تكلي اياه)..

[illegible]

موتك يا عمري....ها؟؟؟شتريد تحاجيني...كول؟؟؟انه السبب..يا علاوي
...الله يسامحني ويسامحج يمة..سمعت الممرضة نور تحاجيني.
-دكتور اطيني البيبي وكمل العمليه..
-انشالله.

خلصت العمليه...بستها براسها وطلعت الممرضات وودعتها بعيني
وطلعت بس اريد اوصل لغرفتي حتى ابجي ما استحمل بعد...صح انه
جراح بس هم عندي مشاعر..هذي زوجتي وهذه ابني اللي
ضيعتهم...طلعت شفت كل العائلة...اول واحد اجة بوجهي ابوي رحله
حتى اسلم عليه لاني جنت مسافر..
-شلونك يبي...

-والك عين تسلم؟؟!!...كله منك اللي صار...اكو واحد يسافر ويعوف
زوجته وهيه حامل..
-يبي ان..
-اسسسسسسس...لا تحجي ما اريد اسمعك صوتك...شلونها شمس
؟؟..

-بخير يبي..
التفتت وانه احاول ابلع دموعي وسلمت على عمامي وبعدين وصلت
لهديل..

-شلونج هدول ام جاسم؟؟
-بخير...ها؟؟؟شرايك باللي صار؟؟
-هديل مو تستلميني انت...انتم كلكم ما تحسون بيه على بالكم سهله
واحد يسوي عمليه لمرته حتى يطلع ابنه الميت..
-شكلت لروحك لمن عفتها ها؟؟؟
-ما جنج اول وحدة تدري السبب..؟؟؟ها؟؟؟احجي ليش ساكتة؟؟
حيدر..شني السالفة..؟؟

وجهج ... على فكرة ما دامج انت بديتي العداوى .. ترى انه تزوجتج
على مود ابوي ... جم شهر واطلجج .. او كي ... ونكوللهم مانكدر نعيش
سوا " آآآآآآآ آشمس ... ذاكرتج قوييه)

- اخوي وين صرت؟؟
- ها؟؟ ما كو شي .. تذكرت شي...
- المهم ابوي ضايج لانه اتهمك بأنك تدري بحمل مرتك وعافيفها
... وهسه يريد يعتذر..
- افا الغالي يعتذر... ما عاش اللي يخليه يعتذر... انه رايحله..

ذهب كرار لوالدها وقبل رئسه وبعدها اجبرهم كرار بأن يذهبو لاعمالهم
ولم يبقى عدا فاديه وهديل وحسن وزوجة العم احمد واصر حسن ان
يأخذ كرار الذي بقى ويعود بهم للبيت.... فبقيت هديل وحسن مع شمس
الراقده في الغرفة ما بعد العمليه ... ولن انسى ان اقول لكم ان كرار قد
اوكل العناية بشمس للدكتورة "وداد"

♥

♥♥*♥*

مر اسبوع وشمس راقدة في السرير بسبب سوء التغذية والاجهاض
وكان كرار ينهي اعماله ويبقى معها في الغرفة ذاتها حتى نقل له سرير
وكان ينام به بقرب شمس ... ام الاهل فكل يوم يأتون حتى ام ضياء
جاءت مرة اما ام كرار فلم تأتي ابدأ واعزا الجميع السبب وراء ذلك في
انها لاتستطيع ان ترى عملتها..



(شمس)

فتحت عيوني وانه اشعر بتعب وبغثيان..... لا ارادياً مديت ايدي
لبطني.... اكو شي فقدته.... احس نفسي خفيفة... بس اكو جرح ابطني
تحسسته من وري الجرجف... حاولت اكوم حتى اشوف شنو السبب هذه
الجرح... بس ايد رجعتي..

-الحمد لله على سلامتج عمري.

-ك...رار؟؟!!!

-عيونه وحياته وكلبه وكلشي بدنيته.... طلبي شتردين ???

-ليش طولت؟؟

-والله ما جان الامر بيدي كلشي طلع خارج سيطرتي.... سامحيني... يا

بعد عمري (اخذت ادينهه بديني وتوسلتلها) فدوة سامحيني يا نو

دربي..

-اسامحك؟؟؟؟!!!!!!

ميلت ايديني من ايده وكضيت بطنيوتذكرت..

-وين ابني؟؟؟؟

باوعتله ونزل عيونه وبعدين رفعهن و وراد يكض اديني بس انه

ضليت اجر بقميصة واصرخ و عيوني تصب دمووووع.

-وين علي؟؟؟وين ابني...مووتوووووووو انته وامك ارتاحو

...خلاص اللي جنتو خايفين اربطكم بيه مات...يلا خلي امك تلبس احمر

....يلا انته سوي احتفال...يلا فرحو هلهووو...اريد عليييييبي

ابنيييبي...روح لمك خليها تحني ادينها...

كعدت بعد ساعة ولكيت الغرفة ضلمه بس اكو ضوه بقرب راسي وكرار
يقرى قرعان يمي....والله مشتاقته...بس كافي وصلت عندي حد
الاشباع...حتى بالمستشفة ما سلمت منه...لازم اطلع...اصلاً ماله
داعي اكله..هوا مقرر هذه الشي من البدايه...لازم افاتحة...بس خليني
اسمع صوته لأخر مرة...



-ها؟؟ هسه شلونج؟؟

-اليوم اذا تحبين؟

(-تفاجأت ليش حسن؟؟) وشعليه حسن؟؟

(-انه صرتي تموتين مني ... ما اصدقج..) لو بالمستشفه لو

ایتنه؟؟ اختاری؟؟

-ایبیت اخوی-

(-كلت خليني اكسر الشر واتماشه وياها..) منو يعتني بيج ابيت
حسن؟؟

-عاد ابيتك الكه عنايه؟؟

(-استحيت..ايجوز اهنك اخوها وهديل ما عندهم غيرها...بس ابيتي
امي تتمنى الموت ولا شوفت شمس....واخواني صعب يساعدونها..)
هديل بطنها واصله الخشمها وما اريدج تتعبينها.

-انتة مالك شغل انه اهتم بنفسي.

-ابقي بس جم يوم وبعدين انه ادبرها..

-حسن...أأ اقصد كرار؟

(-والله جرحتني...ما مره غلظت بأسمي من يوم اتزوجنه) عيونه..
-انه...طلكني؟؟؟
-ها؟؟؟

-

(-صدمتني قيدت حركتي...علكت كلبي وهسه تكلي بكل برود

طلكني....رديت بدون وعي) بعدين..

طلعت من الغرفة وبسرعة تناسيت الموضوع.

دكيت على ابوي..

-السلام عليكم شلونك يبي؟؟

-بخير يا كرار الطيب عند ذكره.

-خير انشالله؟

-انشالله...البيت خلص تكدر تجي بيه انتة وزوجتك....يلا مو مستعجل
عليه حتى اخواتك رتبو اغراضك واغراض شمس وكلشي بس ناقصكم
...والمفتاح عند الممرضة.

(-لو متصل بيه كبل ساعة ايجوز اظير من الفرح بس هسه..ما

اعتقد) انشالله يا الغالي هسه نروحله لان والله تعبته من المستشفى.

-انتة الله يرضى عليك اسبوع وما تطلع بس تجي تسبح وترجع

للمستشفه....بس شكلك ما فرحان بالبيت..
-افا لا والله فرحانيلا يا ابو كرار تأمر بشي؟
-لا يا كرار الله وياك ..باجر نزوركم بالبيت الجديد وسلملي على
شمس.

-يوصل والله وياك.
غسلت وجهي واخذت مفاتيحي ورحت لغرفة شمس وسويت روعي ولا
مهتم بيها....

♥
♥♥*♥*

(شمس)

ما اقدر افاركة (افارقه) بس لازم ...من صدك يكرهني ليش اربطه بيه
كوه لو عنده ذرة حب الي جان ما كال بعدين..اكيد يستحي من اهله
شيكلهم طلكتها وهيه بالمستشفى يعني ما كدرت اتاني شويه...
اندك الباب مسحت دموعي وسويت روعي نايمه اجاني صوته..
-شمس ادري بيج ما نايمه يلا بدلي وامشينه هسه ما عندي وكت..
-وين؟؟

-انه متانيج برى.

طلع من الغرفة وتحطم اخر امل انه يكلي اريدج وما اطلج...كمت
بهدوء وانه كاضة العمليه ...بعندي ما مصدكة اللي يصير رحت غسلت
وبدلت الفستان اللي لكيته يمي امبين من هديل ولبست العباية وطلعت
لكيته كاعد وحاط راسه بين ادينه...قطع كلبى بس يستاهل لانه لحد

هسه يعذبني كتله وانه اتصنع البرود.

■ خلاصت

..يلا

باوعلي بنظرت تمنيت اروح اشوف وجهي بالمرايه...واعرف نظرات
شفقى لو اعجاب بس بسرعة اخذ ايدي ومشه...دخلني للسيارة بهدوء
وركب بالسدر وقاد السيارة بهدوء مو مثل كل مره ..اكيد خايف على
عمليتي مو علي..التفتت عليه وضليت اباع له ...شكد تغير بالست
شهور....تغير حيل وصار احله من كبل بهواااااااي...ياربي ليش
يصير بيه هيح...ليش افقد اللي احبهم ...انا لله وانا اليه

راجعون....التفت علي وابتسم.

-ها؟؟ شلونى محلووو مو؟؟

-لا صاير مو حلو-

-أي واضح باوعي بالمرايه وشوفي روح شلون تباو عيلي.

جنت ادعي عليك..

[illegible]

فاجائی جنت امتانیته یشتمنی یطکنی مو یضحک

- ادعي براحتك أنتِ الخسرانه....

-ما کوشی اخسره ..کلشی خسرته ...انا لله وانا اليه راجعون.

وكف السيارة امكن غريب بس حلو كله بيوت متباعده وراقه نزلي

وقفل السياره ودك الباب طلعت ممرضة امبينه من اهدومها دخاني

واخذ المفتاح من الممرضة وكالها.

-مشكورة مها باجر تعاي الصبح.

-انشالله دكتور..الحمد لله على سلامتج شمس.

-الله يسلمج-

لبست جنطها وطلعت من البيت.

التفتت عليه قفل الباب ودار عليه يضحك

-وشلون ارتاح وانتي كاعدة تفترين بالبيت ابحدج؟
-كتلك وديني لبيت اخوي ح..
نزلني وكال

التفتت عليه قفل الباب ودار عليه يضحك
-منو هاي واحنه وين؟؟؟
-هذا بيتنه الجديد وهاي ممرضة تدير بالها عليج بغيايى الصبح لمدة
اسبوع على ما شويه ترتاحين..
-ومنو كال اريد بيت ابحدى وياك؟؟
-خافه؟؟؟
-ومنين اخاف؟؟
-سمعي انت ما تطيقين امي وانه مالي خلك العرايك..وهسه نعان
صارلي اسبوع ما نايم تصبحين على خير..
خلاني وصعد فوك...اسبوع ما نايم...بس لا جان سهران على
مودى..او ليش؟؟؟...اكيد يحبنى واله مو جان يريدني اتعذب وي
امه...ياربى شنو هالدوامه اللي انه بيها..التفتت حوالى نفسى البيت
يجنن...صاله جبيرة...
دخلت للمطبخ مطبخ عائله يجنن..دخلت للهول رووووعة والحديقة
تهبل صعدت فوك ثلاث غرف وحده فارغة ووحددة باينه للضيوف
والثالثة...لكيت كرار شامر اهدومه بكل صفحة ونايم...لميت الهدوم
وصفطهن وباوعتله جان نايم بعمق..ضليت امشي بهدوء كسر
خاطري...تعثرت بالحذاء صرخت خفت على بطني كضيتها بس ما
طحت وما احس إله واحد شايلى..التفتت عليه..
-كرار.....!!!!!!
-أي...شسوين ..يعني ما ارتاح..

-ياهو كعدك؟؟

-شوفی عملیتج بعدهاومو زین تتعثرین هسه.

-لو حاط حذائك ايمكان زين جان ما تعثرت.

-ما علي من الحذاء هسه والله والله والله نعساااااااااان...خليني انام
وانه مرتاح.

-نام ياهو كاضك ..بس نزلنى؟؟

-وشلون ارتاح وانتي كاعدة تفترين بالبيت ابحدج؟

..كذلك ودينى لبيت اخوى ح..

نزلنی وکال بصوت صارم و غضبان۔

-امشی کدای نامی وتغی بسرعة تری مالی خلکج کلش.



-یلا ورینی نامی بسرعه.

خفت والله شكله يكتني لو مسويه الف عمليه نمت وتغطيت...بعدين نام هوا....

كعدت الصبح ما لكيت احد طلعت برا لكيت الممرضة كاعده بالصاله.

-صباح الخير مها-

-هله صباح النور... شلونج اليوم؟؟

-الحمد لله اسویلج ریوک؟؟

-لا انه ممرضة واعتنى باللى تاكليه وتشرينه...طلب منى كرار

اعتنی بیج کلش زین۔

-هههههههه انه مو بيبي...وبعدين انت بس تراقبيني وتصحيني ما تطبخن.

- لا هذى وضيفتى صدكى.

-براحتج...يلا ترا انه دلوعة اريiiiiiiiiiiiiiiiiiiid..

-لا حبیبتی ما تریدین شی انه مسویه الج غذاء صحی..

-يعني شلون؟؟

٢٠٠٠-٢٠٠١

-بس لا هذه اللي...

-ایییییی یلا ورینی شلون تاکلین..

-مااااااااااا اريد فدية ما احبه.

اجاني جواب من وراي۔

کرار:۔۔ مو لازم تحبینه۔۔

شمس: لازم بكيفي انه مو مريضة... اجهضت وخلص الامر.

كرار: من رخصتج خليني وياها.

مها :. انشااللهبعد اروح مو ؟؟

كرار:۔ أي انه بعد ما اطلع تعاى باجر۔

مها :. يلا مع السلامة...مو تعاندين شمس..

شمس: اللہ ویاج۔

يحبون عني جني طفله...بس كرار شمرجه..لش بيش الساعة..بـ

11:30..اووووووووو شمنومني لهالوكت؟؟

کرار:۔۔ ھا؟؟ وین صرتی؟

-بعدنی اہنانہ..

-یلا اگلی..

-ما اشتهى ... انت شمرجك على وكت؟؟

-باين ز عجتجميخالف استحميليني...يلا اكلې من امس ما ماکله..

-کتلک ما اشتهی..

کمت بس کضنی ورجعنی لمکانی وعیونه شرار.

-کتلج اکلے ولا تعاندینی....تدرین انت موتتی ابنی؟؟

-انہ؟؟؟؟

-أي ...عبالج انتِ جهضتي من صدمت الكرسي ببطنج؟؟

- أي؟؟؟

-لا عيوني...بيج سوء تغذيه والطفل مات من سوء التغذية....ميت
كبل لا تنطكين بالكرسي بيومين..
رجعت خطوات ليورى....صحيح...انه فقدت حركته قبلها بيومين بس
ما ادري ليش....طاحت دموعي وكلت..
-يعني انه موتت ابني....انه... (دموعي تطيح بغزاره)

وقفه....عيناه تائهتان في وجهها المبتل....تلتهم الطعام بعدم
شهيه...فقط تريد ان تعوض ابنها...انشل تفكيرها وعادات خطوات
للماضي....حاول ايقافها عن العبث بالطعام لكنها منعه..


(كرار)

تعبت من لومها اللي لو لأمي....كلتها السبب الحقيقي....ماجانت تاكل
الطفل تغذه منها وبعدين مات لان هيه اصلاً ماتاكل حتى تغذي نفسها..
ظلت تاكل ببدون شهيه وتبجي والاكل صار بكل مكان...كضيت ادينها
ميلتهن وكالت.

-هدني خليني اكل..(كضت بطنه وكملت) اريد ابني ياكل يتغذه...اي
حبيبي اكل انه اكل..ما راح امتوتك... (التفتت الي وكالت بستغراب)
كرار..ابني مايتحرك؟؟

-حبيبتي اهدي..

-انه مو حبيبتك....بس ترجع من السفر تطلكني وتخلي ابني اللي
...ابني هوا الذكرة الوحيدة من حبي كرار..محد ياخذه مني...لازم اكل

حتى احتفض بهاي الذكرة للأبد منه...
اخذته الحضي وضليت امسد شعرها وهي تحجي كل اللي جنت اريدها
تحجيه...

-احبه والله احبه...بس هوا كال يريد يطلكني ..شربت مانع بس بعدين
كاللي احبج وتركته وانه مقررّة اكوله عن كلشي بس امه الشريرة
ماخلت الي فرصة زعلته ...بس تدري همزين زعلته؟؟؟...(رفعت
راسها اللي وعيونها كله ادموع واجزم انها ماجانت تشوفني ولا تدري
منو انه.)
-ليش؟؟

-حتى يعترف بالحقيقة ..انه ما حبني بس لاني كسرت خاطرة وحتى
يونس اهله..

-وبرئيج هذه سبب قوي واحد يربط حياة كامله بيه؟؟
-أي لانه جان يريد يتونس وبعدين يتزوج حبيبته مثل ما يكول
رواء.....بس هسه انه حامل وبس يرجع راح يطلكني وارجع لاخوي
وانه اربي ابني لوحدني ...وما اخليه يحتاج لأحد ابد...
-واليش ما تشوفين هوا صدك- يريد يطلكج؟؟

-راد وان ما راد مالي غرض بيه...اهم شي عندي اني ما اريده ابد
....ما اصدك بواحد يحب اثنين بالعالم..

-واذا كالج انه حبج انت وبس ...ورواء جانت مجرد بنت خاله.
-بعد ما يفيد...اكو واحد اخذ حب كرار مني..
ميلتها عني وباوعتلها عدل ...بعدهي تهلوس..
-منو هذه؟؟

-اللي ابطني شوف ... (باوحت لبطنها وكالت) بس بطني
زغرانه...احس بوجع بيها..
-وين وريني؟؟
-ميل ...تريد تاخذ ابني مني.

رحت جبت ابرة مهدء وحقنتها ونامت اخذتها للغرفة ورحت اسوي
شي اكله..ميت من الجوع من البارحة ما ماكل شي...تريد تخبني والله
ما ادري شسوي...دكيت على هديل وكلتها على كل شي وكالت:.
هديل:.. شرايك لو تخليها عندي اكيد راح ترتاح وانتة ارتاح ودام
بشغلك وكلما شتاقيت تعال البيت بيتك.

-والله الضاهر راح اسوي اللي تريدينه ... لأن والله بعد ما عندي قوه
بعد والله يحلها.

-الله يصبرك يا اخوي.

-يلا لو كعدت اجيبها مع السلامة.

رحت للغرفة لكيتها بعدهي نايمة نمت و غفيرييت ونسيت اهلي يريدون
يجون العصر..



(شمس)

كعدت على صوت تلفون يرن وصوت جرس الباب باوكت للتلفون لكيت

مكتوب ..ابوي...جان يتصل خالي حيدر بـ كرار رديت:.. الو.؟؟

-هله والله بهالصوت..احنه بالباب ليش ماتفتحون؟؟

-اسفة خالي جايه بس شويه جنت نايمة.

-جا وين كرار مو كناله نجي العصر؟؟

-مدري هسه اجي اسفة خليناك بالباب.

-يلا ما عليه يا بنتي.

- هذه ابوك.. خالي حيدر... (شبي يباوع ..) ...هسه همه بالباب... (ما يرد ..
..خليني اروح افتح الباب احسلي.. كمت وكلت) رايحة افتح الباب..
- لا اوكفي ...انه رايح..
- بكيفك!!!

راح وشكله مستغرب.. صدك انه موجنت اتغدة شجابني اهاناه... يلا
غسلت وجهي ونزلت قابلونني خوالي بالاخصان اما حسن فكان سلام
خاص... هذه العزيز والغالي بس هديل ميلتني وشبكتني وبعدين فاديه
اما الولد بس سلام من بعيد ومرت خالي محمد ام ضياء شبكتني بس مو
ذيغ الحنيه اما ام كرار ولا تحركت من مكانها باوحت لكرار هز راسه
دنكت عليها وبستها براسها باوعتلي بستغراب ودنكت مستحيه باوحت
لكرار ابتسم... رحت لمرت خالي احمد شبكتني من كل كلبها.... وبعدين
كالت هديل..:

هدیل:۔ طلبتج من کرار تروحین ویانه وواقف۔

شمس: حلفی؟؟

هدیل: واللہ حتی سألہ۔

شمس:۔ واللہ ونالللللالللسہ واللہ اثق بیج مالہ داعی اسأل..

هديل: اييبيي واضح؟؟

فاديه :- شنو الواضح بس لا الحب ؟؟... بالله باوعيلي شمس ...اي
 صدك واضح الحب بعيونج....ما جنت ادري انج تحبين اخوي هالكثر..
 الكل ضحك لانهم سكتو فجأة على صوت فاديه العالي ...دنكت مستحيه
 بس رفعت راسي الفضول اخذني لكرار ردت اشوف وجهت
 نظرة...لكيته ضايح حيلخلاص لكيت الحل ...حتى من حبي ينزعج
 ..طيب كرار..

شمس:۔ عمی ابو کرار...

حیدر:۔ امری..



(كرار)

جنت اسمع الحجي بين هديل وشمس وضجت لان حسيت بفرحت
شمس ابيت اخوها يعني ما كو امل كلش...دنكت وحسيت الم براسي
صكني من قلة النوم حتى وانه نايم ما نايم...وعيت من تفكيري على
صوت شمس.

شمس:.. خالي ابو كرار.

حيدر:.. آمري..

شمس:.. اريد اتطلك..

الكل:..؟؟؟؟؟؟؟؟؟؟؟؟؟؟؟؟

فتحت حلقي..من كل عقلها...براحتها بعد ما اقدر اسويلها شي اذا هيه
كرهنتي..ما اقدر اعيش بحب من طرف واحد.

حيدر:.. ليش شصاير؟؟

شمس:.. خالي انه وكرار...ما نكمل بعض...ما متوافقين...وما عندي

غير هذه الحجي..لا تنسه انك اجبرتنه بالزواج..

حيدر:.. انتم لو مصرين بأنكم ما تريدون تتزوجون جان ما اجبرتكم..

شمس:.. يعني هسه احنه الغلطانين..

ما كدرت اسمع الباقي شمس مو بحالتها الطبيعیه وخاف تهين ابوي
وهذه اللي ما راح اغفره لها.

كرار:.. شمس كافي...اسف يبي..انه المذنب...انه جنت احبها انه اللي

ردت اتزوجها بأي طريقة .. وهيه كالتلي من البداية ماتريدني...بس انه
جلبت بيها عنوة وهسه كدام الكل ...شمس ..انت...
حيدر:.. لا تكمل تندم.

كرار:.. مو اكثر من اللي ندمان عليه..واسف لضياح ايام من عمرج
بسببي...بس خلاص بعد ما تشوفيني..
طلعت من الغرفة ورحت بدلت ونزلت الهم لكيت الكل على حركته اطيبت
المفاتيح مالات البيت لبوي وكتله..
-انه من اليوم راح ارجع لبيته لان هذه البيت بأسم شمس وكل
الاوراق بغرفتها وهسه وراي شغلمن رخصتكم ..لانكم صرتو
ضيوف شمس..



(حسن)

لحد هسه مصدوم ...جنت اشعر بشمس شلون حزنانه بغياب كرار
وادري بيها تحبه بس ليش طلبت الطلاق؟؟؟؟ الكل كام وري كرار
....انه ما الومك يا كرار بس انتة ما تدري بيها مريضه بعدهي؟؟.....
كل العائلة كامت وطلعو من البيت وري ما طلع كرار بقيت بس انه
وشمس وهديل ..شويه سمعت هديل تكول لشمس.
هديل:.. شسويتي بخوي؟؟؟ انت ماتعرفين شكك يحجج؟؟
شمس(ودموعه ينزلن):.. لو يحبني ما طلكني بس كلته..

هديل :. يعني تفشلينه كدام العائله كلها وتريدينه يمول لا اريدها...ومو
كلتي جبرتنه ومدرني شني....اريد أسألج انتِ سألتيه هذه السؤال قبل لا
تقولينه كدام الكل؟

شمس:.. أي وكالي بعدين..

هديل:.. والله خسرتيه بغبائج... عن اذنك حبيبي راح اصعد انام ضهري
ضل يعورني.

حسن:.. اصعدج؟؟

هديل:.. لا ...انه اندل طريقي..الدور والباقي على ناس..

صعدت فوكـ وضليت صافن على شمس.

شمس:.. ها؟؟؟ حسن احجي؟؟

-شحجي مثلاً وانتِ حتى ما كلتيلي شي بسرعة فشلتيني ...لازم اول

تقوليلي انج ما تريدينه حتى انه اطرح الموضوعبس الله يرضى

عليج...عندي شغله هسه انه رايح ارواح ساعة وارجع ابقى يم هديل

خاف تحتاجين شي بس كعديها خوش ...يلا صدي فوكـ.

-الله وياك....بس المفاتيح؟؟

-اكو واحد يم الباب احتياط وواحد عندي ولو رجعت نتفاهم.

-انشالله.

جنت مواعد سالم صديقي على شغلة ضروريه وطلعت من البيت حته

اروحله واعتذر ونأجلها لوقت ثاني.



(شمس)

صعدت فوقـ ودخلت لغرفتي...كلشي اهاناه لكرار....عظوراته
....اهدومه...كتبا...ادواته الطبيه...ياااااااه مستحيل اعيش من
دونه...بس هوا كال احبها...ياربي انه صدك مريضة بعدني..لش
طلبت الطلاق انه والله احبه...وهو كال انه يحبني والبيت اشتراه
اليه..مايصير اهدم كل شي...راح اعتذر الحمد لله ان عمي وكفاه..
رحت كضيت تلفوني اريد ادك عليه وسمعت هديل تصرخ..شمرت
التلفون ورحت ركض..
دخلت لغرفة الضيوف..
-هدول عمري شبيح؟؟
جانت متغطيه وتصيح..

[illegible]

-خلاص اطمینی تلفونج ادک علی حسن-

اخذت التلفون وشففت الصادرة جان واحد عمري وواحد حياتي....بس عمري اول واحد يعني اخر رقم متصله بيه ...رنيت واجاني الجواب.

- ھدول مالی خلک بعدین کلمینی..

کرار.....انصدمت ...بس صراخ ھدیل نبھنی ونبہ کرار۔

-حسن شبیہا ہدیل؟؟

-انه شمس و هديل بطنها تعورها.

-وین حسن؟؟

-طلع وكال ساعة واجي ..واسمك بالصادرة ودكيت..

-انه بالطريق لبسيها عبايتها واتصلی بحسن وكوليله اوکی عمري .

..أأ... ۶۶۶۶۶۶۶... انشالله..

یاربی نسه توا شصایر..

سدیته من کرار ودکیت علی الرقم الثانی وجان حیاتی طلع حسن.

-هدول حياتي توني واصل للرجال...
-حسن انه شمس هديل بطنها تعورها وصحت لكرار وراح يجي
ياخذنه للمستشفة وكال انتة لازم تعرف.
-طبعاً لازم اعرف وليش ما دكييتي علي من الاول..
(-حز بنفسي جوابه واخذت على خاطري اكيد يلومني...) ما اعرف
شمسم...

-كافي اعدار جاي..
خسرت الكل بسبب حالتي السيئه...بس خلاص محد راح يشوفني
...بس خلي هدول تكوم بسلامة...رد حسن احزني...اخوي
وعضيدي..هديل اختي اللي تساعدني خطوة بخطوة...زوجي
وحياتي...خوالي... خلاص ما الي لزوم بالحياة المن عايشة اصلاً..ما
عذرو حالتي النفسيه ...توني فاقدة طفلي...بس معذورين ...انه اصلاً
ما لازم ابقى عايشة ...لازم اموت وي اهلي...دخل كرار للغرفة وصرخ
بوجهي.

-وين جنتي حضرتج ...صارلي ساعة ادكـ بالباب؟؟

-ياهو فتحه الك؟؟؟؟؟؟؟؟!!!!!!

دخل حسن من وراه وعيونه كلهن غضب ما حسيت إله براشدي حار
على خدي ...ما صرخت ..كرار اللي صرخ..
كرار:.. مالك حق تطكها.

حسن:.. لازم اوكفها عند حدها...تريدين تموتين هديل يا اختي الغاليه
وكل هلي...؟؟؟

شمس(بعدي مصدومه من اللي يصير):.. انه اموت هديل!!!!!!!!!!!!!!!!!!!!

كرار:.. مو وكت كلام اخذ زوجتك وانه جاي وراك..
شال حسن هديل نزل جوا ...وانه كاضة خدي ومستغربه ...شني انه
شنو سويت ...؟؟ليش اموت هديل..انه احبها هيه واخوي ...؟؟
كرار:.. شمس شبيج؟؟

شمس:.. ولا شي (نزلت دموعي حارة على خدي وتبعتها شهقه لا اراديه مسحتها حيل وخذشت خدي وكلت) ما ابجي ...روح لهديل وطمني عليها.

اقترب مني وكال:.. شمسي شبیج... انتِ تحسین بشی... عورتی
خدیج... شوفی صار احمر..

شمس:۔۔ کرار روح اختک تعبانه روحها۔

کرار:.. انه رايح ...وانتِ ما تروحين؟؟

-لا خلني اهناء-

-وياهو ييات وياج؟؟

-اللہ کریم...طمنی علیہا-

-انشالله ديري بالج على نفسج.

- انشأ الله .

**طلع من الغرفة وما كضيت روي انهاريت بالبجي... خلاااااااااااص
حسن را ح مثل ما كرار را ح... انه اموت هديل.. وري ساعة من البجي
رن التلفون واجاني صوت حسن.**

شمس... ہدیل جابت... بالشهر السادس.

-الحمد لله بس..

مات... كله من... ..

سديت التلفون ورحت للمطبخ... خلاص بعد ما اقدر اعيش ... مات
طفلي وانه السبب ... مات من الجوع ... وهسه طفل اخوي ... وهم انه
السبب... ما اريد اموت طفل فاديه بعد... بس انه ما اريد انتحر... انه
اهووو واي تعذبت بالدنيه ليش انتحر وادخل للنار ... خلىني اكمل حياتي
والله كريم يا ربي اغفر لي ذنوبي يا الله سااا المحني انا عبدك الفقير
اتضرع اليك... ياربى من لي سواك ... ارحمني يا الله... الحمد لله على كل
حال..

نزلت من الدرج بصعوبه لأن الجوع موتى لازم احط ابطنى شى قبل لا

اموت من الجوع... وهنوب حتى روحي ما سلمت مني...



(كرار)

دكتورة وداد.. اسفة دكتور كرار بس هديل نصحته كلتله ما تتحرك
اهواي لان عدها توسع... وما يصير تتحرك خاصة وهيه في شهرها
السادس... واحتمال تجيب بالسابع لكنها ما كالت لحد منكم حتى ينتبه
عليها.... بس الله اله بيها حكمه... وهسه هيه ما بيها شي وديرو بالكم
بالطفل الجاي... وانه هم راح اكل لزوجها.. هذه هوا مو؟؟؟..
التفتت لكيت حسن جايلي يركض..
كرار.. خير حسن شصاير؟؟؟

حسن.. روح لشمس كتله مات ابني كله مني لاني ما سألت هديل
شكالتلها الدكتورة... بس شمس ما سمعت بس كله من... وعلى بالها
كله منها... لانها سدت الخط ابوجهي..
رحت ركض كبل لا يكمل جملته لأن ادري شمس حالتها ما تسمحلها
احد يتهمها بشي وانه توني كايالله انها السبب في موت ابنا..
وصلت للبيت ولكيت الباب مفتوح.. انا ما سديته وراي.. دخلت للبيت
سكون.... هدوء بس شويه وسمعت نحيب شمس بالمطبخ.. دخلت جانت
دايرة وانه اشوف بس ضهرها... تبجي وتكول..
-انكصي... هسه حتى بالسجينه وما تنكصين.. يا ربي.. اهئ اهئ..
تقدمت بخطوة ثابتة وصرخت بيها.

[illegible]

بعد مرور عام.

يمكن ان اقول انتهت الحقبة السيئة التي مرت بها شمس ولم يتبقى لروايتي إلا القليل... هديل انتهت تعليمها ولم تقدم على وظيفة لأنها تريد ان تلزم بيتها... فاديه اجلت سنه والان هي مرحلى اخيرة لغة عربية... اما شمس فأنهت المعهد ولم تقدم على شيء فقد كان معدلها امتياز وتستطيع التقديم على جامعة لكن نفسيتها متعبه فلم تقدم على شيء ولم يسألها احد لماذا..



(حسن)

هدولتي حامل في الشهر الثامن وماتتحرك من مكانها امها صارت زينه
من يوم فقدت هديل ابنه حزنت ام كرار وحست بالالم اللي شمس
حست بيه واعتذرت وصارت خوش ام وخوش عمه وهيه كل يوم تجي
ساعة لو ثنين يم هديل ..وانه جبت ممرضة على عرف كرار ترعاها
بغياي ...بس هيه ما راضيه تريد تحوس بالبيت وتنظف وتاكل...

**لبست اهدومي وکيل لا اطلع بستها براسها وردت اروح.
-حسن..**

قلب حسن... شتریدین .. امري بس؟؟

-ولا شيء بس والله مليت ماله داعي ابقى بالفراش الطفل كبر و..
-اسسسسسسسس ولا كلمه والله تعبت من كثر ما سمع هالحجي
هذه... ما بقی بس شهر استحملي على مود خاطري لو ما اللي خاطر..
-كل خاطر الك... الله وياك..

يا بعد عمري... توصين على شي؟؟

-سلامتک یا روح شمس..

-اختی لو بٹی؟؟

..الثنين..

-هههههه يلا مع الحب والجمال..

- ههههه مع السلامة..

فتحت الباب للممرضة ووصيتها مثل كل يوم وحسيت بيها بس تريد
تلطّشني بأقرب حايط...حقها ملت نفس الحجي كل يوم
رحت للشغل ولكيت يوسف بطريقي.

-السلام على ابو الشباب..

-هلا والله بابو شمسبس عن اذنك طالع.

-خير توك جاي.؟؟ عسى ما شر؟؟

زوجتي تطلق ولازم اروح....

- ههههههههههه والله و غلبتني ..الله وياك طمني..

-انشالله يوم لزوجتك-

- انشأ الله

يوسف اتزوج وراي بسبع اشهر ومرته هسه راح تجيب لأن انه
هدولتي سقطت البيبي الاول..الله يكوم مرته بالسلامة.



(عباس)

-فدووووووو كعدي..

-اهووووووو ما اكر انام؟؟

-أي.... شوفي ابنج ما اللي خلكه اريد انام هم انه..

-او ليش ما تروح للشغل؟؟

-محد يسويلي ريوكـ

-لا والله.... يلا كايمه...

-أي بسرعة..

كامت وملت فاضل يمي لاعبته وبعدين رحت حطيته بكاروكة ورحت

اسبج وبعدها تريكت ورحت للشغل....حياتي ويه فاديه هاديه وحلوة

...وفاضل زاد حياتينا جمال واهلي طايرين بيه..



(کرار)

انه حياتي رتيبه...وعاديه الله ما قاسم لي ارتاح....افتكينه من كل
المشاكل ورجعنه لمشكلة الحمل...شمس ما صار عدها شي وانه ما
الومها وقابل بكل شي بس كون ابقى وياها وهيه بين فترة وثانيه تكول
اكيد انتة حزنان وضايح لان ما عندك اطفال ..بس انتظر الله كريم
..ولازم تزوجني.

-صباح الخير..

-صباااح النور والسرور يا عمري..

-من یمتہ کاعد؟؟

-کبل شویہ...

-يلا انه رايحة اسويك ريوك-

-یلا وانه رایج ابدل۔

**بدلت ونزلت للصالة لكيتها محضرة كلشي بس الجاي بعده..شويه
وجابت الجاي تريكت وشفتها ما تاكل.**

-خیر حیاتی شو ما تاکلین؟؟

-ما اشتهي...

-براحتج بس لو اشتهيتي اكلي لا تبقين جوعانه..

- انشالله...

-شموسه حیاتی شرایج لو نروح لبیت اهلی لو لبیت حسن لو.....

-ملیت من مکابل وجهی ???

-هههههههه الله يرضى عليج اكو واحد يمل من الشمس؟؟

-أي انتہ...طبعاً محد بالبيت لا ولد ولا شي بس وجهي لو

الباب..دخلتها وشبكتني وكالت..
ام كرار:.. خير بنيتي شت حسين؟؟
-لعبانه روعي و...يمكن حامل..
-شمتانيه كليلللووووووووووووش..
-مو وكته عمتي اول خلينه نفحص...ولو انه متأكدة..
-كايله لكرار؟؟
-لا عمتي اريد اسويها مفاجأة خلينه نروح للدكتورة وداد وبعدين امر عليه..
-خوش فكرة...يلا بدلي..
-او كي كعدي ريحي روج وانه هسه اجيلج..
-اووكفي لا تركضين..
-اووووو عمتي من هسه بدينه..
-واذا منو عاجبج اخلي كرار يردج للبيت ماله..
-والله ياريت ..ملت من الوحدة...بس كرار ما يريد يضايق على اخوانه..
-المهم روعي هسه وبعدين نتفاهم..
بدلت ورحنه للمستقى..
الدكتورة وداد:.. مبروك يا عمري ...حامل بالشهر الثاني...
ام كرار:.. انه ابشر كرار..
وداد:.. امممممم كيفج..
شمس:.. لا فدوه انه بس هوا ما عنده عمليه..
وداد:.. لا ء هسه هوا بغرفته روحيله..

رحت لغرفة كرار وقبل لا ادخل سمعت صوت ناعم ودلوع اعرفه كلش زين..(أي كلش لعبانه..
ورد عليها صوت كرار يكوّلها بهدوء ورقة (ما بقى شي ...هيه جم

يوم و)....

دخلت وكتله..

شمس:.. ليش جم يوم خلها هسة مو احسن..

التفتلي بأستغراب اما رواء فما رفعت راسها.

كرار:.. شمس؟؟؟؟؟؟!!!!!!

شمس:.. أي... الله جابني حتى اكتشفك..

ابتسم وقال وهو يقترب مني:.. شمس خليني افهمج..

خليته وطلعت من الغرفة احس بضيق... ما اكر اخذ او كسجين طلعت

من المستشفى ووكفت يم الشجر اخذ هوى وكضني من ايدي وكال.

كرار:.. امشي جوا خليني افهمج..

-لاء... كافي... انه ما اصلحك... عوفني بحالي.. الله يخليك خليلي

كرامتي الباقية..

-بس انت فهمتي الموضوع غلط..

-واذا فهمته صح ننفضل؟؟؟

-اذا تشوفين هذا هو الحل... براحتج...

-وتتخلي... عن..... عني؟؟؟

-انا ما اريد اعوفج لو بملايين الدنيه.

-بس انه ما مريحتك و...

-انه راضي.. رواء حامل...

-يمته تزوجت حتى حامل؟؟

-من فترة.. تزوجت ابن عمها فارس.

-اوليش ما كلتولي؟؟

-جنتي.....جنتي تعبانة وما حبينه نضايقج.

-جنت...تعبانة؟؟...قصداك بيه حاله نفسيه...مخبله مو صح..(جنت

احجي بصرخ والناس تباوع متعجبه)..

-شمس.

-كول انه مريضة نفسياً...مو صح؟؟

-أي انتي مريضة نفسياً..

-الله يسامحك...شلك بيه بعد...زوجه مزعجة ومخبله طلكني وروح

لوحة صاحيه...لو شرايك تطلقني وتتزوج رواء بس خلي...

راشدي كالمعتاد يستخدمه حتى يسكت لساني....وما يسمع الحقيقة

اللي يحاول يخفيها..

-كافي لعبتي نفسي من الدنيا الله يشيل اليوم اللي شفتج بيه....من

شفتج ما شفت السعادة...

-انا؟؟؟؟ انشالله تشوف السعادة...انه رايحة لبيت اخوي واريد ورقة

الطلاق توصلني..(وقبل لا اروح قال)

-انت شجايج للمستشفى اصلاً؟؟؟

-ما محتاج لأن ما راح يغير شي من اللي كلته انه..

خليته ورحت لبيت اخوي بسيارة اجرة..اول ما دخلت ستقبلتني هديل

بالاحضان...كعادتھا وكالت.

-اووووه شمس لا تصيرين مثل اخوج خليني افرح بحملج..

-لا يطيح وهم اتهم نفسي.

-شمس امي كالت انج حامل...وجانت ضايجة ليش؟؟؟

-وعديني انج ما تزوجين ويصيرلج شي..

-شمس احجي لا توتريني...

-ولا شي مهم...بس...(دخل حسن وكال)

-بس هيه تريد تبقى ترعاج جم يوم وكرار ما يرضى...(باو علي

بنظرات يقولي بيها موصح..؟؟)

شمس.. أي..

هديل.. لا شمس لا تخافين علي عندي من يرعاني...اخوي خطية منو

اله؟؟؟ فدوة هوا هالاياض ضايح واحسه مو مثل كبل...انتی اهواي

متغيرة عليه...وعلينا كلنا متى ترجعين شمس اللي نعرفها....

حسن:.. كرار بالديوان يريدج..

شمس:.. ها؟؟؟ شيريد بعد؟؟

هديل:.. ها شمس شصاير...روحي لزوجك ...ما اريد مساعدة بضرر
كرار...شمس انت حامل وزوجك هو اللي قادر على رعايتج...انت
تعبت في الفترة الاخيرة لأنج تفكرين بالحمل ...وهسه حملتي وماكو
شي يزعجك ابد..إلا اذا جان كرار مقصر بشي عليج..كرار مقصر يا
شمس؟؟؟

شمس:.. انه مضوجته وما اريد اضوجه اكثر...انه خربت حياته كلها
من يوم دخلتها ...اريد اطلع مثل ما دخلت..

هديل:.. صعب يا شمس ..هيه مو لعبه تدخلين يمته ما تريدن...هاذي
مشاعر ...هاذي احساسيس...انت تكدرين تطلعينه من حياتج؟؟؟....
شمس:.. مستحيل.....ولا افكر انساه...هو احسن شي صارلي...حتى
لوو...

حسن:.. كافي حجي...روحي لرجلج بالديوان وانه راح اودي هديل
للغرفة تعبت كلش ..وانت ادرى بحالتها...شمس..انه ما اتضايك منج
لو احطج على راسي ..انت اخر ذكرى لهلي ..واخر شي اتمنه
افقدة...خوش.. وما اعوفج لو اخر شي اكضة بحياتي ...بس اللي
اريدة قرار منج ..ونهاي..يا تبقين وياه للأبد وبدون حركات اطفال...يا

...

شمس:.. خلاص لا تكمل...

حسن:.. بقت يمج بعد..

دخل هوا وهديل لغرفتهم جوا لأن مو زين على هديل تصعد فوق وانا
طلعت ورحت للديوان وبعدي بعباتي الاسلاميه بس الملفع على اكتافي
وشعري انفتح.

شفته كاعد وعينه على صورة ابوي بالديوان حسن مكبرها ماخذها من
الجنطة اللي بقت عندي من علياء وبيها صورنا...الحمد لله اني اخذت

الجنطة ومحتوياتها...كعدت بعيدة عنه وكلت.

-السلام عليكم..

-و عليكم السلام... شلونج شمس ..(كربت منها وکامت)

..الحمد لله ..بس موجنی تونی جنت یمک..

-وانه اعتقد عمري ما شفتج...هاي اول مرة اشوفج ...بيها شي؟؟

-لأن..وهذا دليل على اني ما جئت شي بحياتك اصلاً لهذا السبب انت

ما تشوفنى..

-ليش تفسرين الامور دومج بنفسج؟؟؟ ليش ما تكولين من الحب

والمعزة اللي في كلبى الج ... افتقدج بسرعة والساعة تصير

سنه... ليش ما تكولين انج يمي بس مو يمي..

-وشلون تصوير؟؟

-يعني انتِ ما مهتمه بيه والاهتمام هوا اللي يخلي الواحد يحس بأن

الثانى يمة..

-هسه شترید(یاربی بس لا جای یطلکنی...انه مدری شبیه ..والله

تعبانه حیل وارید واحد یمسد شعری ویططب علی... ما ارید قسوة

كأنا في اللي ضكته) ..

- اريد اوصل لنهاية الطريق وياج..

-ها؟؟(فتحت عیونی علی وسعهم...) شنو یعنی..؟

-وانتِ شفہمتي من حجيبي؟؟

-الطلاب؟؟؟

-مو هذا الى تريدنيه؟؟؟

-يعني اذا كتلك انتحر تتحر؟؟

-أي انتحر...وطلبج هذا اكبر انتحار...

-وانه اكلوك .. لا تطلكني..

-انتِ شتریدین منی یا بنت الناس...انه شأجرت بحقج؟؟

-ولا شيء... اسفة..سوي اللي تريده(طاحت دموعي كاعدة اربط

بالحجي ومدري شكول ..وين هديل تلم حجي... خليته ودرت اريد اطلع
من الديوان... سحبني ودارني اله وكال)...
-شمس انت...

غمضت عيوني ..خلاص وصلت لنهاية الطريق...وانه الغبيه اللي ما
اعرف شلون احجي...بس راح احتفض بالبيبي ذكرى للأبد..
-فتحي عيونج..

-ها؟؟(فتحت عيوني بدهشه)..

-شبيج غمضتي؟؟

-هيجي ..عوف ايدي..

-على بالج اطلكج؟؟؟

-اوليش لاء؟؟

-يمته تريدن تكوليلي؟؟

-على شنو؟؟

-على اللي ابطنج؟؟

-كيفي..

-لاء مو كيفج....ويلا امشي للبيت وسالفة الزعل والطلاك انسيها..

-اروح للبيت (يعني صدك- ما يحبني بس يريد الطفل...) ما اروح

وظلكني..

-موصوج صوجي انه متزوج طفله غبيه....شوفي يا شمس ...احبج

أي ..واموت عليج والله ايبيببيي بس ما اتنازل اكثر من هيجي...كافي

تعبت وحولتي حياتي لجحيم...طلاك ما كو ..ويا تروحين وياي للبيت

هسه يا تبقين معله للأبد وابني اخذه منج اول ما تجيبينه..

طلع من الديوان....لحكته وكتله..

-اذا انه طفلة انت اكبر طفل..

التفت والغضب وصل لأعلى درجة..

-ليش؟؟

-لأنك ما تفهمني..

-وشلون افهمج يا حضرت المدام..

-انه تعبانه...والله تعبانه ومدري شسوي...حتى حجي ما اثمه لمن

احجبي...انه..

أي..

-محتاجتك ..دوووووووووووم وللأبد واحبك اليوم وباجر وكل

حياتي.....ولازم تعتي بيه والطفل الجديد لأني طفلة...

اقترب مني وشمرت روحي عليه وحسيت ان كل معاناتي انتهت وراح

اغلق عليها الباب للأبد...

(طاحت بأحضائي وسحبت كل مشاكلها وحفظتهم داخلي واقسمت اني

راح انسيها كل احزانها حتى تبدي حياة جديدة بقيادة السعادة)

[illegible]

2011\9\23 ص 5:15 الجمعة

بكت كثيراً

بكت اهلها ...بكت حزنها وبؤس حياتها

بكت من المجتمع الضالم

بكت من اقرب الناس لها

لكن آن لمأساتها ان تقف في طريق وتتركها لتقودها السعادة لنهاية الطريق..

هذه شمس بطلة روايتي...قد تضنون انها خياليه

لكن انا اقول لكم ان حياتها كلها واقعيه

اقتبستها من عدة شخصيات على مسرح الواقع

لتقوم بتجسيدهم بطلتي شمس..... اتمنا ان تأخذو منها العبر

اهدي روايتي هذه لكل من قرئها

ولكل من قال انه سيقريها

ولكل من عبر والقي نظرة عليها

ولكل من تمنى ان يقرئها...

كتبت هذه القصة لمدة اربعين يوماً...كنت سعيدة وانا اكتب
...وبعدما انهيتها

قرنتها من جديد لأصحح الاخطاء وتشوقت ان اقرء النهاية على الرغم
من اني انا من كتبها

لذا فأتمنى ان يكون شعوري تجاه قصتي نفس شعوركم تجاهها
لكم ودي واحترامي...وتقديرى

مع تحياتي



أجندة الوميض



أجندة الوميض